



Broj: 01-02-3684-1/22
Zenica, 08.03.2022. godine

- ZENIČKO-DOBOJSKI KANTON
VLADA KANTONA
- *n/r premijera Kantona*
- *n/r sekretara Vlade*
- MINISTARSTVO ZA PRIVREDU
ZENIČKO-DOBOJSKOG KANTONA
n/r ministra

PREDMET: Mišljenje o Nacrtu Zakona o rudarstvu Federacije Bosne i Hercegovine – traži se

U prilogu ovog dopisa, dostavljamo Vam Zaključak Doma naroda Parlamenta Federacije Bosne i Hercegovine, broj: 02-02-1833/21 od 3.3.2022. godine, **(sa priloženim Nacrtom Zakona o rudarstvu Federacije Bosne i Hercegovine)**, a koji je zaprimljen **na službeni e-mail Skupštine Zeničko-dobojskog kantona dana 07.03.2022. godine**, i u čijem stavu 3. je navedeno da se zadužuje Stručna služba Doma naroda Parlamenta Federacije Bosne i Hercegovine da navedeni zaključak i Nacrt Zakona o rudarstvu Federacije Bosne i Hercegovine dostavi **kantonalnim skupštinama radi davanja mišljenja u roku od 60 dana od dana dostave navedenog zaključka.**

U prilogu maila, pored navedenog Zaključka Doma naroda Parlamenta Federacije BiH i Nacrta Zakona o rudarstvu Federacije Bosne i Hercegovine dostavljeni su i: Obrazac izjave o fiskalnoj procjeni za Prednacrt Zakona o rudarstvu Federacije BiH (Obrazac IFP-NE) od 06.07.2021. godine, Mišljenje o Prednacrtu Zakona o rudarstvu Federacije Bosne i Hercegovine Ureda za zakonodavstvo i usklađenost sa propisima Europske unije, broj: 01-03-02/1-14-676-2/21 od 12.08.2021. godine sa priloženom Kontrolnom izjavom o provedenoj procjeni utjecaja propisa od 12.08.2021. godine, Mišljenje na Prednacrt Zakona o rudarstvu Federacije Bosne i Hercegovine Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, broj: 05/02-02-978/20 VI od 02.03.2021. godine, Akt Vlade Županije Zapadnohercegovačke, broj: 01-31-5/21-82 od 18.02.2021. godine, sa priloženim primjedbama Ministarstva gospodarstva Županije Zapadnohercegovačke na Prednacrt Zakona o rudarstvu Federacije Bosne i Hercegovine dostavljene aktom broj: 05-03-02-116/21 od 15.02.2021. godine, a koje je svojim Zaključkom, broj: 01-31-3/21-82 od 18.02.2021. godine prihvatila Vlada Županije Zapadnohercegovačke, Akt Vlade Županije Posavske, broj: 01-02-68-1/21 od 11.2.2021. godine, sa priloženim Mišljenjem na Prednacrt Zakona o rudarstvu Federacije Bosne i Hercegovine Ministarstva gospodarstva, rada i prostornog uređenja Županije Posavske, broj: 09-02-12-1/21 od 10.2.2021. godine koje je prihvatila Vlada Županije Posavske Zaključkom broj: 01-02-68/20 od 11.2.2021. godine, Mišljenje u vezi Prednacrt Zakona o rudarstvu Federacije Bosne i Hercegovine Ministarstva privrede Tuzlanskog kantona, broj: 03/1-14-2511/21 od 12.02.2021. godine, Mišljenje na Prednacrt Zakona o rudarstvu Federacije Bosne i Hercegovine Ministarstva privrede Unsko-sanskog kantona, broj: 06-18-3266-4/21 od 03.02.2021. godine, Akt Ministarstva privrede/gospodarstva Hercegovačko-neretvanskog kantona/županije, broj: 07-02a)-14-1-16-1/21

od 25.02.2021. godine, sa priloženom kopijom mišljenja Inspektorata Ministarstva privrede/gospodarstva Hercegovačko-neretvanskog kantona/županije, broj: 07-06-14-25/21 od 23.2.2021. godine na Prednacrt Zakona o rudarstvu Federacije Bosne i Hercegovine, Mišljenje na Prednacrt Zakona o rudarstvu Federacije Bosne i Hercegovine Ministarstva privrede Kantona Sarajevo, broj: 07-05-14-978-1/21 od 26.02.2021. godine, Akt Ministarstva privrede Srednjobosanskog kantona, broj: 05-04-02-360/21 od 19.02.2021. godine, sa priloženim Zaključkom Vlade Srednjobosanskog kantona, broj: 01-04.1-1110/2021-2 od 18.02.2021. godine kojim je usvojeno Mišljenje na Prednacrt Zakona o rudarstvu Federacije Bosne i Hercegovine Ministarstva privrede Srednjobosanskog kantona, Akt Ureda predsjednika Vlade Hercegbosanske županije-Livno, broj: 16-01-02+6/21 od 30.03.2021. godine, sa priloženim Mišljenjima Ministarstva gospodarstva Hercegbosanske županije, broj: 05-01-02-4/21 od 22.03.2021. godine i Uprave za inspekcijske poslove Hercegbosanske županije na Prednacrt Zakona o rudarstvu Federacije Bosne i Hercegovine, broj: 19-03-14-1-0065/21-002 od 17.3.2021. godine, Akt Vlade Bosansko-podrinjskog kantona Goražde, broj: 03-02-239-1/21 od 16.02.2021. godine, sa priloženim Zaključkom Vlade Bosansko-podrinjskog kantona Goražde, broj: 03-02-239/21 od 12.02.2021. godine i Mišljenjem Ministarstva za privredu Bosansko-podrinjskog kantona Goražde, broj: 04-22-88-1/21 od 09.02.2021. godine na Prednacrt Zakona o rudarstvu Federacije Bosne i Hercegovine i Odgovor Ministarstva za privredu Zeničko-dobojskog kantona, broj: 04-02-762-2/21 od 30.08.2021. godine, da isto nema primjedbi na Prednacrt Zakona o rudarstvu Federacije Bosne i Hercegovine, a sve navedene akte vam također dostavljamo u prilogu ovog dopisa.

S tim u vezi, a u cilju postupanja po navedenom Zaključku, te mailu Doma naroda Parlamenta FBiH kojim je zatraženo da Skupština Kantona dostavi mišljenje o Nacrtu Zakona o rudarstvu Federacije Bosne i Hercegovine, Domu naroda i Federalnom ministarstvu energije, rudarstva i industrije kao obrađivaču Nacrta ovog Zakona u roku od 60 dana od dana prijema tog maila, molimo vas da nam traženo mišljenje dostavite u roku od 35 dana od dana prijema ovog dopisa kojim vam dostavljamo navedeni Nacrt zakona sa svim priložima), a koje bi Skupština Kantona imala u vidu prilikom razmatranja Nacrta navedenog Zakona, te na osnovu kojeg bi mogla utvrditi svoje Mišljenje po istom, a potom ga u ostavljenom roku od **60 dana** od dana prijema maila Doma naroda Parlamenta FBiH, (tj. najkasnije do 07.05.2022. godine) proslijediti Domu naroda Parlamenta Federacije BiH i Federalnom ministarstvu energije, rudarstva i industrije.

S poštovanjem,

PRILOZI: Kao u dopisu



DOSTAVLJENO:

- 1 x Naslovu,
- 1 x Komisiji za privredu, ekonomsku i finansijsku politiku, budžet i finansije Skupštine Kantona/**04-01**
- 1 x Svim poslanicima Skupštine Kantona/**05-03**
- 1 x Domu naroda Parlamenta FBiH, **na znanje/ na e-mail: dom.naroda.pfbih@gmail.com**
- 1 x Federalnom ministarstvu energije, rudarstva i industrije, **na znanje/na e-mail: kabinet@fmeri.gov.ba ; amir.halilcevic@fmeri.gov.ba**
- 1 x U spis predmeta - „R“/**05-02**

T-26

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za privredu, Vlada Zeničko-dobojskog kantona, na 149. sjednici, održanoj dana 07.04.2022. godine, d o n o s i

ZAKLJUČAK

I.

Prihvata se Mišljenje Ministarstva za privredu Zeničko-dobojskog kantona, broj: 04-1-02-3684-2-2/22 od 30.03.2022. godine, u vezi Nacrta Zakona o rudarstvu Federacije Bosne i Hercegovine.

II.

Zaključak sa Mišljenjem iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02- 02-5775/22
Datum, 07.04.2022. godine
Zenica

DOSTAVLJENO:

1x Ministarstvo za privredu,
1x Stručna služba Skupštine,
1x a/a.



Blum
Madž
fu



ZENIČKO-DOBOJSKI KANTON

V L A D A
n/r Premijera
n/r Sekretara

Broj: 04-1-02-3684-2-2/22
Zenica, 30.03.2022. godine

Postupajući u skladu sa aktom Stručne službe Skupštine Zeničko-dobojskog kantona, broj: 01-02-3684-1/22 od 08.03.2022. godine i aktom Stručne službe Vlade Zeničko-dobojskog kantona, broj: 02-01-02-3684-2/22 od 10.03.2022. godine, kojima je zatraženo od Ministarstva za privredu mišljenje na predloženi Nacrt Zakona o rudarstvu Federacije Bosne i Hercegovine, Ministarstvo za privredu daje slijedeće:

M I Š L J E N J E

Nakon razmatranja dostavljenog teksta **Nacrta Zakona o rudarstvu Federacije Bosne i Hercegovine** (u daljem tekstu: Nacrt Zakona), Ministarstvo za privredu daje slijedeće primjedbe:

1. Član 20. (Služba spašavanja, vatrogasna služba i služba prve pomoći)

Ovaj član je samo stavom (3) ostavio prostor za regulisanje ovog pitanja u slučaju površinske eksploatacije. Kako će privredno društvo regulisati ugovorom vatrogasnu službu i službu prve pomoći? To su službe na usluzi svim građanima na području lokalne samouprave. Da li će se to pitanje riješiti pravilnikom koji će napisati Federalno Ministarstvo, jer ovako kako je napisano to se odnosi samo na ona privredna društva iz stavova (1) i (2) ovog člana. Da li će to svojim pravilnikom rješavati kantonalni nivo?

2. Član 39. (Zahtjev za izdavanje dozvole i sadržaj dozvole za eksploataciju)

Predlažemo izmjenu naziva člana u „Dozvola za eksploataciju“, kao što je to slučaj sa članovima 43., 44., 45., 46., 47., 48. i 49.

Stav (1) tačka b) brisati tekst „dokumentaciju o izvršenim istražnim radovima, ležištu mineralnih sirovina, utvrđenim količinama i kvalitetu mineralnih sirovina (potvrda o revidovanim rezervama), a umjesto tog teksta predlažemo tekst: „rješenje kojim se potvrđuju rezerve mineralne sirovine na datom lokalitetu izdato od nadležnog organa“.

Ovo je oblast koja je regulisana Zakonom o geološkim istraživanjima u Federaciji BiH („Službene novine Federacije BiH“, broj:9/10), te je nepotrebno u ovom postupku tražiti od investitora dokumentaciju o izvršenim istražnim radovima i ostalu nabrojano dokumentaciju, a ovdje nije taksativno navedeno koji su to dokumenti.

U stavu (1) dodati tačku g) šumarska saglasnost, odnosno Rješenje o pretvorbi šumskog zemljišta u građevinsko.

Odlukom Vlade Federacije BiH o pretvaranju šumskog zemljišta u građevinsko („Službene novine Federacije BiH“, broj:108/12) za eksploataciju mineralne sirovine na površinskim kopovima neophodno je izvršiti pretvorbu šumskog zemljišta u građevinsko, odnosno, platiti naknadu štete. Svi kantoni na području Federacije su u svoju zakonsku regulativu za oblast šumarstva uvrstili ovu odluku. Slijedom navedenog, predlažemo da se doda navedena tačka.

*Blum
Mazur
Lj*

Stav (2) tačka d) nakon riječi „radova“ preostale riječi se brišu a dodaju riječi “ i gradnju objekata prema rudarskom projektu”.

3. Član 42. (Zahtjev za produženje dozvole za eksploataciju)

Stav (1) tačka a) dodati riječi „za eksploataciju na datom lokalitetu“

Stav (1) tačka b) tekst:“potvrdu o priznatim rezervama mineralne sirovine“ zamjeniti tekstem: „posljednje izdato Rješenje o potvrđivanju rezervi mineralne sirovine na datom lokalitetu izdato od nadležnog organa“.

Stav (2) poslije riječi „važnosti“ dodati riječi „postojeće/aktuelne“, te poslije riječi „dozvole“ dodati riječi „za eksploataciju“.

4. Član 44. (Dozvola za izvođenje radova i gradnju objekata prema rudarskom projektu)

Stav (1) tačka h) brisati riječi “izvještaj revidenta o reviziji projekta“

Izvještaj revidenta o reviziji projekta je sastavni dio projekta što je regulisano podzakonskom regulativom, trenutno je to Pravilnik o sadržaju, redoslijedu izrade, sastavnim dijelovima i načinu izrade rudarskih projekata („Službene novine Federacije BiH“, broj:53/12) i sigurno je da će tako biti regulisano i nakon usvajanja novog teksta Zakona o rudarstvu. Ovako izgleda kao da je to poseban dokument, i da se treba posebno/dodatno dostaviti, ali je, ustvari, sastavni dio projekta. Dosadašnja praksa je dokazala da je projekat jedna knjiga koja se, kao takva, ovjerava.

Stav (1) tačka h) tekst:“izvještaj revidenta o reviziji projekta“ zamijeniti tekstem: „šumarska saglasnost, odnosno Rješenje o pretvorbi šumskog zemljišta u građevinsko“.

5. Član 45. (Privremena dozvola za izvođenje rudarskih radova)

Predlažemo izmjenu naziva člana u: „**Dozvola za izvođenje privremenih rudarskih radova uvođenja nove otkopne metode ili probnog rada novog postrojenja**“, jer se radi o privremenim radovima, odnosno ti radovi imaju rok u kojem će se izvoditi.

Stav (1) i stav (4) ovog člana nisu dovoljno precizirani.

Stav (1) navodi u kojim situacijama se izdaje ova dozvola. Znači, samo u slučajevima podzemne i bušotinske eksploatacije za uvođenje nove otkopne metode, ali ne i za površinsku eksploataciju!!

I u tom slučaju, dozvola se izdaje na rok od dvije godine.

Predlažemo da se u stavu (1) iza riječi“radova“ stavi tačka , a ostale riječi brišu.

Stav (2) Navodi se da se ova dozvola izdaje i u još jednom slučaju, a to je kada je zbog uvođenja nove tehnologije i postrojenja predviđen probni rad. Da li to znači da se ova situacija može desiti i u slučaju površinske eksploatacije?

Stav (3) tačku b) brisati jer je propisano šta sve podrazumjeva sadržaj Projekta i trenutno je to Pravilnik o sadržaju, redoslijedu izrade, sastavnim dijelovima i načinu izrade rudarskih projekata („Službene novine Federacije BiH“, broj:53/12). Dosadašnja praksa je dokazala da je projekat jedna knjiga koja se, kao takva, ovjerava.

Stav (4) brisati ovakav tekst.

Primjedbe

Navodi se mogućnost da rok za izvođenje navedenih privremenih radova bude duži nego što je u stavu (1) napisano. Pitanje je: na osnovu čega će se odlučiti koliko dugo će iznositi rok odobren dozvolom? Da li će to predmetnim projektom biti predloženo? Nameće se i pitanje:koliko dugo, koji je sljedeći rok nakon dvije godine? Tri godine? Sljedeće pitanje je: ukoliko privredno društvo nije u datom roku (dvije godine) otklonilo sve nedoumice - da li postoji mogućnost produžavanja roka nakon dvije godine?

*Šta
može
biti*

Predlažemo:

Stav (4) tačka a) Dozvola iz stava (1) ovog člana izdaje se za vremenski rok kako je definisano predmetnim projektom i može trajati najduže dvije godine i bez mogućnosti produžavanja.

Stav (4) tačka b) briše se tačka i dodaju riječi "ukoliko je tako predmetnim projektom definisano, ali ne duže od tri godine i bez mogućnosti produžavanja".

6. Član 46. (Konačna dozvola za izvođenje rudarskih radova)

Predlažemo izmjenu naziva člana u: „**Dozvola za izvođenje rudarskih radova novom otkopnom metodom ili nakon probnog rada novog postrojenja**“

7. Član 109.

Prijedlog:

Dodati stav (2) koji glasi: „inspektor će na licu mjesta izdati usmenu mjeru zabrane obavljanja djelatnosti fizičkom licu, o čemu sačinjava zapisnik, te je dužan u roku tri dana od izricanja usmene mjere donijeti rješenje.“

Obrazloženje:

Članom 16. stav (1) Nacrta Zakona propisano da rudarsku djelatnost može obavljati isključivo privredno društvo a ne fizičko lice. Upravno sankcionisanje fizičkih lica nije predviđeno Nacrtom Zakona, te postoji upravna praznina regulisanja nelegalnih aktivnosti fizičkih lica koja vrše otkopavanja mineralnih sirovina iz nadležnosti federalnog organa uprave (član 6. Nacrta Zakona).

8. Član 116. (Saglasnost za građenje u eksploatacionom polju)

Prijedlog:

Predlažemo brisanje ovog člana.

Obrazloženje:

U stavu (1) navodi se da je potrebno pribaviti „mišljenje privrednog društva“.

Kakvo to mišljenje može biti, od čega zavisi, odnosno, čime je opredjeljeno, za koga je obavezujuće? Gdje su propisana ta pravila? Neophodno je da budu ista za sve, a ne da zavise od nečije lične procjene i utisaka.

Da li je ista ova odredba i u Zakonu o građenju?

U stavu (2) navodi se kao mogućnost, tj. može se izdati urbanistička saglasnost, kada postoji opasnost od oštećenja (koje vrste oštećenja, do koje mjere oštećenja, primjer: ako bude padao crijep sa krova i padne nekom na glavu što uzrokuje smrt), ali ne postoji opasnost po život i zdravlje ljudi???? (ko određuje to) i -još jedan uslov koji glasi: ako se investitor pismeno odrekne prava na naknadu štete koja bi mogla biti posljedica izvođenja rudarskih radova.

Međutim, mora se imati na umu, da je svako privredno društvo koje obavlja rudarsku djelatnost, na prvom mjestu, koncesionar, odnosno, onaj koji je dobio pravo služiti se javnim dobrom i da pri tome nikom ne smeta i doprinosi i sebi i društvu.

Na prvom mjestu je potpisao Ugovor o koncesiji, a prvi uslov za dobijanje koncesije jeste saglasnost jedinice lokalne samouprave za obavljanje takve djelatnosti, i to pod određenim uslovima.

Jedan od najbitnijih uslova jeste da će izvršiti isplatu nastale štete usljed njegovog obavljanje ove djelatnosti.

Koncesije se, u slučaju podzemne eksploatacije, ne dodjeljuju niti na male površine (preko 100 ha), niti na kratak vremenski rok (preko 10 godina).

Svako eksploataciono polje je manje od koncesionog polja ili isto.

Ovaj član se odnosi na eksploataciono polje.

Međutim, kako bude napredovala eksploatacija neki dijelovi koncesionog polja će kasnije postati eksploataciona polja.

Šta ćemo sa onim objektima koji su napravljeni u koncesionom polju koje sada postaje eksploataciono?

Gdje su prava investitora, ali i vlasnika zemljišta, i interesi lokalne zajednice?

U stavu (3) Shodno napisanom tekstu privredno društvo postaje „vlastodržac prostora“, onaj koji diktira pravila, radi kako hoće, jer on pri tome nikome ne nadoknađuje štetu i traži da se drugi odreknu svojih prava.

Privredno društvo je dužno, shodno potpisanom ugovoru o koncesiji, da obavljanje svoje djelatnosti projektuje tako da ne ometa druge u obavljanju njihove djelatnosti i ne uzrokuje štetu, a nikako da uskraćuje prava drugih.

9. Član 117. (Građenje u eksploatacionom polju)

Stav (1) brisati. Sve što se proglasi javnim interesom ima svoju zakonsku regulativu i bespredmetno je ovdje nabrajati koji su to objekti.

Šta ako budu neki drugi objekti koji nisu ovdje nabrojani?

Stav (2) postaje stav (1) i glasi: „Prije izrade projektne dokumentacije za izgradnju objekata na površini eksploatacionog polja investitor mora od privrednog društva tražiti mišljenje o tome koji bi pravci i položaj tih objekata u eksploatacionom polju bio najprimjereniji.“

Stav (3) brisati.

U ovom zakonu se ne razmatra detaljno utvrđivanje uzroka štete, niti utvrđivanje stvarne štete. Nadalje, da li u slučaju greške privrednog društva pravo na naknadu štete ima investitor? Da li takva mogućnost, ovako kako je napisano, uopšte postoji? Dakle, obzirom da je sve već riješeno važećim propisima, onda nema ni potrebe ovdje to posebno naglašavati.

10. Primjedba na DIO DESETI-KAZNE NE ODREDBE

Prijedlog:

Dodati član 120 a), koji glasi:

„(1) Novčanom kaznom od 500 KM do 1.500 KM kaznit će se za prekršaj fizičko lice:

- a) ako se zatekne u izvođenju rudarskih radova ili se utvrdi da je izvodilo rudarske radove u cilju eksploatacije, vadenja, prerade, oplemenjivanja ili otkopavanja mineralnih sirovina,
- b) ako ne sanira nelegalnim radovima devastirano zemljište, na način kako to odredi nadležno ministarstvo,
- c) ako Federalno ministarstvo za rudarstvo ne obavijesti o pojavi mineralne sirovine (član 12.).

(2) Za prekršaje iz stava (1) tačke a) ovog člana izreći će se uz novčanu kaznu:

- a) zaštitna mjera oduzimanja predmeta koji su upotrijebljeni ili su bili namijenjeni ili za izvršenje prekršaja ili su nastali izvršenjem prekršaja ili kada postoji opasnost da će se takvi predmeti ponovno upotrijebiti za počinjenje prekršaja bez obzira na to da li su u vlasništvu počinioca i
- b) mjera oduzimanja imovinske koristi pribavljene izvršenjem prekršaja.

(3) Imovinskom koristi iz prethodnog stava ovog člana smatra se tržišna vrijednost mineralne sirovine dobivene nelegalnom eksploatacijom.“

Obrazloženje:

Nacrtom Zakona o rudarstvu Federacije Bosne i Hercegovine, u dijelu deseti – Nadzor, nije predviđeno sankcionisanje fizičkih lica koja vrše otkopavanje energetskih i drugih mineralnih sirovina, a koje su u nadležnosti federalnog organa (član 6. stav 2. Nacrta Zakona), što je smatram neophodno radi kompletnosti upravne procedure. Nije potrebno u Nacrtu Zakona dodati prekršajnu mjeru fizičkim licima za nepostupanje po rješenju inspektora, jer je to propisano Zakonom o inspekcijama FBiH („Sl. Novine FBiH“, br. 73/14).

Šhm
najn
Z

U dokumentaciji koja je dostavljena putem Stručne službe Skupštine Kantona i Stručne službe Vlade u vezi teksta Nacrta Zakona o rudarstvu Federacije Bosne i Hercegovine je dostavljena Izjava o fiskalnoj procjeni propisa Prednacrt Zakona o rudarstvu na budžet gdje je navedeno da ovaj propis nema i neće rezultirati fiskalnim učinkom, te Ministarstvo za privredu daje primjedbe i prijedloge samo na tekst Nacrta Zakona o rudarstvu Federacije BiH.

Ministarstvo za privredu je mišljenja da Zakon o rudarstvu Federacije BiH, odnosno tekst Nacrta koji će poslužiti za utvrđivanje Prijedloga Zakona, uz uvažavanja prethodno navedenih primjedbi i prijedloga ovog ministarstva, predstavlja dobar polazni osnov za utvrđivanje konačnog teksta Nacrta Zakona.





09-03-2022

03.1.

[Signature]

Broj: 01-02-3684-1/22
Zenica, 08.03.2022. godine

03-02
11.03.22,
[Signature]

- ZENIČKO-DOBOJSKI KANTON
VLADA KANTONA
- n/r premijera Kantona
- n/r sekretara Vlade

① - MINISTARSTVO ZA PRIVREDU
ZENIČKO-DOBOJSKOG KANTONA
n/r ministra

PREDMET: Mišljenje o Nacrtu Zakona o rudarstvu Federacije Bosne i Hercegovine – traži se

U prilogu ovog dopisa, dostavljamo Vam Zaključak Doma naroda Parlamenta Federacije Bosne i Hercegovine, broj: 02-02-1833/21 od 3.3.2022. godine, **(sa priloženim Nacrtom Zakona o rudarstvu Federacije Bosne i Hercegovine)**, a koji je zaprimljen na službeni e-mail Skupštine Zeničko-dobojskog kantona dana **07.03.2022. godine**, i u čijem stavu 3. je navedeno da se zadužuje Stručna služba Doma naroda Parlamenta Federacije Bosne i Hercegovine da navedeni zaključak i Nacrt Zakona o rudarstvu Federacije Bosne i Hercegovine dostavi **kantonalnim skupštinama radi davanja mišljenja u roku od 60 dana od dana dostave navedenog zaključka.**

U prilogu maila, pored navedenog Zaključka Doma naroda Parlamenta Federacije BiH i Nacrta Zakona o rudarstvu Federacije Bosne i Hercegovine dostavljeni su i: Obrazac izjave o fiskalnoj procjeni za Prednacrt Zakona o rudarstvu Federacije BiH (Obrazac IFP-NE) od 06.07.2021. godine, Mišljenje o Prednacrtu Zakona o rudarstvu Federacije Bosne i Hercegovine Ureda za zakonodavstvo i usklađenost sa propisima Europske unije, broj: 01-03-02/1-14-676-2/21 od 12.08.2021. godine sa priloženom Kontrolnom izjavom o provedenoj procjeni utjecaja propisa od 12.08.2021. godine, Mišljenje na Prednacrt Zakona o rudarstvu Federacije Bosne i Hercegovine Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, broj: 05/02-02-978/20 VI od 02.03.2021. godine, Akt Vlade Županije Zapadnohercegovačke, broj: 01-31-5/21-82 od 18.02.2021. godine, sa priloženim primjedbama Ministarstva gospodarstva Županije Zapadnohercegovačke na Prednacrt Zakona o rudarstvu Federacije Bosne i Hercegovine dostavljene aktom broj: 05-03-02-116/21 od 15.02.2021. godine, a koje je svojim Zaključkom, broj: 01-31-3/21-82 od 18.02.2021. godine prihvatila Vlada Županije Zapadnohercegovačke, Akt Vlade Županije Posavske, broj: 01-02-68-1/21 od 11.2.2021. godine, sa priloženim Mišljenjem na Prednacrt Zakona o rudarstvu Federacije Bosne i Hercegovine Ministarstva gospodarstva, rada i prostornog uređenja Županije Posavske, broj: 09-02-12-1/21 od 10.2.2021. godine koje je prihvatila Vlada Županije Posavske Zaključkom broj: 01-02-68/20 od 11.2.2021. godine, Mišljenje u vezi Prednacrt Zakona o rudarstvu Federacije Bosne i Hercegovine Ministarstva privrede Tuzlanskog kantona, broj: 03/1-14-2511/21 od 12.02.2021. godine, Mišljenje na Prednacrt Zakona o rudarstvu Federacije Bosne i Hercegovine Ministarstva privrede Unsko-sanskog kantona, broj: 06-18-3266-4/21 od 03.02.2021. godine, Akt Ministarstva privrede/gospodarstva Hercegovačko-neretvanskog kantona/županije, broj: 07-02a)-14-1-16-1/21

Skupština Zenicko-dobojskog kantona

05-02/18.03.22.8

From: "Parlament Federacije BiH - Dom naroda" <dom.naroda.pfbih@gmail.com>
Date: ponedjeljak, 07. mart 2022. 15:21
To: "undisclosed-recipients:"
Attach: Pismo_DN-nacrt-zakona-rudarstvo.pdf; Obrazac Izjava o fiskalnoj procjeni.pdf; Izjava o procjeni uticaja propisa.pdf; Pismo_DN-nacrt-zakona-rudarstvo.pdf; ZOR NACRT_BOS.docx; ZOR NACRT_HRV.docx; ZOR NACRT_SRB.docx; Mišljenja nadležnih kantonalnih sa KS.pdf
Subject: Zaključak Doma naroda Parlamenta Federacije BiH o prihvatanju Nacrta zakona o rudarstvu Federacije BiH

Poštovani,

u prilogu Vam dostavljamo:

SKUPŠTINA ZENICKO-DOBOJSKOG KANTONA			
Primijeno	08.03.2022.		
Org. jed.	Broj	Prilog	Vrijednost
01-02	-	3684	/22

Zaključak Doma naroda Parlamenta Federacije BiH o prihvatanju Nacrta zakona o rudarstvu Federacije BiH radi davanja mišljenja i Nacrt zakona o rudarstvu Federacije BiH

Molimo Vas da mišljenje o Nacrtu ovog zakona dostavite Domu naroda Parlamenta Federacije BiH i Federalnom ministarstvu energije, rudarstva i industrije kao obrađivaču Nacrta ovog zakona u roku od 60 dana



Stručna služba
Hamdije Kreševljakovića 3
web: <https://parlamentfbih.gov.ba/>
Tel. 033/203-246
Tel. centrala 033/219 -190

07.03.2022.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF PEOPLE
Chairperson

Broj: 02-02-1833/21
Sarajevo, 3.3.2022.godine

PREDSJEDATELJ
ZASTUPNIČKOG DOMA
Mirsad Zaimović
POTPREDSJEDATELJI
ZASTUPNIČKOG DOMA
Mladen Bošković

PREDMET: NACRT ZAKONA O RUDARSTVU FEDERACIJE BiH

Obavještavam Vas da je Dom naroda Parlamenta Federacije Bosne i Hercegovine na nastavku 17. sjednice od 3.3.2022. godine, razmatrao Nacrt zakona o rudarstvu Federacije BiH i usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o rudarstvu Federacije Bosne i Hercegovine i smatra da može poslužiti kao temelj za izradu Prijedloga zakona.
2. Zadužuje se predlagatelj da organizira i sprovede javnu raspravu u trajanju od 60 dana sukladno procedurama predviđenim u Ustavu Federacije za donošenje zakona iz zajedničke mjerodavnosti federalne vlasti i kantona.
3. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt zakona o rudarstvu Federacije Bosne i Hercegovine dostavi kantonalnim skupštinama radi davanja mišljenja u roku od 60 dana od dana dostave ovog zaključka.
4. Zadužuje se predlagatelj da, prilikom izrade Prijedloga zakona, ima u vidu primjedbe, prijedloge i sugestije iznesene na sjednici Doma naroda, mišljenja kantonalnih skupština i mišljenja iznesena u javnoj raspravi.

Dostavljeno:

- Uredu predsjedatelja Doma naroda
- Potpredsjedateljima Doma naroda
- Tajniku Doma naroda
- Tajniku Zastupničkog doma
- Predsjedniku i dopredsjednicima Federacije BiH
- Premijeru i zamjenicima premijera Vlade Federacije BiH
- Tajniku Vlade Federacije BiH
- Federalnom ministarstvu energije, rudarstva i industrije
- Službi Zastupničkog doma
- Službi Doma naroda
- Službi za izradu izvornika Zastupničkog doma
- a/a

PREDSJEDATELJ

Tomislav Martinović

NACRT

ZAKON O RUDARSTVU FEDERACIJE BOSNE I HERCEGOVINE

Sarajevo, septembar 2021. godine

ZAKON O RUDARSTVU FEDERACIJE BOSNE I HERCEGOVINE

DIO PRVI – OPĆE ODREDBE

Član 1.

(Predmet Zakona)

- (1) Ovim Zakonom uređuje se: pravni status rudnog blaga, odnosno mineralnih sirovina, način i uslovi upravljanja mineralnim sirovinama, zaštita, izvođenje rudarskih radova, mjere zaštite na radu, obustava izvođenja i trajni prekid rudarskih radova, tehnička dokumentacija i projektovanje, rudarska mjerenja i rudarski planovi, inspekcijski nadzor, zaštita i uređenje prostora, kaznene odredbe i druga pitanja vezana uz upravljanje mineralnim sirovinama i izvođenje rudarskih radova na teritoriji Federacije Bosne i Hercegovine (u daljem tekstu: Federacija).
- (2) Rudno bogatstvo je dobro od općeg interesa i pod posebnom je zaštitom.

Član 2.

(Značenje izraza)

Izrazi upotrijebljeni u ovom Zakonu imaju sljedeća značenja:

- a) mineralne sirovine su neobnovljivo i obnovljivo rudno bogatstvo koje je moguće neposredno ili posredno privredno koristiti;
- b) upravljanje mineralnim sirovinama obuhvata sve postupke i radnje potrebne za racionalnu eksploataciju i korištenje mineralnih sirovina;
- c) rudnik je ograničeni zemljišni prostor na površini i/ili ispod površine zemlje gdje se vrši eksploatacija mineralnih sirovina uključujući opremu, mašine, zgrade, građevinsku infrastrukturu, deponije, odlagališta, skladišta i druge objekte potrebne za izvođenje rudarskih radova;
- d) rudnik u pravnom smislu je privredno društvo čija je osnovna djelatnost eksploatacija i prerada mineralnih sirovina;
- e) rudarski objekt je objekt u eksploatacionom polju na površini i/ili ispod zemlje namijenjen eksploataciji mineralnih sirovina i izvođenju drugih rudarskih radova koji nisu direktno vezani uz eksploataciju mineralnih sirovina;
- f) rudarska infrastruktura su objekti, uređaji i instalacije koje omogućuju rad rudnika i isporuku mineralnih sirovina na tržište, kao što su komunalni priključci, pristupni putevi, industrijski/rudnički kolosijeci, cjevovodi i drugi transportni objekti i slično;
- g) prostor za otkopavanje je prostor na površini i/ili ispod zemlje, a sastoji se od zemljišta za pristup i zemljišta određenog za eksploataciju mineralnih sirovina, označen graničnim linijama između određenih geografskih koordinata povezanih na geodetsku mrežu;
- h) plan - karta rudničkog prostora je katastarska karta u propisanom mjerilu sa označenim granicama i brojevima parcela, koja na početku eksploatacije ne smije biti starija od šest mjeseci i mora se najmanje jednom godišnje dopunjavati;
- i) eksploatacija je vađenje mineralne sirovine iz ležišta i njena prerada odnosno oplemenjivanje;
- j) eksploatacija mineralnih sirovina obuhvata sve potrebne radnje da se dođe do mineralne sirovine u ležištu - uključujući otvaranje, pripremu za otkopavanje, otkopavanje i transport i dopremu na preradu i/ili skladištenje;
- k) pod bušotinskom eksploatacijom mineralnih sirovina smatraju se metode izvođenja rudarskih radova na pripremi, otvaranju, bušenju eksploatacionih

- bušotina, iznošenju mineralne sirovine kroz bušotinu bilo originalnom energijom koja je pohranjena u ležištu ili unošenjem energije, odnosno ubrizganog medija sa površine terena u ležište te deponovanje, prerada i transport mineralne sirovine;
- l) oplemenjivanje mineralnih sirovina je prerada mineralnih sirovina fizikalnim, fizikalno-hemijskim ili hemijskim postupcima radi odvajanja korisnih od nekorisnih sastojaka (minerala) s ciljem dobivanja prodajnih produkata i sastoji se od: sitnjenje (drobljenje i mljevenje), klasiranje (sijanje i klasiranje u fluidima), koncentracija (obogaćivanje, sortiranje i separisanje), odvodnjavanje (sedimentacija, filtracija i sušenje);
 - m) skladištenje uključuje sve potrebne radnje za uskladištenje mineralnih sirovina u čvrstom, rasutom, tekućem i gasovitom stanju;
 - n) rekultivacija otkopanih napuštenih i eksploatacionih prostora, uključuje sve radnje koje je potrebno izvršiti na rudničkom prostoru u cilju završne sanacije i revitalizacije površina degradiranih rudarskim radovima u skladu sa rudarskim projektom;
 - o) sanacija je skup mjera i aktivnosti kojima se uspostavlja stanje okoliša koje je bilo prije nastanka štete odnosno onečišćenja okoliša uključujući uređenje prostora, revitalizaciju i rekultivaciju;
 - p) eksploataciono polje je dio zemljine površine ograničeno pravim linijama, prirodnim ili vještačkim granicama koje se prostiru do određene dubine zemlje između vertikalnih ravni položenih kroz te granice, sa označenim tačkama i definisanim koordinatama;
 - r) geološka sredina za skladištenje ugljovodonika je poseban oblik skladišta koji se izrađuje u kompaktnom i neraspucalom stijenskom masivu;
 - s) sigurnosni stub je zaštitno područje gdje nije dozvoljeno otkopavanje mineralnih sirovina, a namijenjen je za zaštitu podzemnih i površinskih objekata i dobara od općeg interesa;
 - t) metoda otkopavanja je niz tehničkih postupaka, mjera, procesa i redoslijeda radnji kod otkopavanja mineralnih sirovina sa rudarskim radovima u okviru konstrukcijski određenih elemenata otkopnog polja ili otkopnog radilišta;
 - u) jama je rudarski objekat ispod površine zemlje sa podzemnim načinom eksploatacije mineralnih sirovina;
 - v) podzemnom eksploatacijom smatraju se metode izvođenja rudarskih radova na otvaranju, razradi, pripremi, otkopavanju, bušenju i miniranju, izradi podzemnih prostorija, transportu, izvozu, provjetravanju u podzemnim prostorijama i na otkopu, odvodnjavanju, uz pridržavanje mjera sigurnosti i zdravlja na radu i mjera zaštite okoliša;
 - z) rudarsko postrojenje je skup uređaja i instalacija povezanih u funkcionalnu cjelinu kod kojih zajednička funkcija služi istom zajedničkom cilju;
 - aa) otkopno polje ili revir je ograničeno područje za otkopavanje sa zasebnim ulaznim i izlaznim komunikacijskim putevima i putevima za vazдушnu struju sa specifičnim konstrukcijski određenim elementima, koje se može podijeliti na blokove, etaže, horizonte i pojedinačna radilišta;
 - bb) rudarske podzemne prostorije su rudarski objekti koji služe za istraživanje, otvaranje, razradu, pripremanje i otkopavanje ležišta mineralne sirovine ispod površine zemlje;
 - cc) otkopno radilište je dio otkopnog polja gdje se izvode radovi, radilišta imaju svoj naziv;

- dd) klasifikacija i kategorizacija mineralnih sirovina je postupak kojim se mineralne sirovine razvrstavaju u klase i kategorije prema osobinama, mogućnostima primjene, izdašnostima, stepenu istraženosti i ekonomske opravdanosti;
- ee) rezerve mineralnih sirovina su količine mineralnih sirovina utvrđene u ležištu;
- ff) pojave mineralnih sirovina su mineralne sirovine koje nisu dovoljno istražene ili izdašne za ekonomičnu eksploataciju;
- gg) rudno bogastvo su sve mineralne sirovine iz člana 7. ovog Zakona koje se eksploatišu pod uslovima i na način propisan ovim Zakonom;
- hh) pristupno zemljište je zemljište preko kojeg je moguć pristup do prostora za eksploataciju;
- ii) pojava opasnosti je svaka pojava u procesu pripreme, istraživanja i eksploatacije mineralnih sirovina i pri obavljanju drugih rudarskih operacija, što ugrožava zdravlje i život ljudi, imovine i rudarske opreme, objekata i okoline;
- jj) rudarska metoda iskopa (ručno, mašinsko kopanje i bušačko-minerski radovi) i ugradnja osnovne podgrade pri izradi podzemnih rudarskih prostorija je metoda koja omogućava stabilnost i samonosivost prostora osiguranog osnovnom podgradom;
- kk) rudarski radovi su radovi koji se izvode u svrhu istraživanja, eksploatacije i oplemenjivanja mineralnih sirovina, rekultivacije i zatvaranja rudnika i rudarski radovi koji se izvode van eksploatacionog polja (član 8.)
- ll) rudarska metoda rada je metoda kod koje se primjenjuje tehnologija određena tehničkim propisima i propisima iz oblasti zaštite na radu u rudarstvu;
- mm) jedinica mjere mineralne sirovine u čvrstom stanju je kubni metar mineralne sirovine u ležištu;
- nn) čvrsto stanje mineralne sirovine podrazumijeva primarno stanje mineralne sirovine u ležištu;
- oo) površinski kop je rudarski objekat sa površinskim načinom eksploatacije mineralnih sirovina;
- pp) površinskom eksploatacijom smatraju se metode izvođenja rudarskih radova na pripremi, otvaranju, otkopavanju, transportu, odlaganju, odvodnjavanju i rekultivaciji površinskog kopa i odlagališta;
- rr) otkrivka je jalovi dio ležišta (zemljani ili stjenski materijal) koji je potrebno izmjestiti da bi se izvršilo vađenje korisne mineralne sirovine;
- ss) odlagalište je ograničeni prostor u i/ili van eksploatacionog polja namijenjen za odlaganje otkrivke;
- tt) jalovina je zemljani ili stjenski materijal ili mulj nastao pri otkopavanju mineralnih sirovina površinskom ili podzemnom eksploatacijom, odnosno jalovi materijal koji nastaje nakon prerade mineralne sirovine postupcima odvajanja koji se poduzimaju radi izdvajanja korisne mineralne sirovine;
- uu) flotacijska jalovina je rudarski otpad dobijen u procesu flotacije mineralne sirovine,
- vv) podzemno spremište je uređen prostor za podzemno skladištenje plinova, tečnosti (osim vode) i čvrstih materija;
- zz) izvođač rudarskih radova je pravno lice koja pruža usluge u obavljanju rudarskih radova kao privredne djelatnosti.
- aaa) poslodavac je pravno lice koje na osnovu ugovora o radu ili na drugim pravnim osnovama zapošljava radnika za koje radnik u radnom odnosu obavlja određene poslove;

- bbb) radnik je osoba koja radi kod poslodavca na osnovu ugovora o radu ili drugim pravnim osnovom. Radnik može biti osoba koja samostalno obavlja povjerene poslove ili „poslove radi osposobljavanja“;
- ccc) mjerачka knjiga je tradicionalni naziv za tematski arhiviranu dokumentaciju sa sadržajem o izvršenim poslovima iz oblasti rudarskih mjerenja, podacima mjerenja, obradi rezultata mjerenja i grafičkim prikazima u analognom i/ili digitalnom obliku;
- ddd) "radno iskustvo" je iskustvo stečeno nakon završene škole na poslovima odgovarajućeg zanimanja u rudarstvu kod pravne osobe čija je djelatnost eksploatacija mineralnih sirovina (površinskim, jamskim ili bušotinskim načinom) ili izvođenje rudarskih radova;
- eee) „tipska rudarska mehanizacija“ je mehanizacija koja se može samostalno koristiti (bageri, kamioni, buldozeri, rovokopači, utovarivači, mašine za izradu jamskih prostorija, bušaće garniture, mobilne drobilice i dr.) i predviđena je rudarskim projektom;
- fff) privremena obustava rudarskih radova je obustava koja traje više od trideset dana i ne duže od jedne godine osim u slučaju više sile;
- ggg) rudarska tehnička dokumentacija je sistemsko uređenje planova i/ili tehničkih opisa i izvještaja, proračuna, crteža i drugih priloga koji osiguravaju izvođenje (obavljanje) rudarskih radova u skladu s tehničkim propisima i propisima u području zaštite zdravlja i sigurnosti na radu;
- hhh) plan rudnika (prostora) je prikaz otkopnih polja i revira, izrađenih na katastarskoj karti u odgovarajućem mjerilu, s označenim granicama i brojevima parcela, koji ne smije biti stariji od šest mjeseci na početku kopanja i moraju se dopunjavati godišnje;
- iii) geotermalni energetski izvor je toplotna energija koja se nalazi u geološkim strukturama ispod površine tla i dopunjuje se toplinskim tokom iz unutrašnjosti Zemlje;
- jjj) rudarski projektant je privredno društvo koje obavlja izradu i reviziju rudarske tehničke dokumentacije kao privredne djelatnosti;
- kkk) Industrijski/rudnički kolosijek je željeznički kolosijek koji nije javno dobro u općoj upotrebi, koji je priključen na željezničku prugu i služi za dopremu i otpremu željezničkim vozilima za pravno lice, vlasnika odnosno posjednika toga kolosijeka, te na kojem industrijska željeznica može obavljati i prijevoz za svoje potrebe;
- lll) industrijska/rudnička željeznica je željeznica kojom pravno lice u privrednim djelatnostima, na industrijskim i drugim kolosijecima koji nisu javno dobro u opštoj upotrebi, obavlja prevoz za svoje potrebe, kao i dostavu željezničkih vozila od mjesta primopredaje sa željezničkim prevoznikom do mjesta utovara ili istovara na industrijskom ili drugom kolosijeku i obrnuto;
- mmm) uticaj na okoliš znači bilo koji efekat na okoliš, uključujući ljudsko zdravlje, floru, faunu, biološku raznolikost, tlo, klimu, vode, zrak, krajolike, prirodna područja, materijalna dobra, kulturnu baštinu i uzajamno djelovanje ovih faktora;
- nnn) vodni akt podrazumijeva prethodnu vodnu saglasnost ili vodnu saglasnost ili vodnu dozvolu u skladu sa Zakonom o vodama;
- ooo) zaštita okoliša obuhvata sve odgovarajuće djelatnosti i mjere kojima je cilj prevencija od opasnosti štete ili zagađenja okoliša, reduciranje ili odstranjivanje štete koja je nastala i povrat na stanje prije izazvane štete;

- rrr) viša sila prema ovom Zakonu smatrat će se ratom, embargom, epidemijom, moratorijom, državnim aktivnostima i prirodnim katastrofom ako privredno društvo dokaže da zbog toga nije moglo vršiti eksploataciju mineralnih sirovina;
- sss) urbanistička saglasnost je upravni akt koji izdaje nadležni organ u skladu sa propisom koji uređuje prostorno planiranje i korištenje zemljišta u Federaciji i kantonu na čijem području se nalazi eksploataciono polje.
- ttt) okolinska dozvola je rješenje kojim se propisuju mjere i uslovi zaštite okoliša tokom izgradnje i rada određenog pogona ili postrojenja, koje se izdaje na osnovu provedenog postupka utvrđivanja mjera zaštite okoliša kako je uređeno Zakonom o zaštiti okoliša („Službene novine Federacije BiH“, broj: 15/21).

Član 3.

(Upravljanje mineralnim sirovinama)

Upravljanje mineralnim sirovinama je u nadležnosti Federacije i kantona koji u skladu sa ovim Zakonom programiraju, planiraju i nadziru eksploataciju mineralnih sirovina uz osiguranje njihovog racionalnog iskorištenja u skladu sa propisima o sigurnosti rudarskih objekata i zaposlenih i o zaštiti okoliša i prirodnih vrijednosti.

Član 4.

(Primjena Zakona)

- (1) Ovaj Zakon se ne primjenjuje na djelatnosti vezane uz vršenje prijevoza mineralnih sirovina (tereta) u: željezničkom prijevozu na prugama javnog saobraćaja, drumskom saobraćaju na javnim cestama, u pomorskom i riječnom prijevozu, zračnom prijevozu, cjevovodnom transportu od predajne stanice, odnosno od uvođenja u sabirni cjevovod ili od posljednje mjerne stanice za izlaz, ukoliko taj cjevovod služi za neposrednu i isključivu predaju trećim licima i drugim pogonima čija djelatnost nije eksploatacija i priprema mineralnih sirovina.
- (2) Upravljanje vodama vrši se prema Zakonu o vodama („Službene novine Federacije BiH“, broj: 70/06).
- (3) Kad se prema odredbama ovoga Zakona za eksploataciju mineralnih sirovina daje koncesija, na sva pitanja koja se odnose na koncesiju, primjenjuju se odredbe Zakona o koncesijama („Službene novine Federacije BiH“, broj: 40/02), a na pitanja koja nisu uređena tim Zakonima odredbe ovog Zakona.
- (4) Na procesna pitanja koja nisu uređena odredbama ovoga Zakona primjenjuju se odredbe o procesnim pitanjima Zakona o upravnom postupku („Službene novine Federacije BiH“, br. 2/98 i 48/99).
- (5) Na pitanja zaštite okoliša koja nisu uređena ovim Zakonom i propisima koji se donose na osnovu ovoga Zakona primjenjuju se odredbe Zakona o zaštiti okoliša („Službene novine Federacije BiH“, broj: 15/21), Zakona o zaštiti zraka („Službene novine Federacije BiH“, br. 33/03 i 4/10), Zakona o upravljanju otpadom („Službene novine Federacije BiH“, br. 33/03, 72/09 i 92/17), Zakona o zaštiti prirode („Službene novine Federacije BiH“, broj: 66/13) i Zakona o zaštiti od buke („Službene novine Federacije BiH“, broj: 70/06).
- (6) Na pitanja planiranja i korištenja zemljišta za potrebe eksploatacije mineralnih sirovina koja nisu uređena ovim Zakonom i propisima koji se donose na osnovu ovog Zakona primjenjuju se odredbe Zakona o prostornom planiranju i korištenju zemljišta na nivou Federacije Bosne i Hercegovine („Službene novine Federacije BiH“, broj:

2/06, 72/07, 32/08, 4/10, 13/10 i 45/10) i odredbe Zakona i propisa kojima se uređuje prostorno planiranje i korištenje zemljišta na nivou kantona.

- (7) Eksploatacija nafte i plina u Federaciji vrši se prema Zakonu o istraživanju i eksploataciji nafte i plina u Federaciji Bosne i Hercegovine („Službene novine Federacije BiH“, broj: 77/13), a pitanja koja nisu uređena tim Zakonom primjenjuju se odredbe ovog Zakona.
- (8) Geološki istražni radovi, istražno bušenje i istraživanja ležišta mineralnih sirovina u Federaciji vrši se prema Zakonu o geološkim istraživanjima Federacij Bosne i Hercegovine („Službene novine Federacije BiH“, br. 9/10 i 14/10), a pitanja koja nisu uređena tim Zakonom primjenjuju se odredbe ovog Zakona.

Član 5.

(Rudarska djelatnost)

Rudarska djelatnost, u smislu ovog zakona, obuhvata: rudarske istražne radove, eksploataciju mineralnih sirovina uključujući otvaranje, pripremanje, otkopavanje, transport, odlaganje, dopremu, preradu i skladištenje mineralnih sirovina, radovi gradnje, montaže, demontaže, instaliranja i održavanja u rudarstvu, izradu i reviziju tehničke dokumentacije za tu djelatnost (izvještaji, studije, elaborati, planovi i projekti), sanaciju i tehničku rekultivaciju zemljišta oštećenog rudarskim radovima i ostale rudarske radove navedene u Zakonu.

Član 6.

(Mineralne sirovine)

- (1) Mineralnim sirovinama, u smislu ovog zakona, smatraju se sve organske i neorganske mineralne sirovine koje se nalaze u čvrstom, tečnom i gasovitom stanju, u primarnom obliku (ležištu) ili u nanosima, jalovištima, topioničkim troskama i prirodnim rastvorima i to:
 - a) energetske mineralne sirovine – sve vrste fosilnih ugljeva, ugljovodonici u čvrstom, tečnom i gasovitom stanju, sve vrste bituminoznih i uljnih stijena, ostali gasovi koji se nalaze u zemlji i radioaktivne mineralne sirovine;
 - b) mineralne sirovine iz kojih se mogu proizvoditi metali i njihova jedinjenja;
 - c) sve vrste soli i solnih voda i gasovi koji se sa njima javljaju;
 - d) mineralne i geotermalne vode iz kojih se mogu pridobivati mineralne sirovine ili koristiti akumulirana toplina u energetske svrhe, osim mineralnih i geotermalnih voda koje se koriste u ljekovite, balneološke i rekreativne svrhe ili kao voda za piće i druge namjene, na koje se primjenjuju propisi o vodama;
 - e) nemetalne mineralne sirovine: abrazivi, azbesti, barit, bentonit, bijeli boksit, cementni laporci, diatomit, dolomit, feldspat, fluorit, gips, grafit, kreda, krečnjak, kvarc, kvarcni pijesak, kvarcit, keramičke i vatrostalne gline, keramziti, škriljci, liskuni, magneziti, opekarske gline, pirofiliti, sumpor, tuf, talk, talkni škriljci, tehničko-građevinski kamen, arhitektonsko-građevinski kamen, ukrasno i poludrago kamenje, šljunak i pijesak za građevinarstvo izvan vodenih tokova;
 - f) sve sekundarne mineralne sirovine koje se javljaju kao neiskorišteni ostatak dobijanja, oplemenjivanja i prerade primarnih mineralnih sirovina i
 - g) sve nenabrojane mineralne sirovine prirodnog porijekla.

- (2) Upravljanje mineralnim sirovinama iz člana 6. stav (1) tač. a), b), c) i d) ovog Zakona vrši Federalno ministarstvo energije, rudarstva i industrije (u daljem tekstu: Federalno ministarstvo).
- (3) Upravljanje mineralnim sirovinama iz člana 6. stav (1) tač. e), f) i g) ovog Zakona vrše kantonalna ministarstva nadležna za rudarstvo.

Član 7. (Rudarski radovi)

Rudarski radovi u smislu ovoga zakona su:

- a) rudarski istražni radovi i radovi na eksploataciji mineralnih sirovina na površini i/ili ispod površine zemlje, u tekućim i stajaćim vodama, obalnom moru, na morskom dnu, u primarnom nalazištu, naplavinama, iskopanom materijalu i jalovištima;
- b) priprema, otvaranje, eksploatacija (podzemna, površinska i bušotinska), uređivanje zemljišta u vrijeme eksploatacije, transport, oplemenjivanje, skladištenje, sanacija i rekultivacija prostora na kojem su obavljani rudarski radovi;
- c) izrada horizontalnih, kosih i vertikalnih jamskih prostorija i eksploatacionih bušotina,
- d) ispitivanje novih eksplozivnih sredstava u cilju provjere sigurnosti i upotrebljivosti u rudarstvu;
- e) izrada miniskih bušotina, sve vrste miniranja na površini i/ili ispod zemlje, primarna i sekundarna miniranja i sva masovna miniranja kod otkopnih i drugih rudarskih radova;
- f) odlaganje otkrivke i drugih materijala koji nastaju pri izvođenju rudarskih istražnih radova i eksploataciji mineralnih sirovina, kao i radovi na odlaganju flotacijske jalovine,
- g) izrada jamskih karata i karata etaža na površinskim kopovima;
- h) odvodnjavanje i izrada planova odvodnjavanja površinskih kopova i jamskih rudarskih prostorija i njihova zaštita od površinskih i podzemnih voda;
- i) sanacija podzemnih prostorija i ugrađivanja osnovne podgrade i izrada planova za navedene radove;
- j) provjetravanje, injektiranje i ankerisanje i izrada planova za navedene radove;
- k) rudarskim radovima van eksploatacionog polja smatraju se radovi kojim se objekti izrađuju, saniraju ili rekonstruišu rudarskim metodama, a nakon završetka izrade ne služe kao rudarski objekti a to su: željeznički, cestovni i hidrotehnički tuneli, podzemna skladišta plina i drugih ugljikovodonika i medija kao i drugi objekti na površini i ispod površine koji se rade rudarskim metodama,
- l) rudarskim radovima van eksploatacionog polja smatraju se radovi na izradi tunela, galerija i drugih podzemnih prostorija, skladišta za CO₂ i druge tekuće i plinovite energente, nasipa, usjeka, deponija, odlagališta, sistema za transport mineralne sirovine i proizvoda kao i materijala za deponovanje i odlaganje, odvodnih kanala i drugih građevinskih objekata rudarskim metodama rada na površini i/ili ispod zemlje van granica eksploatacionog polja ili kad su u tehnološkoj vezi sa eksploatacionim poljem.
- m) izrada i korištenje skladišta fluida u geološkim sredinama;
- n) eksploatacija geotermalnih energetske izvora;
- o) rekonstrukcija i održavanje rudarskih prostorija u vrijeme i nakon eksploatacije mineralnih sirovina;

- p) crpljenje podzemnih voda - bušotinska eksploatacija iz člana 2. tačka k) ovoga zakona, kao i crpljenja podzemnih i površinskih voda, te regulacija vodotoka na površini, koji se nalaze unutar ležišta u cilju stvaranja uslova za eksploataciju predmetnog ležišta;
- r) zatvaranje rudarskih objekata, sanacija i rekultivacija zemljišta oštećenog rudarskim radovima;
- s) sanacija i rekultivacija napuštenih istražnih prostora, površinskih kopova i podzemnih rudnika;
- t) građevinski, mašinski i elektro radovi gradnje, montaže, demontaže, instaliranja i održavanja u rudarstvu i drugi radovi koji se ne izvode rudarskim metodama, a obavljaju se unutar eksploatacionog polja u svrhu izgradnje i rada rudarskih objekata i postrojenja i pripreme i eksploatacije mineralnih sirovina;
- u) geotehnički radovi u rudarstvu su izvođenje i nadzor nad izvođenjem geotehničkih radova na površinskim kopovima i u podzemnim rudnicima,
- v) ostali ne nabrojani radovi koji se izvode na osnovu rudarskih projekata i drugih projekata koji su sastavni dio rudarskih projekata;

Član 8.

(Rudarski objekti i postrojenja)

Rudarski objekti i postrojenja u smislu ovog Zakona su:

- a) objekti i postrojenja u sastavu rudnika neposredno vezani uz tehnološki proces rudarskih istražnih radova, eksploatacije, pripreme, prerade i oplemenjivanja mineralnih sirovina, kao i magacini eksplozivnih sredstava koji se nalaze na površini i pod zemljom;
- b) industrijski kolosijeci, viseće žičare, putevi i motorna vozila za prijevoz mineralnih sirovina u ležištu i od ležišta do objekata za preradu ili oplemenjivanje i odlagališta, ukoliko se prijevoz ne vrši javnim putevima, kao i skladišni prostori, radionice rudnika koje služe za remont i održavanje opreme u tehnološkom procesu eksploatacije mineralnih sirovina koje se nalaze u krugu rudnika;
- c) hidrotehnički objekti i postrojenja za odvodnjavanje i zaštitu rudnika od voda;
- d) naftovodi, gasovodi i svi cjevovodi koji su u funkciji proizvodnje i to od pumpne stanice do razdjelno-sabirnih stanica pa sve do proizvodnih bušotina kao i od ovih do rezervoara industrijske stanice;
- e) električna mreža rudnika sa objektima, postrojenjima i uređajima koji su sa njom u neposrednoj funkciji ili galvanskoj vezi, kao i mreža i uređaji za sporazumijevanje, signalizaciju, nadzor i upravljanje;
- f) lampare, garderobe sa kupatilima, prostorije stanice za spašavanje i prostorije za smještaj i održavanje samospasioca i instrumenata za kontrolu jamskih gasova i mikroklima, i
- g) objekti i postrojenja koji nisu neposredno vezani uz radove na eksploataciji energetskih mineralnih sirovina – lokalni i magistralni cjevovodi, gasovodi i drugi tehnološki cjevovodi, mjerno-redukcijske stanice, kao i objekti i postrojenja za preradu ili oplemenjivanje mineralnih sirovina, te objekti za skladištenje fluida.

Član 9.
(Rudničke vode)

- (1) Rudničke vode su vode koje se otvore rudarskim radovima u cilju obezbjeđenja uslova za eksploataciju i nalaze se na prostoru gdje se vrši ili je završena eksploatacija mineralnih sirovina, odlagalištima i jalovištima, rudnik može koristiti za svoje potrebe sve do njihovog ulaska u stalne površinske vodotoke.
- (2) Rudnik je dužan rudničke vode prije puštanja u površinske vode, očistiti od štetnih sastojaka prema propisima o vodama.
- (3) Regulacija vodotoka na površini, koji se nalaze unutar eksploatacionog polja u cilju stvaranja uslova za eksploataciju predmetnog ležišta podrazumjeva uređenje ili izmještanje korita vodotoka sa jedne lokacije na drugu u skladu sa odobrenom projektnom dokumentacijom.

Član 10.
(Pravo na eksploataciju mineralnih sirovina)

- (1) Pravo na eksploataciju mineralnih sirovina stiče se na osnovu dozvole za eksploataciju i na osnovu dozvola u skladu sa ovim Zakonom.
- (2) Pravo iz stava (1) ovog člana može se prenijeti na drugo pravno lice uz saglasnost nadležnog organa i ugovor privrednih društava o prenosu.
- (3) O prenosu prava iz stava (2) ovog člana nadležni organ odlučuje rješenjem koje je konačno u upravnom postupku.
- (4) Pravo eksploatacije mineralnih sirovina može steći domaće i strano pravno lice pod uslovima i na način propisan ovim Zakonom.

Član 11.
(Eksploataciono polje)

- (1) Eksploatacija mineralnih sirovina dozvoljena je samo unutar granica eksploatacionog polja.
- (2) Eksploataciono polje nalazi se unutar granica istražnog prostora i granica utvrđenih ugovorom o koncesiji.
- (3) Oblik i veličina eksploatacionog polja utvrđuje se u zavisnosti od vrste mineralne sirovine, uslova racionalne eksploatacije i potrebnog prostora za smještaj rudarskih objekata infrastrukture u skladu sa prostorno planskom dokumentacijom.
- (4) Eksploataciono polje obuhvata površinski kop-jamu, transportne i pristupne puteve na etaže, prostor za preradu ili oplemenjivanje, odlagališta, vodosabirnike, magacine eksplozivnih sredstava, trafostanice, radionički prostor, kancelarijski i sanitarni prostor.
- (5) Ležišta mineralnih sirovina mogu se podijeliti na više eksploatacionih polja.
- (6) U istom eksploatacionom polju može se vršiti eksploatacija više mineralnih sirovina uz prethodno pribavljenu saglasnost privrednog društva koje vrši eksploataciju o uslovima te eksploatacije i uz pribavljenu dozvolu za eksploataciju od strane nadležnog organa.

Član 12.

(Zabrana eksploatacije mineralnih sirovina pri izvođenju građevinskih radova)

- (1) Privredno društvo, odnosno izvođač rudarskih radova kada prilikom iskopa temelja za građevinski objekat naiđe na pojavu bilo koje mineralne sirovine iz člana 6. ovog Zakona mora o tome obavijestiti Federalno ministarstvo, odnosno kantonalno ministarstvo nadležno za rudarstvo koje će donijeti odluku o daljnjim aktivnostima.
- (2) Zabranjeno je na osnovu građevinske dozvole iskopom temelja za građevinski objekat vršiti eksploataciju mineralnih sirovina, izuzev crpljenja podzemnih voda u funkciji odvodnjavanja jame nastale iskopom temelja.

DIO DRUGI - UPRAVLJANJE MINERALNIM SIROVINAMA

Član 13.

(Strategija upravljanja mineralnim sirovinama)

- (1) Strategiju upravljanja mineralnim sirovinama priprema Federalno ministarstvo odnosno kantonalno ministarstvo nadležno za rudarstvo u skladu sa nadležnostima iz člana 6. ovog Zakona.
- (2) Strategiju upravljanja mineralnim sirovinama usvaja Vlada Federacije Bosne i Hercegovine (u daljem tekstu: Vlada Federacije) odnosno Vlada kantona na prijedlog Federalnog odnosno kantonalnog ministarstva nadležnog za rudarstvo.
- (3) Detaljan sadržaj i način izrade strategije upravljanja mineralnim sirovinama propisuje federalni ministar energije, rudarstva i industrije (u daljnjem tekstu: federalni ministar) odnosno kantonalni ministar nadležan za rudarstvo u skladu sa nadležnostima iz člana 6. ovog Zakona.

Član 14.

(Plan upravljanja mineralnim sirovinama)

- (1) Plan upravljanja mineralnim sirovinama se donosi na osnovu Strategije upravljanja mineralnim sirovinama i njime se određuje način provođenja Strategije upravljanja mineralnim sirovinama.
- (2) Plan upravljanja mineralnim sirovinama izrađuje Federalni zavod za geologiju (u daljnjem tekstu: Federalni zavod).
- (3) Na prijedlog Federalnog zavoda plan upravljanja mineralnim sirovinama usvaja Vlada Federacije odnosno Vlada Kantona u skladu sa nadležnostima iz člana 6. ovog Zakona.
- (4) Detaljan sadržaj i način izrade plana upravljanja mineralnim sirovinama propisat će federalni ministar odnosno kantonalni ministar nadležan za rudarstvo u skladu sa nadležnostima iz člana 6. ovog Zakona.

Član 15.

(Plan upravljanja mineralnim sirovinama i prostorno planiranje)

Plan upravljanja mineralnim sirovinama je stručna podloga za izradu prostornih planova Federacije i kantona.

DIO TREĆI - IZVOĐENJE RUDARSKIH RADOVA

Član 16.

(Uslovi za izvođenje rudarskih radova)

- (1) Rudarsku djelatnost može obavljati privredno društvo upisano u registar društava i koje ima akt nadležnog organa o ispunjavanju uslova kadrovske osposobljenosti, tehničke opremljenosti, zaštite na radu, zaštite i unapređenja životne sredine i drugih uslova propisanih za obavljanje djelatnosti.
- (2) Dokaz o ispunjavanju uslova za obavljanje rudarske djelatnosti izdaje nadležni federalni odnosno kantonalni organ u skladu sa nadležnostima iz člana 6. ovog Zakona
- (3) Kada privredno društvo izvođenje rudarskih radova povjerava drugom privrednom društvu – izvođaču rudarskih radova tada je obavezno zaključiti odgovarajući ugovor sa izvođačem rudarskih radova koji ispunjava propisane uslove iz stava 1. ovog člana.
- (4) Izvođači rudarskih radova dužni su postupati prema odredbama ovog Zakona i provedbenim propisima donesenim na osnovu njega.
- (5) Propis o uslovima za obavljanje rudarske djelatnosti donijet će Federalno ministarstvo odnosno kantonalno ministarstvo nadležno za rudarstvo.

Član 17.

(Način izvođenja rudarskih radova)

Pri obavljanju rudarske djelatnosti privredno društvo, odnosno izvođač rudarskih radova mora poštovati tehničke propise i normative u rudarstvu (u daljem tekstu: tehnički propisi), propise o zaštiti na radu, zaštiti okoliša, uslove utvrđene u urbanističkoj saglasnosti i druge propise, osigurati lična zaštitna sredstva radnicima i provoditi propise o zaštiti ljudi i imovine.

Privredno društvo, odnosno izvođač rudarskih radova prije početka izvođenja rudarskih radova mora izraditi tehnička uputstva za rad koja će sadržavati način izvođenja radova i mjere zaštite koje se moraju provoditi pri izvođenju radova u cilju zaštite života i zdravlja radnika, koja moraju radnicima biti razumljiva i koja se moraju pravovremeno usklađivati sa nastalim promjenama uslova rada.

Član 18.

(Više izvođača rudarskih radova)

- (1) Kada u istom rudničkom prostoru rudarske radove izvode dva ili više izvođača rudarskih radova, privredno društvo u kojem se izvode rudarski radovi dužno je osigurati provođenje svih mjera zaštite na radu i zaštite zdravlja radnika.
- (2) Radnici izvođača rudarskih radova iz stava (1) ovog člana moraju biti upoznati sa propisima i mjerama zaštite na radu, te opasnostima koje mogu nastati tokom izvođenja rudarskih radova.
- (3) Obaveza privrednog društva iz stava (1) ovog člana ne oslobađa odgovornosti svakog pojedinačnog izvođača rudarskih radova za provođenje svih mjera zaštite na radu i zaštite zdravlja radnika.
- (4) Prije početka izvođenja rudarskih radova privredno društvo gdje se izvode rudarski radovi i izvođač rudarskih radova međusobne obaveze i odgovornosti u

provođenju mjera zaštite na radu i zaštite zdravlja radnika uredit će pisanim ugovorom.

Član 19.

(Propisi pri izvođenju rudarskih radova)

- (1) Za provođenje tehničkih mjera i mjera zaštite na radu pri izvođenju rudarskih radova federalni ministar donosi propise za radove iz sljedećih oblasti:
 - a) eksploatacija mineralnih sirovina na površini i/ili ispod zemlje;
 - b) bušotinska eksploatacija mineralnih sirovina;
 - c) električna postrojenja i instalacije u rudnicima sa površinskom i podzemnom eksploatacijom mineralnih sirovina;
 - d) radovi na površini i/ili ispod zemlje koji nisu vezani uz radove eksploatacije mineralnih sirovina;
 - e) prerada mineralnih sirovina;
 - f) skladištenje i trošenje sekundarnih ili trenutno otpadnih sirovina u rudarstvu i korisnih mineralnih sirovina dobijenih kroz istražne radove, i
 - g) ostali tehnički propisi i propisi o sigurnosti i zdravlju na radu u rudarstvu.
- (2) Dodatne posebnosti za izvođenje radova iz stava (1) ovog člana mogu se utvrditi općim aktom izvođača rudarskih radova uz primjenu propisa iz stava (1) ovog člana, kao i drugih propisa koji se primjenjuju kod izvođenja rudarskih radova.
- (3) Ako se rudarskim radovima izrađuju podzemni objekti kojima nije namjena eksploatacija mineralnih sirovina, prilikom njihovog izvođenja, pored propisa iz stava (1) ovog člana, moraju se primjenjivati tehnički i drugi propisi o građenju tih objekata.
- (4) Propise koji uređuju zaštitu na radu i zaštitu zdravlja radnika u rudarstvu iz stava (1) ovog člana donosi federalni ministar, uz saglasnost sa federalnim ministrima nadležnim za rad i zdravstvo.

Član 20.

(Služba spašavanja, vatrogasna služba i služba prve pomoći)

- (1) Privredno društvo koje izvodi podzemne rudarske radove u potencijalno požarnim i eksplozivno opasnim objektima ili radilištima pri kojima mogu nastati otrovni gasovi, pare, prodori gasova, vode i mulja, mora organizovati službu spašavanja i snabdijeti je potrebnom opremom. Više privrednih društava može organizovati zajedničku službu spašavanja.
- (2) U jamama koje nisu ugrožene metanom i opasnom ugljenom prašinom i na površinskim kopovima mora se organizovati služba spašavanja u slučaju da nije moguće uspješno provoditi spašavanje s postojećim službama, a to se mora utvrditi općim aktom poslodavca.
- (3) Privredno društvo dužno je organizovati vatrogasnu službu i službu prve pomoći ili zaključiti ugovor sa odgovarajućim službama u mjestu gdje se nalazi privredno društvo.
- (4) Način organizovanja, minimum stručne osposobljenosti i tehničke opremljenosti službe spašavanja, vatrogasne službe i službe prve pomoći propisuje federalni ministar, uz saglasnost sa federalnim ministrom zdravstva.

Član 21.

(Postupak kod pojava iznenadnih opasnosti)

- (1) Svaki radnik dužan je odmah obavijestiti nadređenog o svakoj pojavi opasnosti, posebno o pojavama eksplozivnih, zagušljivih i otrovnih gasova, prodorima vode, mulja, blata, gorskim udarima i obrušavanjima, pojavi nadvjesa, nestabilnim kosinama, neeksplozivnim minskim punjenjima i drugim pojavama opasnosti, koje mogu ugroziti zaposlene, objekte i uređaje.
- (2) O svim pojavama opasnosti iz stava (1) ovog člana odgovorno lice privrednog društva dužno je odmah obavijestiti nadležnu rudarsku inspekciju.
- (3) Privredno društvo, odnosno izvođač rudarskih radova dužan je odmah obavijestiti Federalno ministarstvo, odnosno kantonalno ministarstvo nadležno za rudarstvo, nadležnog rudarskog inspektora i organ uprave nadležan za unutrašnje poslove o svakom smrtnom slučaju, grupnoj povredi, težoj povredi radnika i svakoj drugoj rudarskoj nesreći i o uzrocima nesreće u privrednom društvu.
- (4) U slučaju pojave opasnosti kada je ugrožena sigurnost radnika, objekata i opreme pri izvođenju rudarskih radova, akciju spašavanja vodi odgovorno lice određeno općim aktom privrednog društva.
- (5) Ako nadležni rudarski inspektor utvrdi da vođenje akcije spašavanja nije dovoljno stručno i efikasno, usmeno će odrediti odgovarajuću upravnu mjeru.
- (6) Privredno društvo dužno je u slučaju rudarske nesreće u drugom privrednom društvu pružiti odgovarajuću pomoć, kao i na poziv nadležnog rudarskog inspektora, odnosno ugroženog privrednog društva.

Član 22.

(Provođenje stručnih poslova u oblasti zaštite
na radu i zaštite zdravlja radnika na radu)

- (1) Privredno društvo, odnosno izvođač rudarskih radova moraju provoditi i osigurati nadzor nad primjenom tehničkih propisa i propisa iz područja zaštite na radu i zaštite zdravlja radnika.
- (2) Privredno društvo, odnosno izvođač podzemnih rudarskih radova moraju obavezno organizovati poslove zaštite na radu i osigurati da zadatke zdravstvene zaštite obavlja ovlaštena zdravstvena ustanova.
- (3) Privredno društvo, odnosno izvođač rudarskih radova na površinskom kopu kao i kod bušotinske eksploatacije mineralnih sirovina ovisno od specifičnih uslova za eksploataciju dužan je organizovati poslove zaštite na radu ili odrediti posebno lice koje je stručno osposobljeno za nadzor nad provođenjem tehničkih normativa i mjera zaštite na radu.
- (4) Privredno društvo odnosno izvođač podzemnih rudarskih radova u objektima koji nisu vezani za eksploataciju mineralnih sirovina dužan je organizovati poslove zaštite na radu ili rasporediti radnika koji je stručno osposobljen, kao posebno lice za nadzor nad provođenjem tehničkih normativa i mjera zaštite na radu.
- (5) Izuzetno od stava (4), privredno društvo odnosno izvođač može sklopiti ugovor sa drugim privrednim društvom koje ispunjava uslove za obavljanje tih poslova.
- (6) Zadatak poslova zaštite na radu je:
 - a) neposredna kontrola provođenja svih propisanih mjera zaštite na radu;
 - b) vođenje evidencije o nesretnim slučajevima, profesionalnim oboljenjima,

- c) povredama na radu, gorskim udarima i drugim iznenadnim pojavama koje ugrožavaju živote radnika i opremu u privrednom društvu po mjestu nastanka, uzrocima i nastalim posljedicama;
 - d) proučavanje uzroka nesretnih slučajeva, profesionalnih oboljenja, povreda na radu, gorskih udara i drugih iznenadnih pojava koje ugrožavaju živote radnika i opremu i davanje prijedloga za poduzimanje mjera i metoda rada koje osiguravaju uspješno otklanjanje tih uzroka;
 - e) praćenje zdravstvenog stanja radnika i predlaganje mjera za unapređenje zdravstveno-higijenskih uslova pri radu;
 - f) davanje prijedloga upravi privrednog društva za unapređenje zaštite na radu i zaštite zdravlja radnika;
 - g) davanje stručnog mišljenja da li su rudarski projekti izrađeni u skladu sa propisanim mjerama zaštite na radu;
 - h) učešće u izradi akata o procjeni rizika;
 - i) zabrana rada na radnom mjestu i zabrana upotrebe sredstava za rad i sredstava i opreme lične zaštite u slučaju kada utvrdi neposrednu opasnost po život i zdravlje radnika, te o tome u pisanom obliku obavjesti poslodavca i povjerenika za zaštitu na radu, i
 - j) obavljanje i drugih poslova i ovlaštenja koja su im data općim aktom privrednog društva, a u vezi sa provođenjem stručnih poslova zaštite na radu i zdravlja radnika;
- (7) Poslove zaštite na radu obavlja potreban broj radnika visoke stručne spreme odgovarajuće struke (rudarski fakultet: rudarski ili eksploatacioni smjer, bušotinska eksploatacija, sigurnost i pomoć, elektrotehnički fakultet-smjer energetski, mašinski fakultet -proizvodni smjer) koji imaju najmanje dvije godine radnog iskustva na izvođenju rudarskih radova stečenog nakon položenog stručnog ispita.
- (8) Izuzetno, poslove neprosredne kontrole provođenja mjera zaštite na radu mogu obavljati i radnici koji imaju višu odnosno visoko obrazovanje prvog ciklusa Bolonjskog sistema studiranja (koje se vrednuje sa 180 ECTS bodova) ili srednju stručnu spremu odgovarajućeg smjera i pet godina radnog iskustva na izvođenju rudarskih radova stečenog nakon položenog stručnog ispita.

Član 23.

(Rukovođenje poslovima zaštite na radu i
zaštite zdravlja radnika na radu)

- (1) U privrednom društvu koje se bavi jamskom i površinskom eksploatacijom mineralnih sirovina, poslovima zaštite rukovodi osoba koja ima završen –VII stepen stručne spreme, diplomirani inženjer rudarstva- smjer eksploatacioni ili rudarski odnosno visoko obrazovanje prvog ciklusa Bolonjskog sistema studiranja (koje se vrednuje sa 240 ECTS bodova) drugog ili trećeg ciklusa Bolonjskog sistema studiranja-rudarske struke odgovarajućeg usmjerenja koji ima najmanje tri godine radnog iskustva na poslovima tehničkog rukovođenja u podzemnoj eksploataciji.
- (2) U privrednom društvu koje se bavi površinskom eksploatacijom i/ili bušotinskom eksploatacijom mineralnih sirovina, poslovima zaštite rukovodi osoba koja ima završen –VII stepen stručne spreme, diplomirani inženjer rudarstva- smjer eksploatacioni ili rudarski odnosno visoko obrazovanje prvog ciklusa Bolonjskog sistema studiranja (koje se vrednuje sa 240 ECTS bodova) drugog ili trećeg

ciklusa Bolonjskog sistema studiranja-rudarske struke odgovarajućeg usmjerenja koja ima najmanje tri godine radnog iskustva na poslovima tehničkog rukovođenja u površinskoj eksploataciji mineralnih sirovina i/ili u bušotinskoj ili podzemnoj eksploataciji.

- (3) U privrednom društvu koje se bavi izvođenjem rudarskih radova na površini i/ili ispod površine terena, a koji nisu u vezi sa eksploatacijom mineralnih sirovina, poslovima zaštite rukovodi osoba koja ima završen – VII stepen stručne spreme, diplomirani inženjer rudarstva – eksploatacioni ili rudarski smjer odnosno smjer bušotinske eksploatacije, visoko obrazovanje prvog ciklusa Bolonjskog sistema studiranja (koje se vrednuje sa 240 ECTS bodova) drugog ili trećeg ciklusa Bolonjskog sistema studiranja-rudarske struke odgovarajućeg usmjerenja, koje ima položen stručni ispit i najmanje tri godine radnog iskustva u rudarstvu na poslovima izvođenja rudarskih radova ispod površine zemlje, odnosno najmanje tri godine radnog iskustva u rudarstvu na poslovima izvođenja rudarskih radova na površini zemlje.

Član 24.

(Rukovodeća lica u rudarstvu)

- (1) Poslove i zadatke stručnog rukovođenja pri izvođenju rudarskih radova, vršenju nadzora, samostalno obavljanje rudarskih mjerenja i druge poslove pri eksploataciji mineralnih sirovina mogu obavljati radnici koji ispunjavaju propisane uslove stručne spreme i radnog iskustva i koji su položili stručni ispit.
- (2) Privredno društvo dužno je općim aktom utvrditi obavezu stručnog usavršavanja i provjeru stručne osposobljenosti za radnike koji rade na poslovima za koje je, prema odredbama ovog Zakona, propisana stručna sprema i radno iskustvo.
- (3) Poslove iz stava (1) ovog člana u jamama ugroženim metanom i/ili opasnom ugljenom prašinom mogu obavljati samo radnici koji, pored ovih Zakonom propisanih uvjeta u pogledu stručne spreme, radnog iskustva i stručnog ispita, imaju najmanje tri godine radnog iskustva od čega najmanje jednu godinu radnog iskustva na izvođenju rudarskih radova stečenog nakon položenog stručnog ispita u ovakvim jamama.

Član 25.

(Glavno tehničko rukovođenje u jamskoj i površinskoj eksploataciji)

- (1) Poslove glavnog tehničkog rukovođenja u privrednom društvu koje se bavi podzemnom eksploatacijom mineralnih sirovina može obavljati lice koje ima završen –VII stepen stručne spreme, diplomirani inženjer rudarstva- smjer eksploatacioni ili rudarski odnosno visoko obrazovanje prvog ciklusa Bolonjskog sistema studiranja (koje se vrednuje sa 240 ECTS bodova) drugog ili trećeg ciklusa Bolonjskog sistema studiranja-rudarske struke koji ima najmanje tri godine radnog iskustva na poslovima tehničkog rukovođenja u podzemnoj eksploataciji.
- (2) Poslove glavnog tehničkog rukovođenja u privrednom društvu koje se bavi površinskom eksploatacijom mineralnih sirovina može obavljati lice koje ima završen –VII stepen stručne spreme, diplomirani inženjer rudarstva- smjer eksploatacioni ili rudarski odnosno visoko obrazovanje prvog ciklusa Bolonjskog sistema studiranja (koje se vrednuje sa 240 ECTS bodova) drugog ili trećeg

ciklusa Bolonjskog sistema studiranja-rudarske struke koji ima najmanje tri godine radnog iskustva na poslovima tehničkog rukovođenja u površinskoj eksploataciji.

- (3) Poslove glavnog tehničkog rukovođenja u privrednom društvu koje se bavi podzemnom i površinskom eksploatacijom mineralnih sirovina može obavljati lice koja ispunjava uslove iz stava (1) ovog člana.

Član 26.

(Glavno tehničko rukovođenje u bušotinskoj eksploataciji)

Poslove glavnog tehničkog rukovođenja u privrednom društvu koje se bavi bušotinskom eksploatacijom može obavljati lice koje ima završen –VII stepen stručne spreme, diplomirani inženjer rudarstva- smjer eksploatacioni ili rudarski ili bušotinska eksploatacija odnosno visoko obrazovanje prvog ciklusa Bolonjskog sistema studiranja (koje se vrednuje sa 240 ECTS bodova) drugog ili trećeg ciklusa Bolonjskog sistema studiranja-rudarske struke smjer eksploatacioni ili rudarski odnosno bušotinska eksploatacija koji ima najmanje tri godine radnog iskustva na poslovima tehničkog rukovođenja u bušotinskoj eksploataciji.

Član 27.

(Tehničko rukovođenje)

- (1) Poslove tehničkog rukovođenja organizacionom jedinicom odnosno jamom ili jamskim pogonom, u privrednom društvu koje se bavi rudarskom djelatnošću može obavljati lice koje ima završen –VII stepen stručne spreme, diplomirani inženjer rudarstva - smjer eksploatacioni ili rudarski odnosno visoko obrazovanje prvog ciklusa Bolonjskog sistema studiranja (koje se vrednuje sa 240 ECTS bodova) drugog ili trećeg ciklusa Bolonjskog sistema studiranja-rudarske struke koji ima položen stručni ispit i najmanje tri godine radnog iskustva na poslovima u podzemnoj eksploataciji.
- (2) Poslove tehničkog rukovođenja organizacionom jedinicom odnosno površinskim kopom ili površinskim pogonom, u privrednom društvu koje se bavi rudarskom djelatnošću može obavljati lice koje ima završen –VII stepen stručne spreme diplomirani inženjer rudarstva - smjer eksploatacioni ili rudarski odnosno visoko obrazovanje prvog ciklusa Bolonjskog sistema studiranja (koje se vrednuje sa 240 ECTS bodova) drugog ili trećeg ciklusa Bolonjskog sistema studiranja-rudarske struke koji ima položen stručni ispit i najmanje tri godine radnog iskustva na poslovima u površinskoj eksploataciji.
- (3) Poslove tehničkog rukovođenja organizacionom jedinicom prerade mineralnih sirovina odnosno separacijom u privrednom društvu koje se bavi rudarskom djelatnošću može obavljati lice koje ima završen –VII stepen stručne spreme, diplomirani inženjer rudarstva - smjer eksploatacioni ili rudarski, diplomirani inženjer mašinstva –smjer opšti ili proizvodno mašinstvo, diplomirani inženjer tehnologije odgovarajućeg smjera, ili visoko obrazovanje prvog ciklusa Bolonjskog sistema studiranja (koje se vrednuje sa 240 ECTS bodova) drugog ili trećeg ciklusa Bolonjskog sistema odgovarajuće struke koji ima položen stručni ispit i najmanje tri godine radnog iskustva na poslovima eksploatacije odnosno prerade mineralnih sirovina.
- (4) Poslove tehničkog rukovođenja u privrednom društvu koje se bavi bušotinskom eksploatacijom može obavljati lice koje ima završen –VII stepen stručne spreme,

diplomirani inženjer rudarstva - smjer eksploatacioni ili rudarski odnosno bušotonska eksploatacija, visoko obrazovanje prvog ciklusa Bolonjskog sistema studiranja (koje se vrednuje sa 240 ECTS bodova) drugog ili trećeg ciklusa Bolonjskog sistema studiranja-rudarske struke smjer eksploatacioni ili rudarski odnosno bušotinska eksploatacija koji ima položen stručni ispit i najmanje tri godine radnog iskustva na poslovima u bušotinskoj eksploataciji.

- (5) Poslove tehničkog rukovođenja službom u privrednom društvu koje se bavi rudarskom djelatnošću može obavljati lice koje za tu službu ima završen –VII stepen stručne spreme, diplomirani inženjer: rudarstva - smjer eksploatacioni ili rudarski, rudarsko-mjerački odnosno geodetski, bušotinska eksploatacija, elektrotehnike-smjer energetski, mašinstva-smjer proizvodni, geologije, građevine i druge struke odnosno visoko obrazovanje prvog ciklusa Bolonjskog sistema studiranja (koje se vrednuje sa 240 ECTS bodova) drugog ili trećeg ciklusa Bolonjskog sistema studiranja-rudarske struke koji ima položen stručni ispit i najmanje tri godine radnog iskustva na odgovarajućim poslovima u toj oblasti u rudarstvu.
- (6) Poslove tehničkog rukovođenja u privrednom društvu koje izvodi rudarske radove izvan eksploatacionog polja može obavljati lice koje ima završen – VII stepen stručne spreme, diplomirani inženjer rudarstva – smjer eksploatacioni ili rudarski, odnosno visoko obrazovanje prvog ciklusa Bolonjskog sistema studiranja (koje se vrednuje sa 240 ECTS bodova) drugog ili trećeg ciklusa Bolonjskog sistema studiranja-rudarske struke koja ima položen stručni ispit i najmanje tri godine radnog iskustva na tim i/ili sličnim poslovima u rudarstvu.

Član 28.

(Rudarska mjerenja)

Poslove rudarskog mjerenja u jamama, na površinskim kopovima i kod bušotinske eksploatacije može obavljati radnik koji ima visoku ili srednju stručnu spremu odgovarajuće struke, položen stručni ispit i tri godine radnog iskustva od čega najmanje jednu godinu radnog iskustva stečenog nakon položenog stručnog ispita.

Član 29.

(Nadzornik u rudarskim objektima)

Poslove nadzornika u rudarskim objektima može obavljati radnik koji ima najmanje srednju stručnu spremu odgovarajuće struke, položen stručni ispit za nadzor nad rudarskim radovima i tri godine radnog iskustva od čega najmanje jednu godinu radnog iskustva stečenog nakon položenog stručnog ispita.

Član 30.

(Poslovođa u rudarskim objektima)

Poslove poslovođe u rudarskim objektima može obavljati radnik koji ima najmanje tri godine radnog iskustva na poslovima nadzornika u odgovarajućem rudarskom objektu.

Član 31.

(Samostalno rukovanje eksplozivnim sredstvima u rudarstvu)

- (1) Poslove samostalnog rukovanja eksplozivnim sredstvima u rudarstvu izuzetno mogu obavljati i radnici koji imaju visoku ili srednju stručnu spremu rudarske struke i koji su stekli teorijska i praktična znanja o eksplozivnim sredstvima i miniranju i koji imaju položen stručni ispit.
- (2) Poslove samostalnog rukovanja eksplozivnim sredstvima u rudarstvu mogu obavljati kvalifikovani radnici rudarske struke koji imaju najmanje tri godine radnog iskustva na poslovima kvalifikovanog zaposlenika rudarske struke i položen ispit iz poznavanja propisa, primjene i praktičnog rukovanja eksplozivnim sredstvima.
- (3) Federalni ministar donijet će propise za polaganje ispita za samostalno rukovanje eksplozivnim sredstvima.

Član 32.

(Škole i fakulteti)

Pod školama i fakultetima odgovarajuće struke za obavljanje poslova iz čl. 25. do 31. ovoga zakona podrazumijevaju se za poslove:

- a) samostalnog rukovanja eksplozivnim sredstvima - položen ispit za kvalifikovanog radnika rudarske struke, rudarska tehnička škola odnosno rudarski fakultet – smjer eksploatacioni ili rudarski;
- b) nadzornika nad jamskim i površinskim eksploatacionim radovima - rudarska tehnička škola;
- c) nadzornika u objektima prerade i oplemenjivanja mineralnih sirovina – rudarska tehnička, elektrotehnička, mašinska odnosno tehnološka tehnička škola;
- d) nadzornika nad eksploatacijom nafte i plina - rudarska tehnička škola;
- e) nadzornika bušotinske eksploatacije - rudarska odnosno geološka tehnička škola;
- f) nadzornika nad elektro postrojenjima i elektro radovima - elektrotehnička škola;
- g) nadzornika nad mašinskim postrojenjima i radovima - mašinska tehnička škola;
- h) nadzornika nad građevinsko-montažnim i drugim specijalnim radovima – građevinska, tehnička, odnosno druga odgovarajuća srednja tehnička škola;
- i) tehničkog rukovođenja rudarskim jamskim i površinskim radovima, masovnim miniranjem, rudarski fakultet - smjer eksploatacioni ili rudarski;
- j) tehničkog rukovođenja jamom odnosno jamskim pogonom -rudarski fakultet - smjer eksploatacioni ili rudarski;
- k) tehničkog rukovođenja površinskim kopom, rudarski fakultet - smjer eksploatacioni ili rudarski;
- l) tehničkog rukovođenja masovnim miniranjem, rudarski fakultet - smjer eksploatacioni ili rudarski;
- m) tehničkog rukovođenja službom provjetravanja, rudarski fakultet - smjer eksploatacioni ili rudarski;
- n) tehničkog rukovođenja službom spašavanja, rudarski fakultet - smjer eksploatacioni ili rudarski,
- o) tehničkog rukovođenja radovima prerade i oplemenjivanja, rudarski fakultet – smjer eksploatacioni ili rudarski, rudarsko-mašinski, tehnološki – smjer hemijsko inženjstvo i tehnologija, mašinski fakultet - proizvodni smjer;
- p) tehničkog rukovođenja eksploatacijom nafte i gasa – rudarski fakultet: smjer eksploatacioni ili rudarski, smjer bušotinska eksploatacija odnosno rudarsko-naftni fakultet;

- r) tehničkog rukovođenja bušotinskom eksploatacijom, rudarski fakultet, smjer eksploatacioni ili rudarski odnosno smjer bušotinske eksploatacije;
- s) tehničkog rukovođenja elektro službom - elektrotehnički fakultet, energetska smjer
- t) tehničkog rukovođenja mašinskom službom - rudarsko-mašinski ili mašinski fakultet- proizvodni ili energetska smjer;
- u) tehničko rukovođenje sistemom odvodnjavanja – rudarski fakultet - smjer eksploatacioni ili rudarski ili mašinski fakultet –proizvodni smjer;
- v) rudarska mjerenja - geodetska ili rudarska tehnička škola odnosno geodetski ili rudarski fakultet - smjer rudarsko mjerački, eksploatacioni ili rudarski;
- z) tehničkog rukovođenja službom rudarskih mjerenja - geodetski odnosno rudarski fakultet - smjer rudarsko mjerački, eksploatacioni ili rudarski;
- aa) tehničko rukovođenje geološkom službom na rudniku - geološki fakultet;
- bb) tehničkog rukovođenja građevinsko-montažnim, elektro-mašinskim i drugim specifičnim radovima - građevinski odnosno drugi odgovarajući fakultet;
- cc) tehničko rukovođenje rudarskim radovima izvan eksploatacionog polja koji nisu u vezi sa eksploatacijom mineralnih sirovina – rudarski fakultet - smjer eksploatacioni ili rudarski.

Član 33. (Stručni ispit)

- (1) Stručni ispit za tehničko rukovođenje, nadzor nad rudarskim radovima i samostalno obavljanje rudarskih mjerenja polažu kandidati koji imaju stručnu spremu propisanu ovim Zakonom i najmanje jednu godinu radnog iskustva u oblasti rudarstva nakon sticanja stručne spreme.
- (2) Stručni ispit položen prema odredbama Zakona o rudarstvu Republike Srpske za koji je ministarstvo tog entiteta Bosne i Hercegovine nadležno za rudarstvo izdalo odgovarajuće uvjerenje, priznaje se u Federaciji Bosne i Hercegovine kao ispit za tehničko rukovođenje u oblasti rudarstva.

Član 34. (Polaganje stručnog ispita)

- (1) Stručni ispit iz člana 33. stav (1) ovog Zakona polaže se pred stručnom komisijom koju imenuje federalni ministar.
- (2) Program stručnog ispita, te uslove, način i troškove polaganja stručnog ispita provedbenim propisom utvrdit će federalni ministar.
- (3) Aktom o imenovanju stručne komisije određuje se broj članova stručne komisije, vrijeme na koje se stručna komisija imenuje i naknada za rad stručne komisije.

Član 35. (Radno iskustvo)

Pod radnim iskustvom u smislu odredbi čl. od 24. do 31. ovog Zakona smatra se iskustvo na odgovarajućim poslovima u rudarstvu stečeno nakon sticanja stručne spreme koja je uslov za rad na određenom radnom mjestu, odnosno iskustvo stečeno nakon položenog stručnog ispita u slučajevima propisanim ovim Zakonom.

Član 36.

(Izvođenje i nadzor rudarskih radova)

- (1) Privredno društvo, odnosno izvođač rudarskih radova mora osigurati izvođenje rudarskih radova prema tehničkoj dokumentaciji, tehničkim propisima i propisima o zaštiti života i zdravlja radnika, zaštite okoliša te zaštite imovine i zdravlja trećih lica, a pri građenju drugih objekata i odredbe koje važe za građenje tih objekata.
- (2) Privredno društvo, odnosno izvođač rudarskih radova obavezan je osigurati stalni nadzor nad svim rudarskim radovima, postrojenjima i uređajima i instalacijama u svim smjenama od stručnih lica ili posredstvom uređaja za kontrolu i daljinsko upravljanje.
- (3) U jamama ugroženim metanom i opasnom ugljenom prašinom nadzor nad provjetravanjem mora biti stalan.

Član 37.

(Knjiga rudarskog nadzora)

- (1) Privredno društvo dužno je voditi knjigu rudarskog nadzora u koju se unose naređenja nadležnog rudarskog inspektora izdata na licu mjesta pri vršenju nadzora u rudarskim objektima u slučaju neposredne opasnosti po život i zdravlje ljudi i materijalnih dobara.
- (2) U knjigu rudarskog nadzora unose se naređenja i direktora privrednog društva, lica odgovornog za glavno tehničko rukovođenje i rukovodioca službe zaštite na radu, koja se odnose na zaštitu na radu, a izdata su na licu mjesta pri pregledu radova.

Član 38.

(Dozvole)

- (1) Za izvođenje rudarskih radova iz člana 7. ovog Zakona, koji se odnose neposredno na eksploataciju mineralnih sirovina potrebno je od Federalnog ministarstva, odnosno kantonalnog ministarstva nadležnog za rudarstvo pribaviti sljedeće dozvole:
 - a) dozvola za eksploataciju;
 - b) dozvola za potpunu i trajnu obustavu eksploatacije;
 - c) dozvola za izvođenje radova prema rudarskom projektu;
 - d) dozvola za upotrebu rudarskih objekata, postrojenja, uređaja i instalacija – upotrebna dozvola;
 - e) privremena dozvola za izvođenje radova i
 - f) konačna dozvola za izvođenje radova.
- (2) Dozvole iz stava (1) ovog člana tač. a), b), c), d), f) i g) za mineralne sirovine iz člana 6. stav (1) tač. a), b), c) i d) ovog Zakona izdaje Federalno ministarstvo.
- (3) Dozvole iz stava (1) ovog člana tač. a), b), c), d), f) i g) za mineralne sirovine iz člana 6. stav (1) tač. e), f) i g) ovog Zakona izdaje kantonalno ministarstvo nadležno za rudarstvo.
- (4) Dozvole iz stava (3) ovog člana za mineralne sirovine čije se eksploataciono polje proteže na više kantona izdaje Federalno ministarstvo.
- (5) Federalno ministarstvo izdaje dozvolu za vršenje periodičnih pregleda sredstava rada i sredstava i opreme lične zaštite pri radu, periodične preglede ispitivanja fizičkih, hemijskih i bioloških štetnosti i mikroklima u radnim i pomoćnim prostorijama i izdavanje odgovarajućih isprava u rudarstvu.

- (6) Dozvole iz stava (1) ovoga člana izdaju se rješenjem koje je konačno u upravnom postupku

Član 39.

(Zahtjev za izdavanje dozvole i sadržaj dozvole za eksploataciju)

- (1) Uz zahtjev za izdavanje dozvole za eksploataciju privredno društvo dužno je priložiti:
- a) ugovor o koncesiji;
 - b) dokumentaciju o izvršenim istražnim radovima, ležištu mineralnih sirovina, utvrđenim količinama i kvalitetu mineralnih sirovina (potvrda o revidovanim rezervama);
 - c) dokaz o pravu svojine ili pravu korištenja, zakupa i/ili saglasnosti, odnosno pravu služnosti za zemljište određeno za eksploataciju mineralnih sirovina, a za podzemnu eksploataciju mineralnih sirovina samo za zemljište za izgradnju nadzemnih rudarskih objekata i rudničke infrastrukture;
 - d) situacioni plan – kartu sa ucrtanim granicama eksploatacionog polja u mjerilu koje omogućava da se na njegovoj podlozi u prirodi mogu odrediti granice rudničkog prostora, sa javnim saobraćajnim i drugim objektima koji se nalaze na tom prostoru, sa opisom granica eksploatacionog polja, uz naznaku općine na čijem se području eksploataciono polje nalazi;
 - e) dokaze o tehničkoj opremljenosti privrednog društva ili izvođača rudarskih radova, kao i stručnoj osposobljenosti radnika za eksploataciju mineralnih sirovina i
 - f) okolinsku dozvolu i urbanističku saglasnost.
- (2) Dozvola za eksploataciju sadrži podatke o:
- a) vrsti mineralne sirovine ili mineralnih sirovina koje su predmet eksploatacije;
 - b) načinu eksploatacije (podzemna, površinska i kombinirana);
 - c) položaju i tačnim granicama eksploatacionog polja;
 - d) roku u kojem se moraju izvršiti pripremni radovi uključujući i izradu rudarskog projekta i dobiti dozvola za izvođenje radova na eksploataciji mineralne sirovine;
 - e) roku važnosti dozvole, u skladu sa važećim zakonskim propisima koji uređuju oblast koncesija, te zaključenim ugovorom o koncesiji;
 - f) obavezi provođenja ugovora o koncesiji i
 - g) obavezi sanacije i rekultivacije područja degradiranog eksploatacijom mineralnih sirovina.

Član 40.

(Ukidanje dozvole za eksploataciju)

- (1) Nadležno ministarstvo za rudarstvo rješenjem će ukinut dozvolu za eksploataciju mineralnih sirovina ako:
- a) privredno društvo kome je izdata dozvola ne počne sa eksploatacijom u roku navedenom u dozvoli;
 - b) privredno društvo ne pribavi dozvolu za izvođenje radova prema rudarskom projektu u propisanom roku;

- c) rudarskim radovima se ugrožava život i zdravlje radnika i drugih građana i imovine, a druge mjere utvrđene ovim zakonom i drugim propisima nisu dovoljne da se to spriječi;
- d) ugrožava se okoliš i ne vrši rekultivacija prostora degradiranog rudarskim radovima prema odobrenom projektu ili izvode rudarski radovi koji nisu u skladu sa dozvolom za izvođenje rudarskih radova;
- e) prestane da važi ili je iz bilo kojeg razloga raskinut ugovor o koncesiji.

(2) Rešenje iz stava (1) ovog člana konačno je u upravnom postupku i protiv njega se može pokrenuti upravni spor.

Član 41.

(Prestanak važenja dozvole za eksploataciju)

(1) Dozvola za eksploataciju prestaje važiti:

- a) prestankom rada privrednog društva;
- b) kada je iscrpljena mineralna sirovina na prostoru eksploatacionog polja;
- c) kada privredno društvo odustane od izdate dozvole za eksploataciju na cijelom eksploatacionom polju ili na dijelu eksploatacionog polja;
- d) istekom ugovora o koncesiji;
- e) potpunom i trajnom obustavom eksploatacije na eksploatacionom polju.

(2) O prestanku važenja dozvole za eksploataciju nadležno ministarstvo donosi rješenje koje je konačno u upravnom postupku i protiv njega se može pokrenuti upravni spor.

Član 42.

(Zahtjev za produženje dozvole za eksploataciju)

(1) Uz zahtjev za produženje dozvole privredno društvo dužno je priložiti:

- a) važeću dozvolu;
- b) potvrdu o priznatim rezervama mineralne sirovine;
- c) situacioni plan – kartu sa ucrtanim granicama eksploatacionog polja u mjerilu koje omogućava da se na njegovoj podlozi mogu odrediti granice rudničkog prostora sa javnim saobraćajnim i drugim objektima koji se nalaze na tom prostoru;
- d) ugovor o koncesiji;
- e) okolinsku dozvolu.

(2) Zahtjev za produženje dozvole za eksploataciju podnosi se devedeset dana prije isteka roka važnosti dozvole.

Član 43.

(Dozvola za potpunu i trajnu obustavu eksploatacije)

(1) Uz zahtjev za izdavanje dozvole za potpunu i trajnu obustavu eksploatacije privredno društvo dužno je priložiti:

- a) ugovor o koncesiji;
- b) revidovan rudarski projekt za potpuno i trajno zatvaranje rudarskog objekta, tehničku i biološku rekultivaciju zemljišta;
- c) urbanističku saglasnost;

- d) okolinsku dozvolu;
- e) obrazloženje potpune i trajne obustave eksploatacije i odluku privrednog društva o potpunoj i trajnoj obustavi eksploatacije;
- f) potvrdu o revidovanim preostalim rezervama mineralne sirovine;
- g) situacionu kartu sa ažurnim stanjem izvedenih radova do vremena obustave sa ucrtanim eksploatacionim poljem i označenim prijelomnim tačkama i označenim koordinatama;
- h) dokaz da su osigurana finansijska sredstva za konačnu sanaciju zemljišta i tehničku rekultivaciju degradiranih površina nastalih usljed rudarskih radova.

(2) Dozvola za potpunu i trajnu obustavu eksploatacije sadrži podatke o:

- a) postojanju ugovora o koncesiji;
- b) vrsti mineralne sirovine koja je predmet obustave eksploatacije sa količinama preostalih rezervi;
- c) obavezi privrednog društva o trajnom čuvanju tehničke dokumentacije koja se odnosi na eksploataciju mineralne sirovine ako se zatvara samo dio eksploatacionog polja;
- d) obavezi privrednog društva o provođenju mjera sigurnosti kojima će se trajno isključiti mogućnost nastajanja opasnosti po ljude i imovinu;
- e) obavezi privrednog društva pri zatvaranju rudnika, tehničkoj i biološkoj rekultivaciji zemljišta u skladu sa projektom iz stava (1) tačka b) ovog člana;
- f) položaju i tačnim granicama eksploatacionog polja i označenim prijelomnim tačkama i pripadajućim koordinatama;

Član 44.

(Dozvola za izvođenje radova i gradnju objekata prema rudarskom projektu)

- (1) Dozvolom za izvođenje rudarskih radova, gradnju objekata i postrojenja prema rudarskom projektu odobrava se izvođenje radova, gradnja rudarskih objekata i postrojenja iz čl. 7. i 8. ovog Zakona.
- (2) Uz zahtjev za dobivanje dozvole iz stava (1) ovog člana privredno društvo ili izvođač rudarskih radova mora priložiti:
 - a) ugovor o koncesiji;
 - b) revidovan rudarski projekt u dva primjerka;
 - c) dokaz o ispunjavanju uslova za izvođenje rudarskih radova iz člana 16. stav (1) ovog zakona;
 - d) dozvolu za eksploataciju određene mineralne sirovine;
 - e) dokaz o pravu svojine ili pravu korištenja, zakupa i/ili saglasnosti, odnosno pravu služnosti za zemljište određeno za eksploataciju mineralnih sirovina, a za podzemnu eksploataciju mineralnih sirovina samo za zemljište za izgradnju nadzemnih rudarskih objekata i rudničke infrastrukture;
 - f) okolinsku dozvolu i urbanističku saglasnost;
 - g) izvještaj revidenta o reviziji projekta i
 - h) vodnu saglasnost.
- (3) Dozvola za izvođenje rudarskih radova, gradnju objekata i postrojenja prema rudarskom projektu sadrži:
 - a) naziv privrednog društva ili izvođača rudarskih radova kojem je izdata dozvola za izvođenje radova;
 - b) naziv projekta prema kojem se odobrava izvođenje radova i gradnja objekata i postrojenja;

- c) konstataciju da se projekt ovjerava u dva primjerka;
- d) nalog podnosiocu zahtjeva da je jedan primjerak ovjerenog projekta dužan čuvati kao akt od trajne vrijednosti;
- e) nazive bitnih dokumenata priloženih uz zahtjev za dozvolu i to:
 - 1) dokaz o pravu svojine ili pravu korištenja, zakupa i/ili saglasnosti, odnosno pravu služnosti za zemljište određeno za eksploataciju mineralnih sirovina, a za podzemnu eksploataciju mineralnih sirovina samo za zemljište za izgradnju nadzemnih rudarskih objekata i rudničke infrastrukture;
 - 2) urbanističku saglasnost i
 - 3) revizioni izvještaj sa mišljenjem da se može izdati dozvola.
- (4) U postupku izdavanja dozvole za izvođenje radova, gradnju objekata i postrojenja nadležni organ uprave utvrđuje:
 - a) gdje je projekt izrađen;
 - b) ko je rukovodio izradom projekta;
 - c) gdje je izvršena revizija projekta i
 - d) ko je revident.
- (5) Dozvolu za izvođenje radova po projektima iz čl. 70, 71, 72 i 74 ovog Zakona daje Federalno ministarstvo.
- (6) Za izvođenje radova po rudarskom projektu izvane eksploatacionog polja Federalno ministarstvo izdaje saglasnost.

Član 45.

(Privremena dozvola za izvođenje rudarskih radova)

- (1) Za uvođenje nove otkopne metode u eksploataciji mineralnih sirovina (podzemna i bušotinska eksploatacija), Federalno ministarstvo, odnosno kantonalno ministarstvo nadležno za rudarstvo može izdati privremenu dozvolu za izvođenje rudarskih radova u trajanju od najduže dvije godine:
- (2) Privremena dozvola izdaje se i u slučajevima kada je zbog uvođenja nove tehnologije i postrojenja predviđen probni rad.
- (3) Uz zahtjev za izdavanje dozvole iz st. (1) i (2) ovog člana privredno društvo mora priložiti sljedeće:
 - a) revidovani rudarski projekt u dva primjerka i
 - b) izvještaj revidenta o reviziji projekta.
- (4) Privremena dozvola iz stava (1) ovog člana može se izdati izuzetno i na vrijeme duže od dvije godine u ovisnosti od specifičnosti metode i potrebnog vremena za dokazivanje opravdanosti uvođenja nove otkopne metode.

Član 46.

(Konačna dozvola za izvođenje rudarskih radova)

- (1) Konačnu dozvolu kojom se određuju zaštitne mjere kod upotrebe otkopne metode, tehnologije ili postrojenja iz člana 45. ovog Zakona, privrednom društvu izdaje Federalno ministarstvo, odnosno kantonalno ministarstvo nadležno za rudarstvo poslije predocjenja dokaza o ispravnosti otkopne metode, tehnologije i postrojenja.
- (2) Rješenje kojim se izdaje konačna dozvola između ostalog sadrži:
 - a) naziv privrednog društva kojem se izdaje konačna dozvola za izvođenje rudarskih radova;
 - b) vrsta mineralne sirovine koja je predmet eksploatacije novom otkopnom metodom;

- c) naziv nove otkopne metode;
 - d) mjere sigurnosti i zaštite na radu koje je potrebno porovoditi, i
 - e) rok važnosti konačne dozvole za izvođenje rudarskih radova.
- (3) Postupak ispitivanja ispravnosti otkopne metode, tehnologije i postrojenja propisuje federalni ministar.

Član 47.

(Početak izvođenja rudarskih radova)

- (1) Privredno društvo ili izvođač rudarskih radova kojem je izdata dozvola iz člana 38. stav (1) tačka c. ovog Zakona ili saglasnost iz člana 44. stav (6) ovog Zakona mora, najkasnije 15 dana prije početka izvođenja rudarskih radova, nadležnoj rudarskoj inspekciji prijaviti početak izvođenja rudarskih radova i lica koja će obavljati poslove tehničkog i glavnog tehničkog rukovođenja rudarskim radovima, kao i lica koja će obavljati poslove tehničkog nadzora i neposredne kontrole provođenja mjera zaštite na radu, ako se rudarskim radovima grade objekti.
- (2) Privredno društvo ili izvođač rudarskih radova mora rudarskoj inspekciji prijaviti prestanak rudarskih radova, ako prijavom početka radova nije određen rok trajanja i okončanja radova.

Član 48.

(Dozvola za upotrebu rudarskih objekata, postrojenja, uređaja i instalacija)

- (1) Upotreba rudarskih objekata, postrojenja, uređaja i instalacija izgrađenih na osnovu odobrenog glavnog, dopunskog ili tehničkog rudarskog projekta dozvoljena je na osnovu dozvole za njihovu upotrebu.
- (2) Dozvolu za upotrebu rudarskih objekata, postrojenja, uređaja i instalacija iz člana 38. stav (1) tačka d) ovog zakona na prijedlog stručne komisije nakon obavljenog tehničkog pregled izdaje organ uprave koji je izdao dozvolu za izvođenje radova po rudarskom projektu.
- (3) Tehničkim pregledom utvrđuje se da li su rudarski objekti, postrojenja, uređaji i instalacije izgrađeni prema odobrenom rudarskom projektu, da li su usklađeni sa propisima, mjerama i normativima zaštite na radu i obaveznim standardima, da li su tehnički ispravni i da li se njihovim stavljanjem u funkciju ugrožava okoliš, život i zdravlje radnika i građana.
- (4) Tehnički pregled rudarskih objekata, postrojenja, uređaja i instalacija izgrađenih na osnovu odobrenog glavnog, dopunskog ili tehničkog rudarskog projekta vrši i odobrava upotrebu Federalno ministarstvo, odnosno kantonalno ministarstvo nadležno za rudarstvo putem stručne komisije.
- (5) Stručna komisija sastavljena je od predstavnika Federalnog ministarstva, odnosno kantonalnih ministarstava nadležnih za rudarstvo i stručnih lica iz privrednih društava iz oblasti rudarstva koja ispunjavaju uslove iz člana 79. ovog Zakona.
- (6) U radu stručne komisije iz stava (5) ovog člana kao članovi učestvuju i predstavnici organa koji je izdao urbanističku saglasnost i okolinsku dozvolu za rudarske objekte, postrojenja, uređaje i instalacije izgrađene po glavnom rudarskom projektu.
- (7) Radu stručne komisije za tehnički pregled može da prisustvuje predstavnik nadležne rudarske inspekcije.
- (8) Troškove tehničkog pregleda snosi privredno društvo.

- (9) Rudarski objekti i postrojenja izgrađeni na osnovu odobrenog glavnog, dopunskog ili tehničkog rudarskog projekta mogu se pustiti u probni rad najduže do šest mjeseci poslije izvršenog tehničkog pregleda od stručne komisije, koju je formiralo privredno društvo sa zadatkom da utvrdi da li su izvedeni radovi u skladu sa rješenjima datim u rudarskom projektu. O puštanju u probni rad rudarskih objekata, postrojenja, uređaja i instalacija privredno društvo pisano obavještava Federalno ministarstvo, odnosno kantonalno ministarstvo nadležno za rudarstvo.
- (10) Vršenje tehničkog pregleda pokreće se zahtjevom privrednog društva.
- (11) Uz zahtjev za tehnički pregled za dobijanje dozvole za upotrebu rudarskih objekata i postrojenja, uređaja i instalacija privredno društvo prilaže:
- a) dokaz o ispunjavanju uslova za obavljanje rudarske djelatnosti iz člana 16. stav (2) ovog Zakona;
 - b) spisak rudarskih objekata, postrojenja, uređaja i instalacija koji su predmet tehničkog pregleda;
 - c) spisak projekata prema kojima su izgrađeni rudarski objekti, postrojenja i uređaji uz navođenje broja dozvole pod kojim su odobreni;
 - d) spisak kadrova;
 - e) spisak isprava o izvršenim periodičnim pregledima sredstava rada i sredstava i opreme lične zaštite pri radu, periodičnim pregledima i ispitivanjima fizičkih, hemijskih i bioloških štetnosti i mikroklimе u radnim i pomoćnim prostorijama i
 - f) vodnu dozvolu.
- (12) Dozvola za upotrebu rudarskog objekta i postrojenja sadrži:
- a) naziv privrednog društva kojem se izdaje dozvola;
 - b) naziv mjesta izgrađenog rudarskog objekta i postrojenja;
 - c) nazive rudarskih objekata, postrojenja, uređaja i instalacija sa tehničkim karakteristikama;
 - d) obaveze privrednog društva da sve izmjene u projektnoj dokumentaciji nastale u toku izgradnje rudarskog objekta mora unijeti u odborenu projektnu dokumentaciju i čuvati svo vrijeme dok rudarski objekat traje; i
 - e) konstataciju da:
 - rudarski objekti, postrojenja, uređaji i instalacije su izgrađeni u skladu sa odobrenim rudarskim projektom;
 - privredno društvo je uvažilo uslove date u dozvoli za izvođenje radova i
 - privredno društvo je uvažilo uslove navedene u urbanističkoj saglasnosti i okolinskoj dozvoli.
- (13) Način imenovanja članova stručne komisije, obavljanje tehničkog pregleda, sadržaj zapisnika o izvršenom tehničkom pregledu te naknadu za rad osobama iz stava (5) i (6) ovog člana uredit će se posebnim pravilnikom koji donosi federalni ministar.

Član 49.

(Dozvola za obavljanje periodičnih pregleda)

- (1) Periodične preglede sredstava rada i sredstava i opreme lične zaštite pri radu, periodične preglede i ispitivanja fizičkih, hemijskih i bioloških štetnosti i mikroklimе u radnim i pomoćnim prostorijama i izdavanje odgovarajućih isprava u rudarstvu mogu obavljati pravna lica koja pored uslova propisanih ovim Zakonom, imaju kadrove sa odgovarajućom visokom školskom spremom, položenim stručnim ispitom i radnim iskustvom u struci u rudarstvu od najmanje pet godina, tehničku opremu i laboratorije.

- (2) Zahtjev za izdavanje dozvole za obavljanje periodičnih pregleda podnosi se Federalnom ministarstvu.
- (3) Podnosilac zahtjeva uz zahtjev je dužan priložiti:
- a) rješenje o registraciji djelatnosti kod nadležnog suda,
 - b) spisak kadrova sa odgovarajućim uslovima u pogledu stručne spreme, radnog iskustva i položenog stručnog ispita,
 - c) spisak tehničke opreme,
 - d) spisak opreme i instrumenata koji podliježu umjeravanju, kao i dokaze da je umjeravanje izvršeno,
 - e) spisak laboratorija i radnog prostora potrebnog za poslove navedene u zahtjevu,
 - f) izvod iz opštih akata privrednog društva kojima su uređeni poslovi vršenja periodičnih pregleda i Metodologiju obavljanja periodičnih pregleda.
- (4) Prije izdavanja dozvole za vršenje periodičnih pregleda sredstava i opreme lične zaštite pri radu, periodične preglede i ispitivanja fizičkih, hemijskih i bioloških štetnosti i mikroklimе u radnim i pomoćnim prostorijama i izdavanje odgovarajućih isprava u rudarstvu vrši se uviđaj na licu mjesta putem stručne komisije.
- (5) Troškove uviđaja snosi privredno društvo.
- (6) Dozvola za vršenje periodičnih pregleda sredstava i opreme lične zaštite pri radu, periodične preglede i ispitivanja fizičkih, hemijskih i bioloških štetnosti i mikroklimе u radnim i pomoćnim prostorijama i izdavanje odgovarajućih isprava u rudarstvu sadrži:
- a) popis poslova periodičnih pregleda za koje se izdaje dozvola,
 - b) nosioce poslova iz stava (3) tačke a) ovog člana,
 - c) uslove koje moraju zadovoljiti oprema i instrumenti u skladu sa Zakonom o mjeriteljstvu u Federaciji Bosne i Hercegovine („Službene novine Federacije BiH“ broj: 8/05),
 - d) odgovarajući prostor.
- (7) Rješenje kojim se izdaje dozvola za obavljanje periodičnih pregleda donosi Federalno ministarstvo, rješenje je konačno u upravnom postupku i protiv njega se može pokrenuti upravni spor.
- (8) Postupak utvrđivanja uslova, način imenovanja stručne komisije, sadržaj zapisnika i isprava, te naknada članovima stručne komisije uredit će se posebnim pravilnikom koji donosi federalni ministar.

DIO ČETVRTI - MJERE ZAŠTITE NA RADU

Član 50.

(Provođenje mjere zaštite na radu)

- (1) Privredno društvo dužno je provoditi sve mjere zaštite, uključujući i mjere zaštite života i zdravlja radnika na radu, zaštite od požara, zaštite voda i zaštite okoliša, zaštite imovine i drugih lica (u daljem tekstu: mjere zaštite na radu) u skladu sa odredbama ovoga Zakona i propisa donesenih na osnovu njega.
- (2) Direktor privrednog društva odgovoran je za organizovanje poslova zaštite na radu.
- (3) Za neposredno provođenje mjera zaštite na radu i mjera zaštite od požara odgovoran je svaki radnik zaposlen u privrednom društvu, odnosno kod

izvođača rudarskih radova u okviru djelokruga svog rada u skladu sa pravilnikom o mjerama zaštite na radu.

- (4) Direktor privrednog društva dužan je povremeno, a najmanje dva puta godišnje razmatrati stanje zaštite na radu i rad poslova zaštite na radu.
- (5) Korištenje jamskih prostorija u svrhe koje nisu odobrene za upotrebu rudarskim projektom, nije dopušteno.
- (6) U pogledu mjera zaštite na radu, koje nisu uređene ovim Zakonom i propisima donesenim na osnovu njega, primjenjuju se propisi doneseni u oblasti standardizacije, zaštite na radu, zaštite od požara, zaštite okoliša i zbrinjavanje otpada.
- (7) Zadržavanje radnika u podzemnim rudarskim prostorijama posle radnog vremena, dozvoljeno je samo radi obavljanja poslova tehničko-tehnološkog procesa odobrenog od strane tehničkog rukovodioca rudarskog objekta.
- (8) Štrajk u objektima gdje se odvija tehnološki proces, a posebno u rudarskim objektima ugroženim metanom i opasnom ugljenom prašinom, nije dopušten iz sigurnosnih razloga.
- (9) U vrijeme štrajka, a posebno u jamama sa pojavom metana i opasnom ugljenom prašinom obavezno se mora organizovati nadzor, odvodnjavanje, provjetravanje, održavanje prohodnosti puteva u objektima i održavanje uređaja, opreme i instalacija.

Član 51.

(Sigurnost i zdravlje radnika)

- (1) Radi očuvanja sigurnosti i zdravlja radnika privredno društvo dužno je da osigura:
 - a) da su rudarski objekti, postrojenja, uređaji i instalacije izgrađeni prema rudarskom projektu za koji je nadležni organ izdao dozvolu;
 - b) da su radna mjesta planirana, opremljena, stavljena u funkciju, korištena i održavana na takav način da radnici mogu izvršavati posao koji im je dodijeljen bez ugrožavanja svoje sigurnosti ili sigurnosti i zdravlja drugih radnika;
 - c) da se rad na radnim mjestima odvija pod nadzorom odgovorne osobe;
 - d) da se rad koji uključuje posebne opasnosti odvija na način i prema datim uputstvima i povjeren je isključivo stručnim licima;
 - e) da su sva uputstva koja se odnose na sigurnost razumljiva za sve radnike na koje se odnose;
 - f) svim radnicima lična zaštitna sredstva i opremu i odgovarajuća sredstva prve pomoći, besplatno;
 - g) obuku radnika za samostalan i siguran rad i rukovanje sredstvima rada;
 - h) organizovanje poslova zaštite na radu;
 - i) organizovanje poslova protivpožarne zaštite, zdravstvene zaštite i službe spasavanja i njihovo opremanje odgovarajućom opremom i sredstvima;
 - j) periodične preglede i ispitivanja sredstava za rad, uređaja i opreme i sredstava lične zaštite, kao i preventivne i periodične preglede ispitivanja uslova radne sredine, odnosno fizičkih, hemijskih i bioloških štetnosti (osim jonizirajućeg zračenja), mikroklimе, elektroinstalacija i gromobranskih instalacija u rudarskim objektima.

- (2) Privredno društvo dužno je donijeti akt kojim se uređuje zaštita zdravlja i zaštita na radu radnika iz stava (1) ovog člana i akt o ličnim zaštitnim sredstvima za svako radno mjesto.

Član 52.

(Procjena rizika)

- (1) Privredno društvo (poslodavac) dužno je donijeti akt o procjeni rizika za sva radna mjesta.
- (2) Aktom o procjeni rizika iz stava (1) ovog člana procjenjuje se: organizacija rada, radni procesi, zahtjevi rada, sredstva rada, sirovine i materijali koji se koriste u tehnološkom i radnom procesu, sredstva i oprema za ličnu zaštitu kao i drugi faktori koji mogu da izazovu rizik od povreda na radu, profesionalnog oboljenja ili bolesti u vezi sa radom na radnom mjestu, kao i način i mjere za njihovo eliminisanje, kontrolisanje, te minimiziranje rizika sredstvima koja uključuju ugradnju sigurnosnih radnih sistema.
- (3) Akt o procjeni rizika donosi se prije nego se počne sa radom i mijenja se u ovisnosti od nove opasnosti i promjene nivoa rizika u procesu rada.
- (4) Federalni ministar donosi Pravilnik kojim se propisuje sadržaj akta o procjeni rizika.

Član 53.

(Poduzimanje mjera za zaštitu života građana i osiguranje imovine)

- (1) Pri izvođenju rudarskih radova privredno društvo, odnosno izvođač rudarskih radova dužan je poduzeti mjere potrebne za zaštitu života i zdravlja građana kao i osiguranje imovine prema važećim propisima.
- (2) Vlasnici i korisnici zemljišta i objekata na eksploatacionom polju kao i ostali građani pri kretanju ili radu dužni su se pridržavati mjera zaštite koje je propisalo privredno društvo, odnosno izvođač rudarskih radova.

Član 54.

(Upoznavanje sa propisima)

- (1) Svaki radnik koji zasnuje radni odnos u privrednom društvu mora se prije raspoređivanja na poslove, odnosno zadatke upoznati sa poslom koji će obavljati, propisima i mjerama zaštite na radu i mjerama zaštite od požara, sa opasnostima koje mogu nastati u poslu, kao i sa organizovanjem i provođenjem poslova zaštite na radu u privrednom društvu.
- (2) Radnik ima pravo zahtijevati od lica zaduženog za upoznavanje sa propisima da se što potpunije upozna sa opasnostima posla, pravima odnosno dužnostima u vezi sa zaštitom na radu i uslovima rada.

Član 55.

(Uvođenje u posao)

- (1) Radnik koji se prvi put raspoređuje na rudarske poslove mora se najmanje 15 dana u smjeni u kojoj je raspoređen uvoditi u posao pod neposrednim nadzorom instruktora kojeg odredi ovlašteno odgovorno lice u privrednom društvu i u tom periodu radnik ne može biti raspoređen na stalne poslove i zadatke.

- (2) Radnik koji se raspoređuje na druge poslove i zadatke mora se prije otpočinjanja rada upoznati sa radom, propisima, mjerama zaštite na radu i opasnostima koje mogu nastati na tim poslovima i zadacima.
- (3) Radnik je dužan u toku rada stalno nadopunjavati i usavršavati svoja znanja iz oblasti zaštite na radu i zaštite od požara.
- (4) Uvođenje radnik u rudarski posao mora biti uređeno internim aktom privrednog društva.

Član 56.

(Poznavanje propisa iz oblasti zaštite na radu)

- (1) Privredno društvo, odnosno izvođač rudarskih radova dužan je donijeti posebne programe za sticanje znanja iz oblasti zaštite na radu i zaštite od požara prema vrsti poslova i stručnosti radnika.
- (2) Privredno društvo odnosno izvođač rudarskih radova dužan je organizovati upoznavanje svih radnika sa propisima i mjerama zaštite na radu, kao i mjerama provođenja plana odbrane i akcija spašavanja u slučajevima iznenadnih udesa.
- (3) Privredno društvo, odnosno izvođač rudarskih radova dužan je putem stručne komisije najmanje jedanput godišnje izvršiti provjeru znanja o poznavanju propisa o tehničkim mjerama i o zaštiti na radu, kao i plana odbrane i akcije spašavanja u slučajevima iznenadnih udesa, nadzornog i tehničkog osoblja, palioca mina, visokokvalifikovanih i kvalifikovanih radnika čiji je rad neposredno vezan uz rudarske radove.
- (4) Privredno društvo dužno je o provedenoj obuci i provjeri znanja voditi evidenciju u skladu sa internim aktom.

Član 57.

(Sankcije za nepoznavanje propisa)

- (1) Radnici koji ne pokažu zadovoljavajuće poznavanje propisa o tehničkim mjerama i o mjerama zaštite na radu, a naročito o provođenju plana odbrane i akcije spašavanja ne mogu obavljati poslove dok se ponovnom provjerom ne utvrdi da su ovladali tim znanjima.
- (2) Ukoliko se ponovnom provjerom utvrdi nezadovoljavajuće poznavanje propisa, poslodavac je dužan radnika rasporediti na druge odgovarajuće poslove, a ako takvih poslova nema riješit će njegov radno-pravni status na način propisan Zakonom o radu („Službene novine Federacije BiH“, br. 26/16 i 89/18).

Član 58.

(Privremeno udaljavanje radnika sa posla)

- (1) Direktor privrednog društva i druga odgovorna lica za izvođenje radova određena pravilnikom o mjerama zaštite na radu, kao i radnik poslova zaštite na radu imaju pravo privremeno udaljiti sa posla radnika koji je izvršio povredu neke od propisanih mjera kojima se ugrožava lična i kolektivna sigurnost.
- (2) Pravilnikom o mjerama zaštite na radu privrednog društva odredit će se koje su to povrede mjera zaštite na radu zbog kojih se može postupiti po odredbi iz stava (1) ovog člana.

- (3) Radnici i odgovorna lica dužni su da poštuju utvrđene mjere sigurnosti i zaštite zdravlja na radu i vode brigu za svoju sigurnost i zdravlje te sigurnost i zdravlje drugih lica koja mogu biti ugrožena njihovim postupcima i/ili propustima u radu.
- (4) Radnici i odgovorne osobe koje se ne pridržavaju utvrđenih mjera sigurnosti i zaštite zdravlja na radu, protivpožarne zaštite i drugih mjera utvrđenih ovim Zakonom čine težu povredu radne obveze.

Član 59.
(Zabrana unošenja)

- (1) U rudarske podzemne prostorije i ostale rudarske objekte u kojima se pojavljuje metan i drugi zapaljivi gasovi ili opasna ugljena prašina, zabranjeno je unošenje lakozapaljivih materija, pribora za pušenje ili drugih sredstava koja mogu izazvati požar, upalu ili eksploziju.
- (2) Ova zabrana mora biti označena znacima upozorenja na vidnim mjestima rudarskog objekta.
- (3) U podzemnim rudarskim objektima i ostalim rudarskim objektima mogu se koristiti aparati za zavarivanje na način i pod uslovima utvrđenim posebnim propisom.

**DIO PETI - PRIVREMENA, POTPUNA I
TRAJNA OBUSTAVA RUDARSKIH RADOVA**

Član 60.
(Privremena obustava)

- (1) Privremenu obustavu rudarskih radova koja je iznenada nastupila na eksploataciji mineralnih sirovina zbog rudarskih ili privrednih razloga, privredno društvo ili izvođač rudarskih radova dužno je prijaviti Federalnom ministarstvu, odnosno kantonalnom ministarstvu nadležnom za rudarstvo i nadležnoj rudarskoj inspekciji u roku od 24 sata nakon obustave radova, a o ponovnom početku rudarskih radova mora pisanim putem obavijestiti navedene organe najmanje osam dana prije početka izvođenja radova.
- (2) Pojavu opasnosti po živote i zdravlje radnika privredno društvo, odnosno izvođač rudarskih radova mora odmah prijaviti Federalnom ministarstvu, odnosno kantonalnom ministarstvu nadležnom za rudarstvo i nadležnoj rudarskoj inspekciji.
- (3) Privremenu planiranu obustavu radova privredno društvo ili izvođač rudarskih radova dužno je prijaviti Federalnom ministarstvu, odnosno kantonalnom ministarstvu nadležnom za rudarstvo i nadležnoj rudarskoj inspekciji najmanje osam dana prije obustave radova. Postupak je isti kod ponovnog početka radova.
- (4) Ako obustava radova iz st. (1) i (3) ovog člana traje duže od 30 dana, privredno društvo ili izvođač rudarskih radova dužan je:
 - a) izvršiti mjerenja stanja i dopuniti rudarske planove – karte;
 - b) sačiniti zapisnik sa obrazloženjem o uzrocima obustave radova i opasnostima koje su uzrokovale obustavu, i
 - c) pripremiti plan mjera i aktivnosti radi sprečavanja nastajanja opasnosti koje se mogu pojaviti kod ponovnog otpočinjanja radova.
- (5) Za vrijeme privremene obustave izvođenja radova privredno društvo, odnosno izvođač rudarskih radova dužno je osigurati redovno održavanje svih rudarskih

prostorija i objekata, spriječiti nastajanje šteta i osigurati kretanje radnika bez opasnosti po njihov život i zdravlje.

- (6) Prije puštanja u rad privremeno obustavljenih rudarskih radova privredno društvo, odnosno izvođač rudarskih radova dužan je putem komisije u kojoj je obavezno prisutan i nadležni rudarski inspektor osim u slučaju kada privremeni prekid traje manje od 30 dana, izvršiti pregled i utvrditi da li su osigurani sigurni uslovi za nastavak radova.
- (7) Privremeni prekid rudarskih radova je prekid koji traje više od 30 dana i ne duže od jedne godine, osim više sile.
- (8) Ako privremeni prekid zbog više sile traje duže od jedne godine, privredno društvo dužno je donijeti procjenu o mogućem trajanju prekida i o tome ponovo pisano izvijestiti Federalno ministarstvo i nadležnu rudarsku inspekciju. Prije ponovnog ulaska u rudarske objekte i nastavka obustavljenih rudarskih radova privredno društvo dužno je sačiniti Plan sanacije rudarskih objekata.

Član 61.

(Potpuna i trajna obustava rudarskih radova)

- (1) U slučaju da privredno društvo iz bilo kojeg razloga odluči potpuno i trajno obustaviti izvođenje rudarskih radova na eksploataciji mineralnih sirovina na svim objektima ili na samo jednom objektu na kojem se izvode rudarski radovi, mora pri tome poštovati odredbe ovog Zakona.
- (2) Potpunu ili trajnu obustavu izvođenja rudarskih radova eksploatacije mineralnih sirovina, privredno društvo mora prijaviti Federalnom ministarstvu, odnosno kantonalnom ministarstvu nadležnom za rudarstvo i nadležnoj rudarskoj inspekciji u roku od 15 dana prije početka obustave radova.
- (3) Federalno ministarstvo, odnosno kantonalno ministarstvo nadležno za rudarstvo može imenovati stručnu komisiju koja će na licu mjesta provjeriti razloge obustave radova. Privredno društvo mora stručnoj komisiji predložiti dokumentaciju na osnovu koje je izvodilo rudarske radove na eksploataciji mineralnih sirovina i donijelo odluku o potpunoj i trajnoj obustavi izvođenja radova, kao i revidovan rudarski projekat za potpuno i trajno zatvaranje rudarskog objekta, tehničku i biološku rekultivaciju zemljišta na kojem prestaje eksploatacija.
- (4) U sastav stručne komisije iz stava (3) ovog člana pored predstavnika Federalnog ministarstva, odnosno kantonalnog ministarstva nadležnog za rudarstvo imenuju se i predstavnici Federalnog ministarstva prostornog uređenja, Federalnog ministarstva okoliša i turizma, odnosno kantonalnih ministarstava nadležnih za prostorno uređenje i okoliš.
- (5) Poslije izvršenog pregleda stručna komisija sačinjava zapisnik sa prijedlozima daljnjih mjera i dostavlja ga Federalnom ministarstvu, odnosno kantonalnom ministarstvu nadležnom za rudarstvo. Zapisnik predstavlja stručnu podlogu za izdavanje dozvole za potpunu i trajnu obustavu eksploatacije iz člana 43. ovog Zakona.

Član 62.

(Sanacija i rekultivacija posljedica rudarskih radova na okoliš)

- (1) Poslije dobijanja dozvole za potpunu i trajnu obustavu eksploatacije mineralne sirovine iz člana 43. ovog Zakona, privredno društvo mora izvršiti konačnu sanaciju i rekultivaciju zemljišta i otkloniti posljedice nastale pri izvođenju rudarskih radova

na okoliš, odnosno degradirano zemljište privesti prvobitnoj ili drugoj namjeni, a na osnovu rudarskog projekta za potpuno i trajno zatvaranje rudarskog objekta, tehničku i biološku rekultivaciju zemljišta.

- (2) Privredno društvo dužno je, prema projektu izvođenja rudarskih radova, u kontinuitetu vršiti sanaciju zemljišta i tehničku rekultivaciju degradiranog zemljišta nastalog u toku izvođenja rudarskih radova.
- (3) Prije obavljanja konačne sanacije i rekultivacije degradiranog zemljišta privredno društvo dužno je provesti mjere osiguranja kako bi se trajno isključile opasnosti po život i zdravlje ljudi i imovine i mogući uzročnici zagađenja okoliša, odnosno štete na objektima i okolišu.
- (4) O izvršenim radnjama iz st. (1), (2) i (3) ovog člana privredno društvo dužno je obavijestiti Federalno ministarstvo, odnosno kantonalno ministarstvo nadležno za rudarstvo, nadležnu rudarsku inspekciju i federalnu odnosno kantonalnu inspekciju za okoliš.
- (5) Federalno ministarstvo, odnosno kantonalno ministarstvo nadležno za rudarstvo na osnovu obavještenja iz stava (4) ovog člana izvršit će tehnički pregled kojim će se utvrditi da li je konačna sanacija i rekultivacija degradiranog zemljišta izvedena u skladu sa rudarskim projektom i da li su provedene mjere iz stava (3) ovog člana dovoljne.
- (6) Ako Stručna komisija tokom tehničkog pregleda utvrdi nedostatke navešće ih u zapisniku i odrediti rok u kojem privredno društvo mora otkloniti te nedostatke.
- (7) Privredno društvo mora do isteka roka iz stava (6) ovog člana obavijestiti Federalno ministarstvo, odnosno kantonalno ministarstvo nadležno za rudarstvo da li su otklonili utvrđene nedostatke i dostaviti dokaz o tome. Po prijemu obavijesti o otklonjenim nedostacima može se izvršiti ponovni tehnički pregled, koji može obaviti pojedinačni član stručne komisije i utvrditi da li su nedostaci otklonjeni i o tome sačiniti zapisnik i dostaviti ga Federalnom ministarstvu, odnosno kantonalnom ministarstvu nadležnom za rudarstvo.
- (8) Nakon obavljenog tehničkog pregleda Federalno ministarstvo, odnosno kantonalno ministarstvo nadležno za rudarstvo donosi rješenje o prestanku prava i obaveza ili odbija donijeti rješenje o prestanku prava i obaveza ako utvrdi da konačna sanacija i rekultivacija degradiranog zemljišta ima takve nedostatke koji predstavljaju opasnost za zdravlje i život ljudi, objekte i okoliš.
- (9) Privredno društvo kojem je odbijen zahtjev za izdavanje rješenja o prestanku prava i obaveza ponovni zahtjev može podnijeti nakon otklonjenih nedostataka utvrđenih tehničkim pregledom.
- (10) U obavljanju tehničkog pregleda iz stava (5) ovog člana učestvuju i predstavnici Federalnog ministarstva, odnosno kantonalnog ministarstva nadležnog za rudarstvo, nadležnih ministarstava za prostorno uređenje, okoliš i turizam i poljoprivredu, vodoprivredu i šumarstvo.
- (11) Troškove tehničkog pregleda snosi privredno društvo.

Član 63.

(Prestanak prava i obaveza)

- (1) Prestanak prava i obaveze privrednom društvu prestaju rješenjem o prestanku prava i obaveza.
- (2) Rješenje iz stava (1) ovog člana je uslov za brisanje privrednog društva iz katastra eksploatacionih polja. Zahtjev za brisanje iz katastra eksploatacionih polja

Privredno društvo podnosi Federalnom ministarstvu, odnosno kantonalna ministarstva nadležna za rudarstvo.

- (3) Privredno društvo dužno je prije brisanja iz katastra eksploatacionih polja rudarske planove mjerачke knjige i drugu dokumentaciju o stanju rudarskih radova u vezi sa eksploatacijom predati u arhiv Federacije, odnosno arhive kantona, a potvrdu o predaji dokumentacije u nadležni arhiv privredno društvo mora dostaviti Federalnom ministarstvu, odnosno kantonalnom ministarstvu nadležnom za rudarstvo.
- (4) Od dana brisanja privrednog društva iz katastra eksploatacionih polja rudnik u kojem su izvođeni rudarski radovi prije brisanja smatrat će se zatvorenim.
- (5) Nakon brisanja privrednog društva iz katastra eksploatacionih polja prestaje nadležnost rudarskog inspektora za provođenje inspekcijaskog nadzora na prostoru na kojem se nalazi zatvoreni rudnik.

Član 64.

(Otklanjanje posljedica rudarskih radova)

Privredno društvo koje vrši eksploataciju mineralnih sirovina odnosno izvođač rudarskih radova dužno je nadoknaditi štetu koju uzrokuju provođenjem eksploatacije mineralnih sirovina ili izvođenjem rudarskih radova, osim ako se dokaže da je šteta nastala usljed više sile, radnjom oštećenika ili trećeg lica.

Član 65.

(Katastar eksploatacionih polja)

- (1) Federalno ministarstvo, odnosno kantonalno ministarstvo nadležno za rudarstvo koje je izdalo dozvolu za eksploataciju mineralnih sirovina dužno je voditi katastar odobrenih eksploatacionih polja.
- (2) Federalno ministarstvo, odnosno kantonalno ministarstvo nadležno za rudarstvo koje je izdalo dozvolu dužno je pored katastra iz stava (1) ovog člana voditi Zbirku isprava te popis privrednih društava kojima su izdate dozvole.
- (3) Federalni ministar donijet će propise o katastru odobrenih eksploatacionih polja te o načinu vođenja zbirke isprava i popisa privrednih društava kojima su izdate dozvole za eksploataciju mineralnih sirovina.

DIO ŠESTI - TEHNIČKA DOKUMENTACIJA I PROJEKTOVANJE

Član 66.

(Tehnička dokumentacija)

- (1) Tehnička dokumentacija u smislu ovog Zakona je:
 - a) rudarski projekti;
 - b) idejna rješenja rudarskih objekata;
 - c) rudarski planovi i karte;
 - d) dugoročni i godišnji programi eksploatacije mineralnih sirovina;
 - e) dokumentacija o rezervama i pojavama mineralnih sirovina;
 - f) dokumentacija o uticaju rudarskih radova na okoliš;
 - g) dokumentacija o razvrstavanju rudnika i njihovih dijelova gdje se vrše rudarski radovi po stepenu opasnosti od metana i ugljene prašine, i

- h) dokumentacija postrojenja, opreme i uređaja.
- (2) Za izvođenje rudarskih radova koji nisu u neposrednoj vezi sa eksploatacijom mineralnih sirovina, dozvoljena je upotreba i tehničke dokumentacije koju propisuje poseban Zakon iz oblasti građenja.

Član 67.

(Usklađenost tehničke dokumentacije)

- (1) Tehnička dokumentacija iz člana 66. ovog Zakona mora biti usklađena sa:
 - a) odredbama ovog Zakona i na osnovu njega donesenih tehničkih propisa, propisa o zaštiti na radu i zaštiti zdravlja radnika na radu u rudarstvu, zahtjevima propisanim u urbanističkoj saglasnosti, vodnim aktima, kao i sa drugim propisima koji su u primjeni u oblasti eksploatacije mineralnih sirovina, i
 - b) propisima o zaštiti okoliša i zaštiti od požara, ukoliko propisima iz tačke a) ovog člana nije drugačije određeno.
- (2) Tehnička dokumentacija iz stava (1) ovog člana treba biti usklađena sa savremenim dostignućima i metodama rudarske, geološke, geomehaničke i drugih tehničkih nauka.

Član 68.

(Vrste rudarskih projekata)

- (1) Za izvođenje rudarskih radova i gradnju rudarskih objekata i ugradnju postrojenja izrađuju se projekti i to:
 - a) idejni rudarski projekat;
 - b) glavni rudarski projekat;
 - c) dopunski rudarski projekat,
 - d) tehnički rudarski projekat,
 - e) pojednostavljeni rudarski projekat i
 - f) rudarski projekat za istraživanju čvrstih mineralnih sirovina.
- (2) Sadržaj, redoslijed izrade, sastavne dijelove i način izrade rudarskih projekata provedbenim propisom koji donosi federalni ministar.

Član 69.

(Idejni rudarski projekat)

Idejni rudarski projekat eksploatacije ležišta mineralnih sirovina sadrži prikaz uslova i idejno rešenje načina eksploatacije, pripreme mineralnih sirovina, plasmana mineralnih sirovina, radni vijek i godišnji kapacitet, analizu uticaja na okoliš sa mjerama zaštite i sanacije okoliša, rekultivaciju, socijalni uticaj rudarskih aktivnosti, tehnno-ekonomsku ocjenu uključujući i broj potrebnih radnika.

Član 70.

(Glavni rudarski projekat)

- (1) Glavni rudarski projekat izrađuje se za nove jame, površinske kopove, postrojenja za pripremu i oplemenjivanje mineralnih sirovina, kao i eksploataciju tečnih i gasovitih ležišta, te za izgradnju i korištenje podzemnih prostora koji nisu u vezi sa eksploatacijom mineralnih sirovina.

- (2) Projekti iz stava (1) ovog člana izrađuje se na osnovu bilansnih rezervi mineralnih sirovina A, B i C kategorije, sadržanih na prostoru koji je obuhvaćen projektom.
- (3) Dio bilansnih rezervi A + B mora biti najmanje 60% od čega rezerve kategorije A ne mogu biti manje od 10%.
- (4) Od ukupno utvrđenih bilansnih rezervi C1 kategorije kao podloga za projektovanje može se uzeti najviše 50%, pod uvjetom da se kontinuirano naslanja na rezerve B kategorije ili kada njihov prostorni položaj omogućava otkopavanje istim zahvatom otvaranja.

Član 71.

(Dopunski rudarski projekat)

Dopunski rudarski projekat radi se kao dopuna glavnom rudarskom projektu za izvođenje rudarskih radova, gradnju objekata i postrojenja koji nisu obuhvaćeni glavnim rudarskim projektom u postojećim rudnicima, za rudarske radove na otvaranju i eksploataciji novih horizonata, revira, otkopnih polja ili dijela sloja i rudnih tijela, dijelova tečnih i gasovitih ležišta, za izradu magacina eksplozivnih sredstava, za uvođenje nove ili izmjenu postojeće otkopne metode, za dodatna rješenja u okviru rudničke sigurnosti i kolektivne zaštite, djelimičnu ili potpunu eksploataciju zaštitnih stubova, potpuno i trajno zatvaranje rudarskog objekta, tehničku i biološku rekultivaciju zemljišta na kojem je vršena eksploatacija i izvođeni drugi rudarski radovi.

Član 72.

(Tehnički rudarski projekat)

Tehnički rudarski projekat izrađuje se u skladu sa glavnim i dopunskim rudarskim projektom za tehnološke operacije izvođenja rudarskih radova: bušenja i miniranja, otkopavanja, transporta i deponiranja korisne mineralne sirovine; otkopavanja, transporta i odlaganja jalovine (otkrivke); transporta i odlaganja flotacijske jalovine; zaštite rudarskih objekata od dotoka površinskih i podzemnih voda; pri rekonstrukciji ili unapređenju rudarskih objekata i rudničke infrastrukture i stacionarnih rudarskih objekata.

Član 73.

(Pojednostavljeni rudarski projekat)

- (1) Pojednostavljeni rudarski projekat izrađuje se za radove manjeg obima, jednostavnije i tipske objekte, postrojenja i uređaje iz čl. 7. i 8. ovog Zakona kao i za nebitna odstupanja od glavnog, dopunskog odnosno tehničkog rudarskog projekta koji nemaju uticaja na osnovna projektna rješenja, kao i za rudarske radove na eksploataciji manjih ležišta metalnih mineralnih sirovina, čija eksploatacija neće trajati duže od jedne godine, a koja se nalaze unutar odobrenog eksploatacionog polja.
- (2) Dozvolu za izvođenje rudarskih radova i upotrebu rudarskih objekata izgrađenih po pojednostavljenom rudarskom projektu izdaje glavni tehnički rukovodilac rudnika.

Član 74.

(Rudarski projekat za istraživanje čvrstih mineralnih sirovina)

Rudarski projekat za istraživanje čvrstih mineralnih sirovina je projekat na osnovu kojeg se izvode rudarski radovi u okviru odobrenog projekta-programa geoloških istraživanja na istražnom prostoru ili eksploatacionom polju (izvan prostora obuhvaćenog glavnim ili dopunskim rudarskim projektom), u cilju uzimanja uzoraka za laboratorijska i tehnološka ispitivanja na licu mesta ili u industrijskim uslovima i izvođenja rudarskih radova u okviru istraživanja ležišta na površini ili izvođenja podzemnih istražnih rudarskih radova

Član 75.

(Nostrifikacija projekata)

Utvrđivanje usklađenosti tehničke dokumentacije izrađene u inostranstvu sa ovim Zakonom, posebnim Zakonima, propisima i standardima vrši se u skladu sa provedbenim propisom koji donosi federalni ministar.

Član 76.

(Ponovna eksploatacija)

U rudnicima, rudarskim objektima, jamama i površinskim kopovima u kojima je potpuno ili trajno obustavljena eksploatacija mineralnih sirovina može se ponovo pristupiti eksploataciji samo na osnovu novog glavnog rudarskog projekta za koji je dozvolu izdalo Federalno ministarstvo, odnosno kantonalno ministarstvo nadležno za rudarstvo.

Član 77.

(Izrada elaborata i kategorizacija jama i jamskih prostorija)

- (1) Izrada elaborata za kategorizaciju jama i jamskih prostorija prema stepenu opasnosti od metana i opasne ugljene prašine vrši se u skladu sa čl. 78. i 79. ovog Zakona.
- (2) Kategorizaciju jama i jamskih prostorija prema stepenu opasnosti od metana i opasne ugljene prašine vrši stručna komisija koju imenuje federalni ministar, sastavljenu od predstavnika Federalnog ministarstva i stručnih lica iz privrednih društava iz oblasti rudarstva koji ispunjavaju uslove iz člana 78. ovog Zakona.
- (3) O izvršenoj kategorizaciji federalni ministar donosi rješenje koje je konačno u upravnom postupku i protiv njega se može pokrenuti upravni spor.
- (4) Sadržaj elaborata, način i postupak kategorizacije ugljenih slojeva i jama i razvrstavanje jamskih prostorija prema stepenu opasnosti od metana i klasifikacije i kategorizacije jame, odnosno jamskih prostorija prema stepenu opasnosti od eksplozivne ugljene prašine, uslove koje moraju ispunjavati privredna društva za izradu elaborata u pogledu osposobljenosti i opremljenosti za potrebna ispitivanja, način imenovanja članova komisije i naknadu za rad članova komisije provedbenim propisom koji donosi federalni ministar.

Član 78.

(Izrada rudarskih projekata)

- (1) Izradu rudarskih projekata može vršiti rudarski projektant registrovan za obavljanje tih poslova koje pored općih ispunjava i uslove da u radnom odnosu na neodređeno vrijeme ima najmanje tri radnika od čega najmanje jednog radnika one struke za koju se radi projekat (rudarska, elektrotehnička, geodetska, rudarsko-mjeračka, mašinska, geološka i građevinska).
- (2) Izuzetno od stava (1) ovog člana, izradu rudarskih projekata za rudarske objekte na površini i to: garderobe sa kupatilom, stanice za spašavanje, dispečerski centri, regulacija vodotoka, sonovode, objekte i instalacije za prikupljanje i prečišćavanje otpadnih voda, sistem veza za specifične radove na izgradnji i sanaciji rudarskih objekata mogu raditi privredna društva koja ispunjavaju uslove za projektovanje, odnosno izradu investiciono-tehničke dokumentacije prema propisima iz oblasti građenja.

Član 79.

(Osposobljenost lica za izradu rudarskih projekata)

- (1) U privrednom društvu iz člana 78. ovog Zakona rudarski projekat može izrađivati projektant – diplomirani inženjer odnosno struke, koji ima položen stručni ispit i najmanje pet godina radnog iskustva, od čega najmanje tri godine nakon položenog stručnog ispita u privrednom društvu na poslovima one vrste za koje se izrađuje projekat (rudarski, geološki, geodetski, rudarsko-mjerački, elektrotehnički, mašinski, građevinski i dr.)
- (2) Kada u izradi rudarskog projekta učestvuje više projekatanta mora se odrediti glavni projektant.
- (3) Projektant je osoba rudarskog projektanta koja je odgovorna za izradu posebnog dijela projekta, za usklađenost nacrt, planova i projektnih rješenja, s tehničkim propisima i uslovima iz izdatih dozvola i saglasnosti nadležnih organa.
- (4) Glavni projektant je osoba rudarskog projektanta koja je odgovorna za osnovna tehnička rješenja-koncept i međusobnu usklađenost posebnih dijelova projekta.
- (5) Poslove iz stava (1) ovog člana ne može obavljati radnik organa uprave.
- (6) Projektantski nadzor nad izvođenjem rudarskih radova može obavljati lice koje ispunjava uslove određene za projektanta.

Član 80.

(Ovlaštena lica)

Ovlašteno lice privrednog društva mora uz rudarski projekat priložiti dokaz da projektant i glavni projektant rudarskog projekta ispunjavaju uslove iz člana 79. stav (1) ovog Zakona.

Član 81.

(Pisana izjava)

- (1) Projektant koji je izradio rudarski projekat ili dio rudarskog projekta i glavni projektant rudarskog projekta pisanom izjavom potvrđuju da su u projektu primijenjeni uslovi iz člana 67. ovog Zakona.

- (2) Privredno društvo u kojem je izrađen projekat ili dio rudarskog projekta dužno je pisanu izjavu iz stava (1) ovog člana priložiti uz izrađeni rudarski projekt, odnosno dio rudarskog projekta kao poseban akt.
- (3) Za sva rješenja i kvalitet projekta odgovorno je privredno društvo u kojem je projekat izrađen, projektant i glavni projektant.

Član 82.

(Revizija rudarskog projekta)

- (1) Rudarski projekti iz člana 68. ovog Zakona podliježu reviziji u pogledu primjene odredbi čl. 67., 78. i 79. ovog Zakona.
- (2) Za kvalitet revizije projekta odgovorni su privredno društvo u kojem je izvršena revizija glavni revident i revidenti koji su izvršili reviziju projekta.

Član 83.

(Pravo revizije)

- (1) Reviziju rudarskog projekta vrši privredno društvo za svoje potrebe ili drugo privredno društvo koje je registrovano i ima odobrenje za obavljanje poslova revizije rudarskih projekata.
- (2) Revizija rudarskog projekta vrši se putem revidenta koji ima stručnu spremu i radno iskustvo iz člana 79. ovog Zakona i zaključen ugovor o radu na neodređeno vrijeme sa privrednim društvom u kojem se vrši revizija rudarskog projekta.
- (3) Za reviziju rudarskog projekta u čijoj izradi je sudjelovalo više projekatana različitih struka i/ili specijalnosti moraju se odrediti revidenti odgovarajuće struke i glavni revident.
- (4) Reviziju rudarskog projekta ne može vršiti radnik organa uprave, lice koje je učestvovalo u izradi projekta, privredno društvo odnosno radnik u privrednom društvu u kojem je izrađen projekat.

Član 84.

(Zadatak revidenta)

- (1) Revident rudarskog projekta sačinjava izvještaj o izvršenoj reviziji kojim utvrđuje da li je rudarski projekat izrađen u skladu sa odredbama člana 67. ovog Zakona.
- (2) Ako revident utvrdi da u rudarskom projektu postoje nedostaci, ukazat će na njih i zatražiti da se nedostaci otklone.
- (3) Revident je odgovoran za svoj dio revizije, da su planovi i projektna rješenja u projektu koji reviduje u skladu s tehničkim propisima i da izvođenjem radova po tom projektu neće biti ugrožena sigurnost i zdravlje na radu.
- (4) Glavni revident odgovoran je za uzajamnu usklađenost revidentskih izvještaja i kvalitetu obrade zajedničkog revidentskog izvještaja.
- (5) U izvještaju o izvršenoj reviziji rudarskog projekta jamske otkopne metode revident je dužan dati svoje mišljenje o mogućnosti primjene projektovane otkopne metode u predviđenom otkopnom polju i predložiti koja, odnosno kakva ispitivanja i praćenja rudarsko preduzeće je dužno izvršiti u cilju dobivanja parametara i podataka potrebnih za utvrđivanje uslova pod kojima će se projektovana metoda moći primjenjivati.

Član 85.
(Revizionu klauzula)

- (1) Privredno društvo u kojem je izvršena revizija rudarskog projekta dužno je na rudarskom projektu potvrditi da je izvršena revizija projekta i izdati pisani akt - revizionu klauzulu o izvršenoj reviziji rudarskog projekta.
- (2) Revizionom klauzulom iz stava (1) ovog člana potvrđuje se da je revidovani projekat izrađen u skladu sa odredbama člana 67. ovog Zakona.
- (3) Revizionu klauzulu potpisom i pečatom ovjerava ovlašteno lice privrednog društva u kojem je izvršena revizija.
- (4) Uz revidovani projekat privredno društvo iz stava (1) ovog člana prilaže izvod o upisu u sudski registar, akt nadležnog organa o ispunjavanju uslova za obavljanje poslova revizije rudarskih projekata, dokaze da revidenti rudarskog projekta ispunjavaju uslove iz člana 79. ovog Zakona i izvještaj revidenata o izvršenoj reviziji odnosno konačan izvještaj o izvršenoj reviziji projekta.
- (5) Revizionu klauzulu sa popisom svih revidenata za projekte iz člana 83. stav (3) ovog Zakona potpisom i pečatom ovjerava ovlašteno lice privrednog društva u kojem je izvršena revizija, a potpisuje je i glavni revident.

Član 86.
(Izmjene u projektu za izvođenje radova)

- (1) Ako u toku realizacije glavnog rudarskog projekta dođe do odstupanja od odobrenog projekta u pogledu općih tehničkih rješenja, radi se novi glavni rudarski projekat.
- (2) Ako u toku realizacije glavnog rudarskog projekta dođe do odstupanja od tehničkih projekata pojedinih faza tehnološkog procesa koje ne utiču na opća tehnička rješenja iz glavnog rudarskog projekta, rade se novi tehnički projekti.
- (3) Novi projekti iz st. (1) i (2) ovog člana odobravaju se na način utvrđen u čl. 38. i 44. ovog Zakona.
- (4) Manjim izmjenama u projektu za izvođenje radova smatraju se izmjene projekta tehničke i tehnološke prirode koje ne pogoršavaju uslove zaštite na radu.
- (5) Izvođenje radova iz stava (4) ovog člana počinje poslije dobijene pisane saglasnosti projektanta, uz saglasnost poslova zaštite na radu. U svim saglasnostima utvđuje se da se nisu pogoršali uslovi zaštite na radu određeni u rudarskom projektu.
- (6) Nužna odstupanja od odobrenih dopunskih rudarskih projekata u pogledu izvođenja i postavljanja postrojenja i instalacija kojima se bitno ne odstupi od osnovnih projektnih rješenja mogu se vršiti samo uz prethodnu saglasnost tehničkog rukovodioca izvođača rudarskih radova, poslova zaštite na radu i projektanta, u izuzetnom slučaju projektanta pravnog lica.
- (7) Za eksploataciju nafte, zemnog gasa, mineralnih, termalnih i radioaktivnih voda izvođač smije zbog geoloških prilika i oblika terena, bez saglasnosti Federalnog ministarstva, izmijeniti u okviru dozvole za ulazak u prostor lokaciju bušotina koja su predviđena u rudarskom projektu ali ne smije preći granicu odobrenog eksploatacionog polja.

DIO SEDMI - RUDARSKI PLANOVI I RUDARSKA MJERENJA

Član 87.

(Planovi i karte)

U cilju pravilnog i sigurnog izvođenja rudarskih radova i racionalne eksploatacije mineralnih sirovina, kao i sprečavanja materijalnih šteta, privredno društvo je na osnovu rudarskih mjerenja dužno izrađivati planove, odnosno karte iz kojih se može utvrditi stanje rudarskih radova, njihov međusobni položaj i položaj u odnosu na stare rudarske radove i na objekte i vode na površini.

Član 88.

(Dostava i izrada planova i karata)

- (1) Kopije rudarskih planova i karata iz člana 87. ovog Zakona moraju se dostaviti Federalnom ministarstvu, odnosno kantonalnom ministarstvu nadležnom za rudarstvo na njihov zahtjev.
- (2) Način i uslove za izvođenje rudarskih mjerenja, izradu rudarskih planova i karata, njihova razmjera, izbor sistema koordinata i vođenje rudarsko-mjeračke i druge dokumentacije koja se upotrebljava pri izradi rudarske tehničke dokumentacije, uređuje se provedbenim propisom koji donosi federalni ministar.

Član 89.

(Obavezni planovi i karte)

- (1) Privredno društvo mora imati:
 - a) situacioni nacrt eksploatacionog polja;
 - b) geološku kartu eksploatacionog polja i njegovog okoliša, kao i karakteristične geološke profile;
 - c) plan rudnika sa ucrtanom površinskom situacijom i podzemnim prostorijama, odnosno površinskim kopovima sa podacima o slijeganju terena;
 - d) planove pojedinih jama, odnosno površinskih kopova;
 - e) otkopne i etažne planove svih jamskih i površinskih rudarskih radova pojedinih revira;
 - f) planove energetske mreže (električna mreža, komprimirani zrak i dr.), vodovodne mreže kao i jamskih postrojenja sa glavnim tehničkim podacima;
 - g) plan sistema veza, daljinskog nadzora i uzbunjivanja;
 - h) planove provjetravanja jama;
 - i) planove tektonike, i
 - j) plan odbrane i spašavanja od skupnih opasnosti i udesa.
- (2) Za rudnike sa velikim pritokom vode i složenom tektonikom, federalni ministar može propisati i vođenje hidrogeoloških planova i karte tektonike. Vođenje hidrogeoloških planova obavezno je kod eksploatacije kamene soli.
- (3) Planovi iz stava (1) tač. d., e., f., g. i h. ovog člana moraju se dopunjavati svakog mjeseca u skladu sa napredovanjem rudarskih radova.
- (4) Ako se jamski radovi izvode u blizini starih radova ili napuštenih dijelova jame ili prema geološkim rasjedima dopunjavanje planova vrši se po potrebi u kraćim rokovima.

- (5) Dopunjavanje planova vrši se u kraćim rokovima i kada se podzemni radovi kreću u području jamskih požara i vodenih akumulacija kao i javnih objekata ili zaštićenih područja.
- (6) Izuzetno od odredbe stava (3) ovog člana, dopunjavanje planova za površinske kopove može se vršiti u roku od šest mjeseci uz saglasnost nadležnog ministarstva.

Član 90.

(Obavezni planovi i karte pri eksploataciji gasovitih i tekućih ležišta)

Privredno društvo za eksploataciju gasovitih i tekućih ležišta mora imati:

- a) situacioni nacrt eksploatacionog polja sa naznakom lokacija svih istražnih i eksploatacionih bušotina i ostalih uređaja;
- b) geološku kartu eksploatacionog polja i njegovog okoliša i karakteristične geološke profile;
- c) karte o granicama rubne vode;
- d) podatke i izvještaje o bušenju i elektrokarotaznim mjerenjima, zacijevljenju, perforaciji, osvajanju i mjerenju dinamičkog i statičkog pritiska, gasnom faktoru i svim ostalim fizičko-hemijskim analizama kolektora i fluida, i
- e) plan eksploatacionog polja sa podacima o slijevanju terena.

Član 91.

(Priključivanje rudarskih mjerenja)

Situacioni plan eksploatacionog polja i rudarska mjerenja na osnovu kojih se izvode rudarski radovi, izrađuju rudarski planovi i projekti moraju biti priključeni na državnu geodetsku osnovu.

Član 92.

(Mjeračke knjige)

O svim izvršenim mjerenjima privredno društvo dužno je voditi mjeračke knjige koje se ovjeravaju prema propisima o ovjeri poslovnih knjiga, a mogu se voditi u analognom i/ili u digitalnom obliku.

Član 93.

(Lica za obavljanje rudarskih mjerenja)

- (1) Rudarska mjerenja vrše i planove izrađuju, odnosno dopunjavaju samo lica koja za ove poslove imaju stručnu kvalifikaciju (rudarski mjerači i geodeti).
- (2) Kod izrade novih rudarskih planova u njih se moraju prenijeti i svi detalji iz starih rudarskih planova, kao što su stari jamski otvori, stari radovi i rasjedi, visinske kote i dr.

Član 94.

(Korištenje zemljišta za premjer)

Korisnici i vlasnici zemljišta dužni su dozvoliti privrednom društvu, odnosno izvođaču radova premjeravanje i postavljanje geodetskih tačaka i oznaka eksploatacionog polja.

Član 95.
(Dostavljanje planova)

- (1) Kopije planova iz člana 89. tač. a) do g) ovog Zakona privredno društvo dužno je dostaviti na zahtjev Federalnog ministarstva, odnosno kantonalnog ministarstva nadležnog za rudarstvo.
- (2) Ako privredno društvo ne izvrši izmjene i dopune rudarskih planova svakih šest mjeseci federalni ministar, odnosno kantonalni ministar nadležan za rudarstvo odredit će izvođača koji će izmjene i dopune izvršiti na trošak privrednog društva.

Član 96.
(Plan eksploatacije mineralnih sirovina)

Privredno društvo dužno je izraditi dugoročni program i godišnji plan eksploatacije mineralnih sirovina i dostaviti ga Federalnom ministarstvu, odnosno kantonalnom ministarstvu nadležnom za rudarstvo na njihov zahtjev.

Član 97.
(Usklađenost rudarskih projekata sa propisima koji reguliraju zaštitu okoliša)

Privredno društvo ili izvođač rudarskih radova dužan je rudarske projekte i nadzor o uticaju svoje djelatnosti na okoliš uskladiti sa propisima koji uređuju zaštitu okoliša.

DIO OSMI - NADZOR

Član 98.
(Nadzor)

- (1) Nadzor nad provedbom ovog Zakona i propisa donesenih na osnovu ovog Zakona vrši Federalno ministarstvo, odnosno kantonalno ministarstvo nadležno za rudarstvo svako iz svoje nadležnosti.
- (2) Inspekcijski nadzor vrši Federalna uprava za inspekcijske poslove na osnovu ovog Zakona i Zakona o inspekcijama Federaciji BiH („Službene novine Federacije BiH“, br. 73/14 i 19/17-O.U.S.), a iz nadležnosti kantona vrše kantonalni rudarski inspektori na osnovu kantonalnog zakona o rudarstvu i posebnog zakona.

Član 99.
(Rudarska inspekcija)

Inspekcijski nadzor iz nadležnosti Federacije BiH nad provođenjem ovog Zakona i na osnovu njega donesenih propisa, tehničkih propisa, propisa o zaštiti od požara pri izvođenju rudarskih radova, propisa o tehničkim normativima o zaštiti na radu i zaštite zdravlja radnika i drugih propisa pri eksploataciji mineralnih sirovina, te izvođenju drugih radova vrši nadležna rudarska inspekcija (u daljnjem tekstu: inspekcija) prema ovom Zakonu i Zakonu o inspekcijama Federaciji BiH.

Član 100.
(Rudarski inspektor)

- (1) Poslove rudarskog inspektora (u daljem tekstu: inspektor) može obavljati lice koje ima visoku stručnu spremu odgovarajućeg smjera (rudarskog, mašinskog, elektrotehničkog) ili visoko obrazovanje prvog ciklusa Bolonjskog sistema studiranja (koji se vrednuje s 240 ECTS bodova) drugog ili trećeg ciklusa Bolonjskog sistema studiranja odgovarajućeg smjera, najmanje tri godine radnog iskustva na poslovima tehničkog rukovođenja u privrednim društvima koja se bave eksploatacijom mineralnih sirovina, položen stručni ispit za tehničko rukovođenje u rudarstvu i koje ispunjava uslove iz člana 33. Zakona o inspekcijama Federaciji BiH.
- (2) Poslove inspektora koji vrši nadzor u jamskim objektima sa metanom i opasnom ugljenom prašinom može obavljati samo lice koje osim uslova iz stava (1) ovog člana ima i radno iskustvo od najmanje tri godine na poslovima tehničkog rukovođenja u takvim objektima.

Član 101.
(Nadležnost inspekcije)

- (1) Inspekcija vrši inspeksijski nadzor nad provođenjem Zakona i propisa koji se odnose na:
 - a) eksploataciju mineralnih sirovina;
 - b) tehničke mjere pri obavljanju rudarske djelatnosti;
 - c) zaštitu na radu pri eksploataciji mineralnih sirovina;
 - d) zaštitu od požara i eksplozije pri eksploataciji mineralnih sirovina;
 - e) izgradnju i održavanje rudarskih objekata, postrojenja i uređaja;
 - f) transport, skladištenje i rukovanje eksplozivnim sredstvima;
 - g) izvođače radova;
 - h) tehničko rukovođenje i nadzor;
 - i) rudarska mjerenja, pravilnu izradu i redovno dopunjavanje rudarskih planova – karata i ostalu dokumentaciju potrebnu za pravilno tehničko i racionalno izvođenje rudarskih radova i ažurno vođenje mjeračkih knjiga, i
 - j) provođenje tehničkih mjera, mjera zaštite i protivpožarne zaštite pri izvođenju rudarskih radova koji nisu vezani uz radove eksploatacije mineralnih sirovina: tunelogradnja i drugi poslovi gdje se za izradu koriste rudarske metode i oprema, a u skladu sa rudarskim projektima.
- (2) Inspektor nadzire i rad pogona koji su u neposrednoj vezi sa tehnološkim procesom izvođenja rudarskih radova i elektropostrojenja, kao i uređaja i instalacija pri izvođenju rudarskih radova.

Član 102.
(Ovlaštenja inspektora)

- (1) Pri vršenju inspeksijskog nadzora inspektor ima ovlaštenja:
 - a) u svako doba ući u sve poslovne i pogonske prostorije;
 - b) pregledati rudarske objekte, postrojenja, uređaje i instalacije;
 - c) pregledati tehničku i drugu dokumentaciju;
 - d) utvrditi identitet lica koja izvode rudarske radove;
 - e) privremeno izuzeti tehničku dokumentaciju ili je fotokopirati;

- f) fotografisati lokacije na kojima je zabranio radove;
 - g) uzeti potrebne podatke ili osnovne uzorke mineralnih sirovina ili drugog materijala;
 - h) tražiti pomoć stručne organizacije ili pojedinih stručnih lica, i
 - i) privremeno zabraniti izvođenje rudarskih radova.
- (2) Inspektor može u trajanju do osam dana izuzeti dokumentaciju koja mu je potrebna za utvrđivanje činjeničnog stanja o razmatranom predmetu i ako su prekršene odredbe ovog Zakona, tehničkih propisa i propisa iz oblasti zaštite na radu i zaštite zdravlja radnika i drugih propisa donesenih na osnovu ovog Zakona, ili ako sumnja da je učinjen prekršaj.
 - (3) O izuzimanju dokumentacije iz stava (2) ovog člana inspektor izdaje privrednom društvu, odnosno izvođaču rudarskih radova potvrdu sa popisom izuzete dokumentacije.
 - (4) Inspektor u svom radu primjenjuje i prava utvrđena u članu 62. Zakona o inspekcijama Federacije BiH („Službene novine Federacije BiH“, br. 73/14 i 19/17-O.U.S.).
 - (5) Ako se u vršenju inspekcijskog nadzora inspektoru onemogućuje obavljanje pregleda ili pruži fizički otpor ili ako se takav otpor osnovano očekuje, inspektor može zatražiti pomoć nadležne policije.
 - (6) Nadležna policija obavezna je pružiti potrebnu zaštitu i omogućiti inspektoru obavljanje inspekcijskog nadzora.
 - (7) U vršenju nadzora nad provođenjem mjera sigurnosti i zdravlja na radu u rudarskim objektima inspektor ima ovlaštenja i dužnosti inspektora rada utvrđene posebnim zakonom.

Član 103.

(Dužnosti inspektora)

- (1) Inspektor je dužan na licu mjesta odmah otpočeti sa istragom okolnosti pod kojima je došlo do smrtnih slučajeva ili grupnih nesreća, odrediti mjere i na zahtjev nadležnog organa izdati pisano mišljenje o uzrocima nesreće.
- (2) Inspektor je dužan najmanje jednom u šest mjeseci izvršiti nadzor nad izvođenjem rudarskih radova u objektima koje ugrožava metan, drugi gasovi, prodori vode, mulja i blata, opasna ugljena prašina, silikatna prašina, živina para, kao i prostor sa opasnim radioaktivnim zračenjem i u slučajevima povećanog rizika od nastanka opasnosti.
- (3) Inspekcijski nadzor nad rudarskim radovima koji nisu obuhvaćeni u stavu (2) ovog člana inspektor je dužan vršiti najmanje jednom godišnje.
- (4) Po prijemu obavijesti iz člana 21. stav (2) ovog Zakona Inspektor je dužan izaći na teren i utvrditi činjenice i izreći upravne mjere.

Član 104.

(Dužnosti privrednog društva, odnosno izvođača rudarskih radova)

- (1) Privredno društvo, odnosno izvođač rudarskih radova dužan je inspektoru omogućiti vršenje inspekcijskog nadzora.
- (2) Privredno društvo, odnosno izvođač rudarskih radova dužan je omogućiti uvid u svu dokumentaciju društva, a na traženje inspektora odrediti jedno ili više lica koja će sudjelovati u utvrđivanju činjeničnog stanja pri obavljanju inspekcijskog nadzora.

- (3) Uviđaj rudarskih nesreća koji nisu obuhvaćene u članu 103. stav (1) ovog Zakona vrši komisija za rudarske nesreće privrednog društva odnosno izvođača rudarskih radova, u čijem sastavu je obavezno predstavnik poslova zaštite na radu i rudarski mjerač, u skladu sa ovim Zakonom i opštim aktima privrednog društva odnosno izvođača rudarskih radova.

Član 105.

(Zapisnik o inspekcijskom nadzoru)

- (1) O obavljenom inspekcijskom nadzoru inspektor je obavezan sastaviti zapisnik navodeći činjenično stanje utvrđeno tim nadzorom.
- (2) Zapisnik sastavlja inspektor koji je izvršio inspekcijski nadzor. Ako je inspekcijski nadzor obavilo istovremeno više inspektora po istom nalogu (kolektivni inspekcijski nadzor) u tom slučaju zajednički sastavljaju jedan zapisnik.
- (3) Zapisnik osim navoda propisanih u Zakonu o upravnom postupku, sadrži navode koje je neophodno navesti u obavljanju inspekcijskog nadzora.
- (4) Zapisnik o inspekcijskom nadzoru je javna isprava osim onih dijelova zapisnika na koje je subjekt nadzora dao primjedbu da nije pravilno sastavljen.

Član 106.

(Upravne mjere)

Kad inspektor utvrdi da privredno društvo, odnosno izvođač rudarskih radova ne postupa ili nepotpuno postupa prema obavezama koje su mu određene propisima, dužan je prema utvrđenom činjeničnom stanju u zapisniku o obavljenom inspekcijskom nadzoru naložiti odgovarajuće upravne mjere i to:

- a) narediti otklanjanje utvrđenih nedostataka i nepravilnosti na način i u roku kako je određeno ovim Zakonom i propisima donesenim na osnovu njega;
- b) narediti privremenu zabranu izvođenja radova;
- c) narediti zabranu izvođenja radova;
- d) narediti poduzimanje odgovarajućih upravnih radnji koje su privredni subjekt i drugo pravno lice, institucija koja ima javna ovlaštenja, odnosno organ uprave obavezni poduzeti;
- e) prisilno provesti izvršenje određene upravne mjere kada je privredno društvo, odnosno izvođač rudarskih radova sam ne izvrši;
- f) izreći novčanu kaznu na licu mjesta kako je određeno ovim Zakonom;
- g) podnijeti prijavu protiv privrednog društva, odnosno izvođača rudarskih radova i odgovornog lica za učinjeni prekršaj ili krivično djelo;
- h) odrediti i druge mjere i obaviti radnje određene ovim Zakonom i posebnim propisima;
- i) izreći zabranu rada u pogonu ili na određenim poslovima, ako utvrdi nedostatke iz člana 101. ovog Zakona;
- j) ako se nedostaci i propusti odnose na mjere zaštite na radu ili mjere za zaštitu života i zdravlja građana usljed kojih može nastati neposredna opasnost po život i zdravlje radnika i drugih građana, inspektor će zabraniti rad u pogonu ili na određenim poslovima dok se postojeći nedostaci ne otklone;
- k) zabraniti ili privremeno zabraniti obavljanje djelatnosti;
- l) odrediti drugo lice za vođenje akcije spašavanja.

Član 107.

(Privremena zabrana izvođenja rudarskih radova)

Inspektor može rješenjem privremeno zabraniti izvođenje rudarskih radova privrednom društvu, odnosno izvođaču rudarskih radova do otklanjanja nedostataka, ako prilikom inspekcijskog nadzora utvrdi da:

- a) privredno društvo, odnosno izvođač rudarskih radova nije osigurao potpunu ispravnost srdstava za rad, radni prostor i radni proces kako je to određeno odobrenim projektom i tehničkom dokumentacijom prema odredbama ovog Zakona;
- b) privredno društvo, odnosno izvođač rudarskih radova ne primjenjuje u cijelosti odredbe ovog Zakona, tehničke propise, propise iz oblasti zaštite na radu i zaštite zdravlja radnika i druge propise i opće akte koji se odnose na rudarske radove, odnosno ako se radovi ne izvode u skladu sa odobrenom tehničkom dokumentacijom;
- c) pri korištenju sredstava rada, primjeni radnih postupaka, korištenju radnog prostora koji nije zaštićen prijeti opasnost od povreda, ugrožavanja zdravlja radnika privrednog društva, odnosno izvođača rudarskih radova i ako se radnici ne pridržavaju odgovarajućih uputa za rad;
- d) privredno društvo, odnosno izvođač rudarskih radova nije postupio u skladu sa usmeno izrečenim naređenjem inspektora;
- e) privredno društvo, odnosno izvođač rudarskih radova onemogućava obavljanje inspekcijskog pregleda;
- f) privredno društvo, odnosno izvođač rudarskih radova nije postupio po rješenju za otklanjanje nedostataka.

Član 108.

(Zabrana izvođenja rudarskih radova)

Inspektor je dužan rješenjem zabraniti izvođenje rudarskih radova privrednom društvu, odnosno izvođaču rudarskih radova, ako prilikom inspekcijskog nadzora utvrdi da:

- a) privredno društvo, odnosno izvođač rudarskih radova izvodi rudarske radove bez dozvole za izvođenje radova ili se rudarski radovi ne izvode prema odobrenoj projektnoj i tehničkoj dokumentaciji, ili se rudarski radovi izvode suprotno tehničkim propisima, propisima iz oblasti zaštite na radu i zdravlja radnika i drugim propisima koji se odnose na rudarske radove i općim aktima izvođača rudarskih radova, što može ugroziti živote i zdravlje radnika, sigurnost saobraćaja i susjednih objekata i uzrokovati nastanak veće materijalne štete;
- b) kod privrednog društva, odnosno izvođača rudarskih radova zaposlena su lica koja ne ispunjavaju uslove o stručnoj osposobljenosti prema odredbama ovog Zakona;
- c) privredno društvo, odnosno izvođač rudarskih radova ili njegovo odgovorno lice i pored usmenog naređenja inspektora ponovno krši odredbe tehničkih propisa, propisa iz oblasti zaštite na radu i zaštite zdravlja radnika i drugih propisa koji se odnose na rudarske radove, te općih akata izvođača rudarskih radova prema ovom Zakonu;
- d) privredno društvo, odnosno izvođač rudarskih radova koristi objekte, postrojenja, uređaje i instalacije bez upotrebne dozvole, što neposredno ugrožava sigurnost objekata i uređaja, život i zdravlje ljudi, odvijanje

- saobraćaja, susjedne objekte i okoliš i predstavlja neposrednu opasnost za život i zdravlje radnika, i
- e) privredno društvo, odnosno izvođač rudarskih radova pri izvođenju rudarskih radova ulazi u posjed bez riješenih imovinsko-pravnih odnosa ili zahvata i područje van prostora određenog dozvolom za eksploataciju.

Član 109.

(Zabrana obavljanja djelatnosti)

Inspektor je dužan rješenjem zabraniti obavljanje djelatnosti privrednom društvu, odnosno izvođaču rudarskih radova, ako prilikom inspekcijskog nadzora utvrdi:

- a) da za obavljanje djelatnosti ne ispunjava zakonom propisane uslove;
- b) da se pri obavljanju djelatnosti ne primjenjuju propisi i standardi; i
- c) ako izradu i reviziju tehničke dokumentacije obavljaju lica koja ne ispunjavaju Uslove prema ovom Zakonu.

Član 110.

(Usmeno izricanje upravne mjere)

- (1) U inspekcijskom nadzoru inspektor će privrednom društvu, odnosno izvođaču rudarskih radova usmeno izreći upravnu mjeru i narediti da se odmah izvrši:
 - a) kad je to obavezan prema ovom Zakonu i
 - b) kad je u nastaloj situaciji nepohodno, prema ocjeni inspektora, poduzeti radnje na otklanjanju neposredne opasnosti po život i zdravlje radnika i građana ili nastanak veće materijalne štete.
- (2) Sadržaj usmene upravne mjere inspektor upisuje u knjigu rudarskog nadzora i u zapisnik o inspekcijskom nadzoru.

Član 111.

(Rok za donošenje rješenja)

- (1) Upravnu mjeru inspektor određuje rješenjem.
- (2) Rješenje o određenim upravnim mjerama inspektor je dužan donijeti u rokovima utvrđenim zakonom, a u hitnim slučajevima najkasnije u roku od tri dana po isteku roka za davanje primjedbi na zapisnik o izvršenom inspekcijskom nadzoru.
- (3) O usmeno izrečenim upravnim mjerama inspektor je dužan donijeti rješenje u roku od tri dana od dana izricanja tih mjera.

Član 112.

(Izvršenje rješenja)

- (1) Izvršenje rješenja prati inspektor i utvrđuje po službenoj dužnosti.
- (2) Izvršenje rješenja inspektor utvrđuje kontrolnim pregledom ili drugim pisanim dokazom.
- (3) Izvršenje rješenja inspektor može produžiti do 30 dana osim rješenja kojim su upravne mjere usmeno izrečene.

Član 113.
(Žalba na rješenje)

- (1) Žalba na rješenje o usmeno izrečenoj upravnoj mjeri nije dopuštena.
- (2) Žalba na rješenje o izrečenim upravnim mjerama iz čl. 106., 107. 108. i 109 ovog Zakona može se izjaviti u roku od osam dana od dana prijema rješenja.
- (3) O žalbi rješava nadležno ministarstvo.
- (4) Žalba na rješenje inspektora o izrečenim upravnim mjerama ne odgađa izvršenje rješenja.
- (5) Protiv rješenja inspektora o usmeno izrečenoj upravnoj mjeri i rješenja nadležnog ministarstva donesenog po žalbi može se pokrenuti upravni spor.

Član 114.
(Rok za rješavanje žalbe)

Žalbu na rješenje inspektora o izrečenoj upravnoj mjeri nadležni drugostepeni organ dužan je riješiti u roku od 15 dana od dana prijema žalbe.

DIO DEVETI - ZAŠTITA I UREĐENJE PROSTORA

Član 115.
(Ugrožavanje okoliša)

- (1) Privredno društvo mora osigurati izvođenje rudarskih radova u skladu sa okolinskom dozvolom i urbanističkom saglasnošću tako da ti radovi ne prelaze dozvoljena oštećenja okoline.
- (2) Privredno društvo za vrijeme izvođenja rudarskih radova mora etapno, a najkasnije po završetku rudarskih radova izvršiti konačnu sanaciju zemljišta tehničku rekultivaciju degradiranih površina nastalih usljed rudarskih radova u skladu sa rudarskim projektom i dozvolom za potpunu i trajnu obustavu eksploatacije iz člana 43. ovog Zakona.
- (3) Privredno društvo ne može dobiti odobrenje za eksploataciju na novom eksploatacionom polju, ako ne izvrši konačnu sanaciju zemljišta i tehničku rekultivaciju degradiranih površina nastalih usljed rudarskih radova na ranijem odobrenom eksploatacionom polju.

Član 116.
(Saglasnost za građenje u eksploatacionom polju)

- (1) Za novu gradnju u granicama eksploatacionog polja, prije izdavanja urbanističke saglasnosti, potrebno je pribaviti mišljenje privrednog društva.
- (2) Saglasnost iz stava (1) ovog člana može se izdati i kada prema mišljenju privrednog društva koje vrši eksploataciju, postoji opasnost od oštećenja, ali samo ako ne postoji opasnost po život i zdravlje ljudi i ako se investitor pismeno odrekne prava na naknadu štete koja bi mogla nastati kao posljedica izvođenja rudarskih radova.
- (3) Izjava o odricanju prava na naknadu štete mora se ubilježiti u zemljiše knjige.

Član 117.

(Građenje u eksploatacionom polju)

- (1) Ako to zahtjeva javni interes, na površini eksploatacionog polja mogu se graditi javni putevi, željezničke pruge, kanali i druge saobraćajnice, elektrovodovi visokog napona, vodovodi, naftovodi, sonovodi i gasovodi, ako se osiguraju zaštitni stubovi kojima će se spriječiti ugrožavanje života ljudi i izgrađenih objekata.
- (2) Prije izrade projektne dokumentacije za objekte iz stava (1) ovog člana, investitor mora od privrednog društva tražiti mišljenje o tome koji bi pravac i položaj tih objekata u eksploatacionom polju bio najprimjereniji.
- (3) U skladu sa važećim propisima privredno društvo ima pravo na naknadu stvarne štete nastale izgradnjom objekata iz stava (1) ovog člana.

DIO DESETI - KAZNE NE ODREDBE

Član 118.

(Prekršaji)

- (1) Novčanom kaznom od 10.000,00 KM do 15.000,00 KM bit će kažnjeno za prekršaj privredno društvo i drugo pravno lice:
 - a) koje vrši eksploataciju mineralnih sirovina bez dozvole nadležnog organa (čl.10. i 40.);
 - b) koje izvodi rudarske radove bez dozvole za izvođenje rudarskih radova prema projektu (član 44.);
 - c) koje stavi u redovnu upotrebu objekte, postrojenja i uređaje prije dobivanja dozvole za upotrebu (član 48.);
 - d) ako vrše eksploataciju mineralnih sirovina van odobrenog eksploatacionog polja (član 11. stav (1)) i ako pri izvođenju rudarskih radova ulazi u posjed bez riješenih imovinsko-pravnih odnosa (član 108. stav (1) , tačka e)),
 - e) ako ne provede propisane mjere zaštite na radu i mjere za sigurnost građana i imovine (čl.17., 50. i član 53. stav (1));
 - f) ako na osnovu mjerenja ne izrade ili redovno ne dopunjavaju planove iz kojih se može utvrditi stanje rudarskih radova i njihov međusobni položaj i položaj u odnosu na stare rudarske radove i objekte i vode na površini, ili ne izrade dugoročni program, odnosno godišnji plan eksploatacije ili ako te planove ili kopije planova iz člana 89. tač. od a) do j) ovog Zakona na zahtjev ne dostave nadležnom ministarstvu za rudarstvo, ili ne vrše rudarska mjerenja ili ne vode knjigu rudarskog nadzora (čl. 37., 86., 89., 90., 92. i 96.);
 - g) ako u određenom roku rudarskom inspektoru ne prijave početak rudarskih radova ili ga ne obavijeste o licima koja će obavljati poslove tehničkog i glavnog tehničkog rukovođenja i tehničkog nadzora, ili ako ne prijave prestanak rudarskih radova (član 47.);
 - h) ako obavljaju poslove periodične preglede sredstava rada i sredstava i opreme lične zaštite pri radu, periodične preglede i ispitivanja fizičkih, hemijskih i bioloških štetnosti i mikroklima u radnim i pomoćnim prostorijama i izdavanje odgovarajućih isprava u rudarstvu, a ne ispunjavaju uslove propisane ovim Zakonom (član 49.);
 - i) koje obavlja poslove na izradi tehničke dokumentacije, a ne ispunjava uslove propisane ovim Zakonom (član 78.);

- j) ako u izvođenju rudarskih i drugih radova i pri postavljanju postrojenja odstupe od odobrenih projekata bez saglasnosti nadležnog organa (član 86.);
 - k) ako nakon završetka ili trajne obustave rudarskih radova na eksploataciji u propisanom roku ne obavijeste nadležno ministarstvo za rudarstvo i nadležnu rudarsku inspekciju i inspekciju za okoliš o provedenim mjerama osiguranja, sanacije i rekultivacije posljedica rudarskih radova na okoliš (član 62. st. od (1) do (4);
 - l) koje povjeri izradu tehničke dokumentacije ili reviziju projekata ili vršenje periodičnih pregleda sredstava rada i sredstava i opreme lične zaštite pri radu, periodične preglede i ispitivanja fizičkih, hemijskih i bioloških štetnosti i mikroklimu u radnim i pomoćnim prostorijama i izdavanje odgovarajućih isprava u rudarstvu ili izvođenja rudarskih radova privrednom društvu ili drugom pravnom licu koje ne ispunjava uslove propisane ovim Zakonom (čl. 49., 78. i 83.);
 - m) ako nakon završetka ili trajne obustave rudarskih radova u roku utvrđenom u rudarskom projektu ne izvrši konačnu sanaciju zemljišta i tehničku rekultivaciju degradiranih površina nastalih usljed rudarskih radova i okoliša i ne otklone posljedice rudarskih radova ili ne poduzmu potrebne mjere osiguranja za zaštitu života i zdravlja ljudi i imovine, ili ako u toku izvođenja rudarskih radova kontinuirano ne vrše sanaciju i rekultivaciju degradiranog zemljišta (član 62.);
 - n) ako ne posjeduju propisanu tehničku dokumentaciju (član 66.);
 - o) ako ne organizuju poslove zaštite na radu i rasporedi lica koja ne ispunjavaju uslove iz člana 22. Zakona;
 - p) ako ne organizuju službu za spašavanje ili je snabdiju potrebnom opremom, ili ne organizuju vatrogasnu službu ili službu prve pomoći (član 20.);
 - r) ako odmah ne obavijeste nadležno ministarstvo za rudarstvo, organ nadležan za unutrašnje poslove i nadležnog rudarskog inspektora o svakom smrtnom slučaju, grupnoj povredi, težoj povredi na radu u privrednom društvu (član 21. stav (3));
 - s) ako nadležnom ministarstvu za rudarstvo i rudarskoj inspekciji u propisanim rokovima ne prijave svaku privremenu obustavu rudarskih radova ili slučaj pojave opasnosti po živote i zdravlje radnika ili ponovni početak rudarskih radova (član 60.);
 - t) ako ne osiguraju izvođenje rudarskih radova prema odobrenoj tehničkoj dokumentaciji i propisima, kao i stalni nadzor svih rudarskih radova, postrojenja i uređaja (član 36.);
 - u) ako u jamama ugroženim metanom i/ili eksplozivnom prašinom ne osiguraju stalni nadzor nad provjetravanjem (član 36. stav (2));
 - v) ako na poslove vršenja nadzora i tehničkog rukovođenja rudarskih radovima rasporede lica koje ne ispunjava propisane uslove (čl. od 24. do 31.), i
 - z) kad projektantski nadzor povjeri privrednom društvu koje ne ispunjava uslove iz člana 78. ovog Zakona.
- (2) Novčanom kaznom od 1.000,00 KM do 3.000,00 KM bit će kažnjena odgovorna osoba u pravnoj osobi za svaki prekršaj iz stava (1) ovog člana, a s u maksimalnom iznosu od 12.000 KM.
- (3) Za prekršaje iz stava (1) tač. a) i d) ovog člana izreći će se, uz novčanu kaznu:
- a) zaštitna mjera oduzimanja predmeta koji su upotrijebljeni ili su bili namijenjeni ili za izvršenje prekršaja ili su nastali izvršenjem prekršaja ili kada postoji opasnost da će se takvi predmeti ponovno upotrijebiti za počinjenje prekršaja, bez obzira na to da li su u vlasništvu počinitelja i

- b) mjera oduzimanja imovinske koristi pribavljene izvršenjem prekršaja.
- (4) Imovinskom koristi iz stava (3) tačka b) ovog člana smatra se tržišna vrijednost mineralne sirovine dobivene nelegalnom eksploatacijom.
- (5) Za prekršaje iz člana 118. ovog Zakona može se izreći zabrana odgovornom licu da obavlja određenu dužnost u trajanju od jednog do šest mjeseci.

Član 119.
(Prekršaji)

- (1) Novčanom kaznom od 5.000,00 KM do 10.000,00 KM bit će kažnjeno za prekršaj privredno društvo i drugo pravno lice ako:
 - a) u određenom roku ne prijave ministarstvu nadležnom za rudarstvo koje je izdalo dozvolu za eksploataciju iz člana 39. ovog Zakona i nadležnoj rudarskoj inspekciji svaku obustavu izvođenja rudarskih radova u roku od 24 sata nakon obustave radova (član 60.) i najkasnije 15 dana prije početka obustave radova (čl. 60. i 61.);
 - b) rudarskom inspektoru ne dozvole postupanje u skladu sa njegovim ovlaštenjima i dužnostima ili ga ometaju ili sprečavaju na bilo koji način u vršenju nadzora ili ako ne postupe po rješenju rudarskog inspektora (član 101. i član 107. tačka f.)
- (2) Novčanom kaznom od 500,00 KM do 2.000,00 KM bit će kažnjeno odgovorno lice u pravnom licu za prekršaj iz stava (1) ovog člana.

Član 120.
(Prekršaji)

- (1) Novčanom kaznom od 1.000,00 KM do 15.000,00 KM bit će kažnjeno za prekršaj privredno društvo i drugo pravno lice u kojem je:
 - a) izrađen projekat, ako u njemu nisu riješena sva pitanja sigurnosti pogona i radnika, podzemnih, površinskih i susjednih objekata, ako nisu ili su nepravilno primijenjeni propisi o zaštiti na radu, normativi i obavezni standardi (član 67.);
 - b) izvršena revizija projekta i nije provjerena primjena člana 67. ovog Zakona u projektu ili ako je revizija nemarno i nekvalitetno izvršena (član 82.), i
 - c) izrađen projekat a nije priložena pisana izjava prema odredbama člana 81. ovog Zakona kao poseban akt kojom se potvrđuje da su u projektu primijenjeni uslovi iz člana 67. ovog Zakona ili dokaz da projektant i glavni projektant rudarskog projekta ispunjavaju uslove iz člana 79. ovog Zakona (čl. 79. i 81.).
- (2) Novčanom kaznom od 500,00 KM do 3.000,00 KM bit će kažnjeno odgovorno lice u pravnom licu za prekršaj iz stava (1) ovog člana.
- (3) Za prekršaj iz stava (1) ovog člana novčanom kaznom u iznosu od 1.000 KM do 1.500 KM bit će kažnjen:
 - a) projektant, ako pri izradi projekta ne primjeni ili nepravilno primijeni propisane mjere i normative zaštite na radu i obavezne standarde (član 67.), i
 - b) revident, ako nemarno i nekvalitetno izvrši reviziju rudarskog projekta u pogledu primjene propisanih mjera i normativa zaštite na radu i obaveznih standarda (član 82.).

Član 121.
(Prekršaji)

Novčanom kaznom od 50,00 KM do 250,00 KM, bit će kažnjen svaki radnik u privrednom društvu, odnosno kod izvođača rudarskih radova u koliko ne provodi mjere zaštite na radu i mjere zaštite od požara u okviru djelokruga svog rada, u skladu sa općim aktom privrednog društva, odnosno izvođača radova (član 50.).

DIO JEDANAESTI - PRIJELAZNE I ZAVRŠENE ODREDBE

Član 122.
(Postupci koji su počeli prije stupanja na snagu ovog Zakona)

Postupci za dobijanje dozvola iz člana 38. ovog Zakona, koji do dana stupanja na snagu ovog Zakona nisu okončani, završit će se prema propisima koji su bili na snazi na dan predaje zahtjeva.

Član 123.
(Propisi Vlade Federacije)

Vlada Federacije u roku od dvije godine od dana stupanja na snagu ovog Zakona donijet će strategiju iz člana 13. i 14. ovog Zakona.

Član 124.
(Propisi federalnog ministra)

Federalni ministar donijet će propise iz čl. 16., 20., 31., 34., 46., 48., 49., 52., 65., 68., 77. i 88. ovog Zakona u roku od dvije godine, a propise iz člana 19. ovog Zakona u roku od pet godina od dana stupanja na snagu ovog Zakona.

Član 125.
(Primjena postojećih propisa)

Do donošenja novih propisa i pravilnika prema odredbama ovog Zakona, primjenjivat će se sljedeći propisi, ukoliko nisu u suprotnosti sa ovim zakonom:

- a. Pravilnik o uslovima koje moraju ispunjavati pravne osobe za izradu Elaborata o kategorizaciji ugljenih slojeva i jama i razvrstavanje jamskih prostorija prema stupnju opasnosti od metana i Elaborata o klasifikaciji i kategorizaciji jame, odnosno jamskih prostorija prema stupnju opasnosti od eksplozivne ugljene prašine u pogledu osposobljenosti i opremljenosti i postupku njihovog odobrenja („Službene novine Federacije BiH“, broj 68/11),
- b. Pravilnik o polaganju stručnog ispita za određene poslove u oblasti rudarstva („Službene novine Federacije BiH“, broj 70/11),
- c. Pravilnik o izmjenama i dopunama pravilnika o polaganju stručnog ispita za određene poslove u oblasti rudarstva, („Službene novine Federacije BiH“, broj 7/20),
- d. Pravilnik o polaganju stručnog ispita za samostalno rukovanje eksplozivnim sredstvima u oblasti rudarstva („Službene novine Federacije BiH“, broj 76/11),

- e. Pravilnik o vođenju katastra odobrenih eksploatacijskih polja, načinu vođenja zbirke isprava i popisa gospodarskih društava kojima su izdane dozvole za eksploataciju mineralnih sirovina („Službene novine Federacije BiH“, broj 79/11)
- f. Pravilnik o postupku ispitivanja ispravnosti otkopne metode, tehnologije i postrojenja („Službene novine Federacije BiH“, broj 80/11),
- g. Pravilnik o tehničkim normativima za izvođenje rudarskih mjerenja, izradu rudarskih planova i karata, njihovih razmjera, izbor sistema koordinata i vođenje rudarsko-mjeračke i druge dokumentacije koja se upotrebljava pri izradi rudarske tehničke dokumentacije („Službene novine Federacije BiH“, broj 14/12),
- h. Pravilnik za provođenje tehničkih mjera i mjera zaštite za skladištenje i trošenje sekundarnih ili trenutno otpadnih sirovina u rudarstvu i korisnih mineralnih sirovina dobijenih kroz istražne radove („Službene novine Federacije BiH“, broj 37/12),
- i. Pravilnik o sadržaju, redoslijedu izrade, sastavnim dijelovima i načinu izrade rudarskih projekata („Službene novine Federacije BiH“, broj 53/12),
- j. Pravilnik o sadržaju elaborata, načinu i postupku kategorizacije ugljenih slojeva i jama i razvrstavanju jamskih prostorija prema stepenu opasnosti od metana („Službene novine Federacije BiH“, broj 59/12),
- k. Pravilnik o načinu organiziranja, stručnoj osposobljenosti i tehničkoj opremljenosti službe spašavanja, vatrogasne službe i službe prve moći u rudarskom gospodarskom društvu („Službene novine Federacije BiH“, broj 64/12),
- l. Pravilnik o sadržaju elaborata načinu i postupku klasifikacije ugljenog sloja i kategorizacije jame odnosno jamskih prostorija prema stupnju opasnosti od eksplozivne ugljene prašine („Službene novine Federacije BiH“, broj 104/13),
- m. Pravilnik o provođenju tehničkih mjera i mjera zaštite pri izvođenju rudarskih radova na površini i /ili ispod zemlje koji nisu vezani uz radove eksploatacije mineralnih sirovina („Službene novine Federacije BiH“, broj 95/15),
- n. Pravilnik o obavljanju tehničkog pregleda rudarskih objekata, postrojenja, uređaja instalacija, sadržaju zapisnika i načinu imenovanja članova povjerenstva i naknadama („Službene novine Federacije BiH“, broj 48/14),
- o. Pravilnik o tehničkim mjerama sa mjerama zaštite pri eksploataciji mineralnih sirovina dubinskim bušenjem, („Službene novine Federacije BiH“ broj 38/13),
- p. Pravilnik o sadržaju i načinu izrade strategije upravljanja mineralnim sirovinama, („Službene novine Federacije BiH“, broj 31/12),
- r. Zakon o prijevozu opasnih materija („Službeni list SFRJ“, br. 27/90 i 45/90),
- s. Zakon o prometu eksplozivnih materija i zapaljivih tečnosti i gasova – prečišćeni tekst („Službeni list SRFJ“, br. 39/89 i 36/90),
- t. Pravilnik o sadržaju rudarskih projekata za korištenje nafte i zemnog gasa („Službeni list SFRJ“, broj 21/68),
- u. Pravilnik o tehničkim normativima za pripremanje mineralnih sirovina – ruda, obojenih metala („Službeni list SFRJ“, broj 36/79),
- v. Pravilnik o tehničkim normativima pri rukovanju eksplozivnim sredstvima i miniranj u rudarstvu („Službeni list SFRJ“, br. 26/88 i 63/88),
- z. Pravilnik o tehničkim normativima za podzemnu eksploataciju uglja („Službeni list SFRJ“, br. 4/89, 45/89, 3/90 i 54/90),
- aa. Pravilnik o tehničkim normativima za podzemnu eksploataciju mineralnih sirovina metala i nemetala („Službeni list SFRJ“, br. 24/91),
- bb. Pravilnik o tehničkim normativima pri prijevozu ljudi i materijala oknima rudnika („Službeni list SFRJ“, br. 4/80, 12/85, 35/87 i 51/88),

- cc. Pravilnik o tehničkim normativima pri prijevozu ljudi u rudnicima sa podzemnom eksploatacijom mineralnih sirovina horizontalnim i kosim prostorijama („Službeni list SFRJ“, broj 34/89),
- dd. Pravilnik o tehničkim normativima za prijevoz transporterima sa trakom u rudarstvu („Službeni list SFRJ“, br. 5/73, 12/74, 4/86 i 4/89) sa izuzetkom odredbi čl. od 23. do 85. i čl. od 90. do 112.,
- ee. Pravilnik o tehničkim normativima za gradnju jamskih magazina za eksplozivna sredstva u rudnicima s podzemnom eksploatacijom mineralnih sirovina („Službeni list SFRJ“, broj 12/88),
- ff. Pravilnik o tehničkim normativima za strojeve s dizelskim motorima koji se koriste pri podzemnim rudarskim radovima u nematanskim jamama („Službeni list SFRJ“, broj 66/78),
- gg. Pravilnik o tehničkim normativima za površinsku eksploataciju ležišta mineralnih sirovina („Službeni list SFRJ“, br. 4/86 i 62/87),
- hh. Pravilnik o tehničkim normativima za površinsku eksploataciju arhitektonsko-građevinskog kamena (ukrasnog kamena), tehničkog kamena, šljunka i pijeska te preradu arhitektonsko-građevinskog kamena („Službeni list SFRJ“, broj 11/86),
- ii. Pravilnik o tehničkim normativima za izgradnju objekata za dobivanje morske soli i za proizvodnju morske soli („Službeni list SFRJ“, broj 20/78),
- jj. Pravilnik o tehničkim normativima za rudarske radove pri istraživanju i eksploataciji ležišta kamene soli („Službeni list SFRJ“, broj 8/79),
- kk. Pravilnik o tehničkim normativima za istraživanje, dobivanje i pripremu nuklearnih mineralnih sirovina („Službeni list SFRJ“, br. 39/85 i 40/86),
- ll. Pravilnik o tehničkim normativima za električna postrojenja, uređaje i instalacije u rudnicima sa podzemnom eksploatacijom („Službeni list SFRJ“, br. 21/88 i 90/91),
- mm. Pravilnik o tehničkim normativima za električna postrojenja i uređaje u rudnicima sa površinskom eksploatacijom mineralnih sirovina („Službeni list SFRJ“, broj 66/87),
- nn. Pravilnik o tehničkim mjerama zaštiti na radu pri rudarskim podzemnim radovima („Službeni list SFRJ“, br. 11/67, 35/67, 60/70, 9/71, 3/73 i 5/73) i to dio od člana 1. do 35.,
- oo. Naredba o obaveznom atestiranju užadi za izvozna postrojenja u rudarstvu („Službeni list SFRJ“, br. 27/80 i 67/80),
- pp. Pravilnik o mjerama zaštite pri rukovanju eksplozivnim sredstvima i miniranju u rudarstvu („Službeni list SFRJ“, br. 8/87 i 12/88),
- rr. Pravilnik o tehničkim normativima za pokretne stepenice i trake za prijevoz ljudi („Službeni list SFRJ“, br. 66/78, 13/82 i 42/88),
- ss. Pravilnik o općim mjerama i normativima zaštite na radu na oruđima za rad i uređajima („Službeni list SFRJ“, broj 18/67),
- tt. Pravilnik o tehničkim normativima za dizalice („Službeni list SFRJ“, broj 65/91),
- uu. Pravilnik o sredstvima lične zaštite na radu i ličnoj zaštitnoj opremi („Službeni list SFRJ“, broj 35/69),
- vv. Pravilnik o tehničkim normativima za skijaške liftove („Službeni list SFRJ“, br. 2/85 i 11/85),
- zz. Pravilnik o tehničkim normativima i o zaštiti na radu pri istraživanju i eksploataciji nafte i zemnih gasova dubinskim bušotinama („Službeni list SRJ“, br. 46/60, 37/64, 2/67 i 14/67),

- aaa. Pravilnik o tehničkim normativima za zaštitu skladišta od požara i eksplozije („Službeni list SFRJ“, broj 24/87),
- bbb. Pravilnik o tehničkim normativima pri istraživanju i eksploataciji nafte, zemnih gasova i slojnih voda („Službeni list SFRJ“, br. 43/79, 41/81 i 15/82),
- ccc. Pravilnik o tehničkim normativima za stabilne posude pod pritiskom („Službeni list SFRJ“, broj 16/83),
- ddd. Pravilnik o tehničkim normativima za električne instalacije niskog napona („Službeni list SFRJ“, br. 53/88 i 54/88),
- eee. Pravilnik o tehničkim normativima za izgradnju nadzemnih elektroenergetskih vodova nazivnog napona od 1 kV do 400 kV („Službeni list SFRJ“, broj 65/88),
- fff. Pravilnik o tehničkim normativima za izgradnju nadzemnih elektroenergetskih vodova („Službeni list SFRJ“, br. 51/73, 69/73, 11/80, 36/86 i 65/88),
- ggg. Pravilnik o tehničkim normativima za dizala na električni pogon za vertikalni prijevoz osoba i tereta („Službeni list SFRJ“, br. 16/86 i 28/89),
- hhh. Pravilnik o tehničkim mjerama za liftove („Službeni list SFRJ“, br. 51/78, 16/88 i 28/89),
- iii. Pravilnik o obaveznom atestiranju dizala na električni pogon za vertikalni prijevoz osoba i tereta te o uslovima koje moraju ispunjavati organizacije udruženog rada ovlaštene za atestiranje tih proizvoda („Službeni list SFRJ“, broj 27/90),
- jjj. Pravilnik o tehničkim normativima za dizala na električni pogon za vertikalni prijevoz tereta sa kabinom u koju nije moguć pristup ljudi („Službeni list SFRJ“, broj 55/87),
- kkk. Pravilnik o tehničkim normativima za zaštitu elektroenergetskih postrojenja i uređaja od požara („Službeni list SFRJ“, broj 74/90),
- lll. Pravilnik o tehničkim normativima za izgradnju niskonaponskih nadzemnih vodova („Službeni list SFRJ“, broj 6/92),
- mmm. Pravilnik o tehničkim propisima o gromobranima („Službeni list SFRJ“, broj 13/68),
- nnn. Pravilnik o tehničkim mjerama za uređaje sa svjetlećim cijevima („Službeni list SFRJ“, broj 14/67),
- ooo. Pravilnik o tehničkim normativima za zaštitu elektroenergetskih postrojenja od prenapona („Službeni list SFRJ“, br. 7/71 i 47/76),
- ppp. Pravilnik o tehničkim normativima za zaštitu od statičkog elektriciteta („Službeni list SFRJ“, broj 62/73),
- qqq. Pravilnik o tehničkim normativima i uslovima za projektovanje i izvedbu električnih postrojenja u prostorijama u kojima se radi s eksplozivom („Službeni list SFRJ“, broj 17/74),
- rrr. Pravilnik o tehničkim normativima za elektroenergetska postrojenja nazivnog napona iznad 1000 V („Službeni list SFRJ“, br. 4/74 i 13/78),
- sss. Pravilnik o tehničkim normativima za zaštitu niskonaponskih mreža i pripadajućih transformatorskih stanica („Službeni list SFRJ“, broj 13/78),
- ttt. Pravilnik o tehničkim normativima za uređaje elektroenergetskih postrojenja nazivnog napona 10 kV za rad pod naponom 20 kV („Službeni list SFRJ“, broj 10/79),
- uuu. Pravilnik o tehničkim mjerama za pogon i održavanje elektroenergetskih postrojenja („Službeni list SFRJ“, broj 19/68),
- vvv. Naredba o obaveznom atestiranju prijenosnih alata sa elektromotorima („Službeni list SFRJ“, broj 21/87),

- www. Naredba o obaveznom atestiranju (homologaciji) protiveksplozijskih zaštićenih električnih uređaja koji su namijenjeni za upotrebu u prostorima ugroženim od eksplozivnih smjesa („Službeni list SFRJ“, broj 25/89),
- zzz. Propisi za protiveksplozijsku zaštitu („Službeni list SFRJ“, broj 18/81),
- aaaa. Pravilnik o tehničkim normativima za postavljanje nadzemnih elektroenergetskih vodova i telekomunikacionih kablovskih vodova („Službeni list SFRJ“, broj 36/86),
- bbbb. Pravilnik o obrascima evidencija o proizvedenim i nabavljenim eksplozivnim materijalima („Službeni list SRBiH“, broj 21/78),
- cccc. Pravilnik o zaštiti na radu i o tehničkim mjerama za razvijanje acetilena i acetilenske stanice („Službeni list SRBiH“, broj 32/87),
- dddd. Pravilnik o uslovima za utvrđivanje radnih mjesta sa posebnim uslovima rada i ljekarskim pregledima radnika na tim radnim mjestima („Službeni list SRBiH“, broj 2/91),
- eeee. Pravilnik o postupku skraćivanja radnog vremena na radnim mjestima sa posebnim uslovima rada („Službeni list SRBiH“, broj 2/91),
- ffff. Pravilnik o uslovima koje u pogledu kadrova i tehničke opreme moraju ispunjavati organizacije koje vrše periodične preglede i ispitivanja iz oblasti zaštite na radu („Službeni list SRBiH“, broj 2/91),
- gggg. Pravilnik o vođenju evidencija i čuvanju isprava i sadržaju godišnjeg izvještaja iz oblasti zaštite na radu („Službeni list SRBiH“, broj 2/91), i
- hhhh. Pravilnik o zaštiti na radu pri korištenju električne struje („Službeni list SRBiH“, broj 34/88).

Član 126

(Rodna neutralnost pojmova)

Riječi i pojmovni sklopovi koji imaju rodno značenje bez obzira na to jesu li u Zakonu korišteni u muškom ili ženskom rodu odnose se jednako na muški i ženski rod.

Član 127.

(Primjena postojećih standarda i normativa)

Do donošenja novih standarda i normativa, primjenjivat će se postojeći standardi i normativi iz ove oblasti, ukoliko nisu u suprotnosti sa ovim Zakonom.

Član 128.

(Prestanak važenja Zakona)

Stupanjem na snagu ovog Zakona prestaje važiti Zakon o rudarstvu („Službene novine Federacije BiH“, broj: 26/10).

Član 129.

(Kantonalni propisi)

Kantoni su dužni u roku od šest mjeseci od dana stupanja na snagu ovog Zakona donijeti kantonalni zakon o rudarstvu usklađen sa ovim Zakonom, odnosno važeći zakon uskladiti sa odredbama ovog Zakona uzimajući u obzir kantonalne nadležnosti i posebnosti oblasti rudarstva.

Član 130.
(Stupanje Zakona na snagu)

Ovaj Zakon stupa na snagu osmog dana od dana objavljivanja u „Službenim novinama Federacije BiH“.

OBRAZLOŽENJE NACRTA ZAKONA O RUDARSTVU FEDERACIJE BOSNE I HERCEGOVINE

I - USTAVNI OSNOV

Ustavni osnov za donošenje Zakona o rudarstvu Federacije Bosne i Hercegovine sadržan je u članu III. 2. i) Ustava Federacije Bosne i Hercegovine prema kojem su federalna vlast i kantoni nadležni za korištenje prirodnih bogatstava.

Članom III. 3. (1) Ustava Federacije propisano je da prema potrebama, nadležnosti iz člana II. 2. mogu biti ostvarivane zajednički ili odvojeno, ili od strane kantona koordinirano od federalne vlasti u vezi ovih nadležnosti kantoni i federalna vlast dogovaraju na trajnoj osnovi.

Članom III.3.(3) Ustava Federacije Bosne i Hercegovine propisano je da federalna vlast, ima pravao utvrđivati politiku i donositi zakone koji se tiču svake od ovih nadležnosti.

Prema odredbama člana IV. A. 20. (1) Ustava Federacije Bosne i Hercegovine, Parlament Federacije Bosne i Hercegovine u vršenju funkcije federalne vlasti nadležan je za donošenje zakona.

II - RAZLOZI ZA DONOŠENJE PROPISA I OBJAŠNJENJE ODABRANE POLITIKE

Parlament Federacije Bosne i Hercegovine je na sjednici Predstavničkog doma održanoj 21.04.2010. i sjednici Doma naroda 28.01.2010. godine usvojio Zakon o rudarstvu Federacije Bosne i Hercegovine („Službene novine Federacije BiH“, broj 26/10).

Ustavom Federacije Bosne i Hercegovine utvrđena je zajednička nadležnost Federacije i kantona za oblast korištenja prirodnih bogatstava i kako ova nadležnost može biti ostvarivana. Pored odredbi o dogovaranju na trajnoj osnovi u vezi ovih nadležnosti, postupanju federalne i kantonalnih vlasti u vršenju ovih nadležnosti u Ustavu je utvrđeno da federalna vlast ima pravo utvrđivati politiku i donositi zakone koji se tiču svake od zajedničkih nadležnosti (član III. 3. 3.(3) Ustava Federacije Bosne i Hercegovine).

Važeći Zakon o rudarstvu Federacije Bosne i Hercegovine („Službene novine Federacije BiH“, broj 26/10) (u nastavku teksta: Zakon) u praktičnoj primjeni je oko 10 godina. Nakon donošenja Zakona u Federaciji Bosne i Hercegovine doneseni su i izmijenjeni brojni zakoni u drugim oblastima, između ostalog, Zakon o koncesijama, Zakon o vodama, Zakon o prostornom planiranju i korištenju zemljišta na nivou Federacije Bosne i Hercegovine, Zakon o privrednim društvima, Zakon o javnim preduzećima, Zakon o inspekcijama, Zakon o prekršajima, Zakon o vlasničko-pravnim odnosima, Zakon o zaštiti na radu, set zakona iz oblasti zaštite prirode i okoliša i drugi, što zahtijeva međusobnu harmonizaciju.

Praktična primjena Zakona ukazala je na potrebu preciziranja određenih normi, izmjenu i usklađivanje, otklanjanje nejasnoća i dr.

Planom rada Federalnog ministarstva energije, rudarstva i industrije za 2020. godinu bila je planirana izrada Zakona o izmjenama i dopunama Zakona o rudarstvu Federacije Bosne i Hercegovine.

Nakon provedenih konsultacija i Mišljenja Ureda za zakonodavstvo i usklađenost sa propisima Europske Unije broj: 01-03-02/1-14-711/20 od 17.8.2020. godine u kojem predlažu da se umjesto predloženih izmjena i dopuna pristupi izradi novog teksta predmetnog zakona, a imajući u vidu odredbe člana 47. stav (3) Pravila i postupaka za

izradu zakona i drugih propisa Federacije Bosne i Hercegovine („Službene novine Federacije BiH“, broj 71/14).

Cijeneći navedeno mišljenje i prijedloge pojedinih Kantona donesena je odluka da se pristupi izradi novog teksta Zakona o rudarstvu Federacije Bosne i Hercegovine

III - OBRAZLOŽENJE PREDLOŽENIH PRAVNIH RJEŠENJA

DIO PRVI - OPĆE ODREDBE

U čl. 1. do 12. sadržane su odredbe o: predmetu Zakona, pojašnjenju pojmova, upravljanju mineralnim sirovinama, primjeni Zakona, rudarskoj djelatnosti, mineralnim sirovinama i vrsti mineralnih sirovina, rudarskim radovima, rudarskim objektima i postrojenjima, rudničkim vodama, sticanju prava na eksploataciju mineralnih sirovina, eksploatacionom polju i zabrani eksploatacije mineralnih sirovina pri izvođenju građevinskih radova.

DIO DRUGI - UPRAVLJANJE MINERALNIM SIROVINAMA

U čl. 13. do 15. sadržane su odredbe o: Strategiji upravljanja mineralnim sirovinama, Planu upravljanja mineralnim sirovinama i nadležnostima za donošenje i Planu upravljanja mineralnim sirovinama i prostornom planiranju.

DIO TREĆI - IZVOĐENJE RUDARSKIH RADOVA

U čl. 16. do 19. sadržane su odredbe o: uslovima za izvođenje rudarskih radova, načinu izvođenja rudarskih radova, radu više izvođača rudarskih radova u rudarskim objektima i propisima pri izvođenju rudarskih radova.

U čl. 20. do 23. sadržane su odredbe o: služba spašavanja, vatrogasna služba i služba prve pomoći, postupcima radnika i privrednog društva u slučaju pojava iznenadnih opasnosti, provođenju stručnih poslova u oblasti zaštite na radu i zaštite zdravlja radnika na radu i rukovođenju poslovima zaštite na radu i zaštite zdravlja radnika na radu.

U čl. 24. do 31. sadržane su odredbe o: rukovodećim osobama u rudarstvu, glavnom tehničkom rukovođenju u jamskoj i površinskoj eksploataciji, glavnom tehničkom rukovođenju u bušotinskoj eksploataciji, tehničkom rukovođenju, uslovima za obavljanje poslova rudarskih mjerenja, nadzornika u rudarskim objektima, poslovođe i samostalnog rukovanja eksplozivnim sredstvima u rudarstvu,

U čl. 32. do 37. sadržane su odredbe o: završenim školama i fakultetima potrebnim za obavljanje određenih rudarskih poslova i tehničkog rukovođenja, stručnom ispitu za tehničko rukovođenje, nadzor nad rudarskim radovima i samostalno obavljanje rudarskih mjerenja i polaganje stručnog ispita, potrebnom radnom iskustvu za obavljanje određenih poslova u rudarstvu, obavezama privrednog društva za izvođenje radova, knjizi rudarskog nadzora i vođenju te knjige.

U čl. 38. do 49. sadržane su odredbe o: potrebnim dozvolama za izvođenja radova na neposrednoj eksploataciji mineralnih sirovina, zahtjevu za izdavanje dozvole i sadržaj dozvole za eksploataciju, ukidanju dozvole za eksploataciju, prestanku važenja dozvole za eksploataciju, zahtjevu za produženje dozvole za eksploataciju, dozvoli za potpunu i trajnu obustavu eksploatacije, dozvoli za izvođenje radova i gradnju objekata prema rudarskom projektu, privremenoj dozvoli za izvođenje rudarskih radova, konačnoj dozvoli za izvođenje rudarskih radova, početku izvođenja rudarskih radova, dozvoli za upotrebu rudarskih objekata, postrojenja, uređaja i instalacija i dozvoli za obavljanje periodičnih pregleda.

DIO ČETVRTI - MJERE ZAŠTITE NA RADU

U čl. 50. do 59. sadržane su odredbe o: provođenje mjere zaštite na radu, sigurnosti i zdravlju radnika na radu, izradio akta o procjeni rizika, poduzimanju mjera za zaštitu života građana i osiguranje imovine, upoznavanju sa propisima i uvođenju u posao, obavezama poznavanja propisa iz oblasti zaštite na radu i sankcije za nepoznavanje propisa, privremeno udaljavanje radnika sa posla i zabrana unošenja određenih sredstava u jamske objekte.

DIO PETI - PRIVREMENA, POTPUNA I TRAJNA OBUSTAVA RUDARSKIH RADOVA

U čl. 60. do 65. sadržane su odredbe o: privremenoj obustavi rudarskih radova, potpunoj i trajnoj obustavi rudarskih radova, sanaciji i rekultivaciji posljedica rudarskih radova na okoliš, prestanak prava i obaveza privrednom društvu, otklanjanju posljedica rudarskih radova i katastru eksploatacijskih polja.

DIO ŠESTI - TEHNIČKA DOKUMENTACIJA I PROJEKTIRANJE

U čl. 66. do 76. sadržane su odredbe o: tehničkoj dokumentaciji u rudarstvu, usklađenosti tehničke dokumentacije, vrsti rudarskih projekata, idejnom rudarskom projektu, glavnom rudarskom projektu, dopunskom rudarskom projektu, tehničkom i pojednostavljenom rudarskom projektu, rudarskom projektu za istraživanje čvrstih mineralnih sirovina, nostrifikaciji rudarskih projekata, ponovnoj eksploataciji mineralnih sirovina.

U čl. 77. do 81. sadržane su odredbe o: izradi elaborata i kategorizaciji jama i jamskih prostorija, izradi rudarskih projekata, osposobljenosti osoba za izradu rudarskih projekata, ovlaštenim osobama i pisanoj izjavi.

U čl. 82. do 86. sadržane su odredbe o: reviziji rudarskog projekta, uslovi i pravo revizije rudarskog projekta, zadatak revidenta, reviziona klauzula, izmjene u rudarskom projektu za izvođenje radova.

DIO SEDMI - RUDARSKI PLANOVI I RUDARSKA MJERENJA

U čl. 87. do 97. sadržane su odredbe o: planovima i kartama, dostavljanju i izradi planova i karata, obaveznim planovima i kartama, obaveznim planovima i kartama pri eksploataciji gasovitih i tekućih ležišta mineralnih sirovina, priključivanju rudarskih mjerenja na državnu geodetsku osnovu, rudarskim mjeračkim knjigama, osobama za obavljanje rudarskih mjerenja, korištenje zemljišta za premjer, dostavljanju planova, o godišnjem i dugoročnom planu eksploatacije mineralnih sirovina i usklađenost rudarskih projekata sa propisima koji uređuju zaštitu okoliša.

DIO OSMI - NADZOR

U čl. 98. do 114. sadržane su odredbe o: upravnom i inspekcijskom nadzoru, rudarskoj inspekciji i rudarskom inspektoru, djelokrugu inspekcije, ovlastima i dužnostima inspektora, dužnosti privrednog društva, odnosno izvođača rudarskih radova pri inspekcijskom nadzoru, zapisniku o inspekcijskom nadzoru, upravnim mjerama, privremenoj zabrani izvođenja rudarskih radova, zabrani izvođenja rudarskih radova, zabrani obavljanja djelatnosti, usmenom izricanju upravne mjere, roku za donošenje rješenja, izvršenju rješenja, žalbi na rješenje i roku za rješavanje žalbe.

DIO DEVETI - ZAŠTITA I UREĐENJE PROSTORA

U čl. 115. do 117. sadržane su odredbe o: ugrožavanju okoliša, saglasnosti za građenje u eksploatacionom polju i građenje u eksploatacionom polju.

DIO DESETI - KAZNENE ODREDBE

U čl. 118. do 121. sadržane su odredbe o prekršajima i vrstama prekršaja, iznosima novčanih kazni za privredno društvo i drugu pravnu osobu, odgovorne osobe u pravnoj osobi i radnike te zabrana odgovornoj osobi da obavlja određenu dužnost u utvrđenom vremenskom trajanju.

DIO JEDANAESTI - PRIJELAZNE I ZAVRŠENE ODREDBE

U čl. 122. do 130. sadržane su odredbe o: postupcima koji su počeli prije stupanja na snagu ovog Zakona, propisima koje donosi Vlada Federacije Bosne i Hercegovine, propisima koje donosi federalni ministar energije, rudarstva i industrije, primjeni postojećih propisa, rodnoj neutralnosti pojmova, primjeni postojećih standarda i normativa, prestanku važenja Zakona, kantonalnim propisima i stupanju Zakona na snagu.

IV - USKLAĐENOST PROPISA SA EVROPSKIM ZAKONODAVSTVOM

Zakonom se ne vrši usklađivanje sa pravnom tečevinom (acquis-em) Evropske Unije, a što je propisano Odlukom o instrumentima za usklađivanje zakonodavstva BiH sa pravnom stečevinom Evropske Unije („Službeni glasnik BiH“, broj: 75/16).

V - PROVEDBENI MEHANIZMI I NAČIN OSIGURANJA POŠTIVANJA PROPISA

Mehanizmi i način osiguranja poštivanja propisa vršit će se u skladu sa Zakonom o rudarstvu Federacije Bosne i Hercegovine odnosno upravni nadzor vršit će Federalno ministarstvo energije, rudarstva i industrije i kantonalna ministarstva nadležana za rudarstvo svako u okviru svoje nadležnosti. Inspekcijski nadzor vršit će Federalna uprava za inspekcije poslove-Federalni rudarsko, termo i elektro-energetski inspektorat i kantonalne inspekcije nadležne za rudarstvo svako u okviru svoje nadležnosti.

VI - OPIS KONSULTACIJA VOĐENIH U PROCESU IZRADE PROPISA

U procesu izrade Zakona vršena je analiza prioriteta aktera za konsultacije koji imaju interes za donošenje Zakona ili na koje utječe donošenje Zakona. Kao formalni akteri registrirani su oni koji su u proces izrade Zakona uključeni zbog svojih ustavnih ili zakonskih nadležnosti: kantonalna ministarstva nadležna za rudarstvo, Federalna uprava za inspekcijske poslove, rudnici, privredna društva koja se bave eksploatacijom mineralnih sirovina, privredna društva koja se bave izradom tehničke dokumentacije za rudarstvo, institut i fakultet, sindikati i privredna komora.

Federalno ministarstvo energije, rudarstva i industrije u prilogu akt broj: 06-30-2-1480/20 od 07.01.2021. godine Prednacrt Zakona o rudarstvu Federacije Bosne i Hercegovine je dostavilo:

1. JP „Elektroprivreda BiH“ d.d. Sarajevo
2. Rudnik uglja „Kreka“ d.o.o. -Tuzla
3. Rudnik mrkog uglja „Đurđevik“ d.o.o. - Đurđevik
4. Rudnik mrkog uglja „Kakanj“ d.o.o. - Kakanj
5. Rudnik mrkog uglja „Breza“ d.o.o. - Breza
6. Rudnik mrkog uglja „Zenica“ d.o.o. - Zenica
7. Rudnik mrkog uglja „Abid Lolić“ d.o.o -Travnik-Bila
8. Rudnik uglja „Gračanica“ d.o.o Gornji Vakuf-Uskoplje i
9. Rudnici mrkog uglja "BANOVIĆI" d.d. Banovići
10. Rudnici boksita d.o.o. Široki Brijeg

11. „Rudnici boksita“ d.o.o. Posušje
12. „Rudnici boksita Jajce“ o.d.d. Jajce
13. LAGER d.o.o. Posušje
14. Rudnik soli "Tuzla" d.d. Tuzla
15. Federalna uprava za inspekcijske poslove, Sarajevo
16. BBM d.o.o. Sarajevo
17. GEOMET d.o.o. Olovo
18. Rudarski institut d.d. Tuzla
19. Rudar d.o.o. Tuzla
20. Rudarsko geološko-građevinski fakultet Tuzla
21. RUD-PROM d.o.o. Tuzla
22. Privredna / Gospodarska komora Federacije BiH
23. Samostalni sindikat radnika rudnika Federacije BiH
24. Samostalni sindikat rudara u Federaciji BiH

Budući da se radi o Zakonu iz zajedničke nadležnosti Federalno ministarstvo energije, rudarstva i industrije dostavilo je u pisanom i elektronskom u prilogu akta broj: 06-30-2-1480/20 od 07.01.2021. godine Prednacrt Zakona o rudarstvu Federacije Bosne i Hercegovine vladama svih deset kantona u Federaciji Bosne i Hercegovine:

1. Unsko-sanski kanton
2. Posavski kanton
3. Tuzlanski kanton
4. Zeničko-dobojski kanton
5. Bosansko-podrinjski kanton
6. Srednjobosanski kanton
7. Hercegovačko-neretvanski kanton
8. Zapodnohercegovački kanton
9. Kanton Sarajevo
10. Kanton 10

Svi pozvani učesnici konsultacija obaviješteni su da je Prednacrt Zakona o rudarstvu Federacije Bosne i Hercegovine objavljen i na službenoj stranici Federalnog ministarstva energije, rudarstva i industrije (www.fmeri.gov.ba). Svi zainteresirani su pozvani da svoje primjedbe, sugestije i prijedloge na objavljeni Prednacrt Zakona o rudarstvu Federacije Bosne i Hercegovine mogu dostaviti u roku od mjesec dana od dana prijema akta odnosno dana objave na službenoj stranici FMERI pismeno ili na e-mail adresu: amir.halilcevic@fmeri.gov.ba.

Svoje prijedloge, primjedbe i sugestije dostavili su:

- > dr. sc. Halid Čičkušić, dipl.inž. rud. Rudnici „Kreka“ d.o.o. Tuzla
- > Federalna uprava za inspekcijske poslove, Sarajevo
- > Rudnici mrkog uglja "BANOVICI" d.d. Banovići
- > Privredna / Gospodarska komora Federacije BiH
- Inženjerska komora Federacije BiH-Matična sekcija inženjera geologije
- > Rudarski institut d.d. Tuzla
- > RUDEX d.o.o. Sarajevo
- > Unsko-sanski kanton-Ministarstvo privrede
- > Udruženje inženjera sigurnosti i pomoći Tuzla
- > Rudnik soli „Tuzla“ d.d. Tuzla

- > Privredna / Gospodarska komora Federacije BiH
- Inženjerska komora Federacije BiH-Matična sekcija inženjera rudarske struke
- > Tuzlanski kanton - Ministarstvo privrede
- > Bosansko - podrinski kanton -Vlada
- > Posavski kanton -Vlada
- > Hercegovačko-neretvanski kanton -Ministarstvo privrede
- > Zapadnohercegovački kanton -Vlada
- > Srednjobosanski kanton - Ministarstvo privrede
- > Kanton Sarajevo - Ministarstvo privrede
- > Kanton Sarajevo - Ministarstvo komunalne privrede, infrastrukture, prostornog uređenja, građenja i zaštite okoliša
- > Kanton 10 - Ministarstvo privrede
- > Kanton 10 - Uprava za inspekcijske poslove
- > JP „Elektroprivreda BiH“d.d. Sarajevo

Svoje prijedloge, primjedbe i sugestije nije dostavio Zeničko-dobojski kanton ni nakon ponovljenog poziva od 08.03.2021. godine. Na ponovno traženje Federalnog ministarstva energije, rudarstva i industrije, Ministarstvo privrede Zeničko-dobojskog kantona dana 30.08.2021. godine dostavilo je akt broj:04-02-762-2/21 u kojem navode na nemaju primjedbi na dostavlji tekst Prenacrta Zakona o rudarstvu Federacije Bosne i Hercegovine.

Svoje prijedloge, primjedbe i sugestije nisu dostavili:

- > Rudnici boksita d.o.o. Široki Brijeg
- > „Rudnici boksita“ d.o.o. Posušje
- > „Rudnici boksita Jajce“ o.d.d. Jajce
- > LAGER d.o.o. Posušje
- > BBM d.o.o. Sarajevo
- > GEOMET d.o.o. Olovo
- > Rudar d.o.o. Tuzla
- > Rudarsko geološko-građevinski fakultet Tuzla
- > RUD-PROM d.o.o.Tuzla
- > Privredna / Gospodarska komora Federacije BiH
- > Samostalni sindikat radnika rudnika Federacije BiH
- > Samostalni sindikat rudara u Federacije BiH

Nakon razmatranja dostavljenih mišljenja, prijedloga i sugestija, osnovani prijedlozi i sugestije su prihvaćeni i uključeni u tekst Prenacrta Zakona o rudarstvu Federacije Bosne i Hercegovine, a za ne prihvaćene navedeni su razlozi.

Federalno ministarstvo energije, rudarstva i industrije nije prihvatilo prijedloge Posavskog kantona, Zapadnohercegovačkog kantona, Srednjobosanskog kantona i Kantona 10 za izmjenu člana 6. koje se odnose na podjelu nadležnosti nad mineralnim sirovinama između federalne i kantonalnih vlasti kao niti druge prijedloge u vezi s tim izmjenama, budući da su prijedlozi u suprotnosti sa podjelama nadležnosti koje su utvrđene u članu 7. važećeg Zakona o rudarstvu Federacije Bosne i Hercegovine („Službene novine Federacije BiH“, broj 26/10), obrađivač Prednacrt se opredijelio za normativno rješenje utvrđeno u navedenom Zakonu.

Nije prihvaćen prijedlog RUDEX d.o.o. Sarajevo za izmjenu člana 2. tačka l) iz razloga što je pojam potpuno jasno definisan, a prijedlog se ne odnosi na pojam oplemenjivanje.

Nije prihvaćen prijedlog RUDEX d.o.o. Sarajevo za izmjenu člana 2. tačka p) iz razloga što je pojam potpuno jasno definisan, prijedlog se odnosi na pripremu i izradu.

Nije prihvaćen prijedlog Inženjerske komore Matična sekcija rudarske struke za izmjenu člana 2. tačka l) iz razloga što je pojam potpuno jasno definisan.

Nije prihvaćen prijedlog Inženjerske komore Matična sekcija rudarske struke i Rudarskog instituta d.d. Tuzla za izmjenu člana 2. tačka eee) iz razloga što prijedlog ne sadrži praktično iskustvo na poslovima eksploatacije mineralnih sirovina, a koje je u članu 2. tačka eee) Prednacrtu utvrđeno s ciljem postizanja potpunije stručne osposobljenosti.

Nije prihvaćen prijedlog Ministarstva privrede Kantona Sarajevo za izmjenu člana 2. tačka dd) i ee) jer nije predmet ovog zakona, a uređeno je Zakonom o geološkim istraživanjima Federacije Bosne i Hercegovine.

Nije prihvaćen prijedlog Ministarstva privrede Kantona Sarajevo za izmjenu člana 2. tačka hhh) iz razloga što predloženo je uređeno u čl. 62. i 63. Prednacrtu.

Nije prihvaćen prijedlog JP Elektroprivreda Bosne i Hercegovine d.d. Sarajevo za izmjenu člana 2. tačka aaa), rr) i k) jer je pojam jasno definisan u navedenim tačkama člana 2. Prednacrtu

Nije prihvaćen prijedlog JP Elektroprivreda Bosne i Hercegovine d.d. Sarajevo za izmjenu člana 2. dodavanjem nove tačke budući da se u ovom članu obrađuje značenje pojedinih izraza navedenih u Prednacrtu, prijedlog je uređen u članu 9. stav (3).

Nije prihvaćen prijedlog Federalne uprave za inspekcijske poslove za izmjenu člana 4. iz razloga uobičajene prakse da se to uređuje na taj način.

Nije prihvaćen prijedlog Inženjerske komore Federacije Bosne i Hercegovine za izmjenu člana 12. jer je suština prijedloga sadržana u navedenom članu Prednacrtu.

Nije prihvaćen prijedlog Ministarstva privrede Kantona Sarajevo za izmjenu člana 16. iz razloga što je to uređeno u čl. 8. i 18. Prednacrtu.

Nije prihvaćen prijedlog Federalne uprave za inspekcijske poslove i Inženjerske komore Matična sekcija rudarske struke za izmjenu člana 18. dodavanjem novog stava (5) iz razloga što je prijedlog sadržan u stavu (1) navedenog člana Prednacrtu.

Nije prihvaćen prijedlog RUDEX d.o.o. Sarajevo za izmjenu u stavu (1) člana 19. budući da je prijedlog obuhvaćen u stavu (1) tačka a) Prednacrtu.

Nije prihvaćen prijedlog Rudnika soli „Tuzla“ za izmjenu stava (3) člana 20. iz razloga specifičnosti rudarske djelatnosti i potencijalnih opasnosti te spremnosti službi koje po potrebi i na vrijeme trebaju djelovati.

Nije prihvaćen prijedlog Udruženja inženjera sigurnosti i pomoći za izmjenu člana 23. st. (2) i (3) iz razloga što je između ostalog jedan od uslova i tehničko rukovođenje.

Nije prihvaćen prijedlog Rudarskog instituta d.d. Tuzla na izmjenu člana 24. stav (1) budući da je predložena izmjena uređena u članu 33. Prednacrtu.

Nije prihvaćen prijedlog Rudnika mrkog uglja „Banovići“ d.d. Banovići i Ministarstva privrede Unsko-sanskog kantona za izmjenu člana 25. stav (3) iz razloga što je u stavu (3) Prednacrtu uzet u obzir strožiji kriterij za glavno tehničko rukovođenje u privrednim društvima koja se bave podzemnom i površinskom eksploatacijom mineralnih sirovina.

Nije prihvaćen prijedlog Rudnika mrkog uglja „Banovići“ d.d. Banovići za izmjenu člana 27., jer je prijedlog uređen u stavu (3) navedenog člana Prednacrtu.

Nije prihvaćen prijedlog Udruženja inženjera sigurnosti i pomoći za izmjenu člana 27. iz razloga što se pravo polaganja stručnog ispita stječe nakon godine radnog iskustva na poslovima u rudarstvu član 33. stav (1) Prenacrtu.

Nije prihvaćen prijedlog Ministarstva privrede Posavskog kantona za izmjenu od čl. 24. do 28. jer je to uzeto u obzir u predloženom tekstu Prednacrta.

Nije prihvaćen prijedlog Ministarstva privrede Kantona Sarajevo za izmjenu člana 25. jer je to uređeno u članu 6. Prednacrta.

Nije prihvaćen prijedlog Ministarstva privrede Kantona 10 i Zapadnohercegovačkog kantona za izmjenu člana 25. smjerovi su navedeni jer su diplome izdavane sa navedenim smjerom ili bez njega, a radi se o istom studijskom programu te kako bi se izbjegle moguće nejasnoće.

Nije prihvaćen prijedlog Rudnika soli „Tuzla“ d.d. Tuzla za izmjenu člana 27. stav (4) jer se u stavu (4) uređuje tehničko rukovođenje u bušotinskoj eksploataciji, i ne treba se usklađivati sa nevedenim članom Zakona o geološkim istraživanjima Federacije Bosne i Hercegovine kojim se uređuju uslovi za izradu i reviziju projektne dokumentacije.

Nije prihvaćen prijedlog Inženjerske komore Matična sekcija rudarske struke za izmjenu člana 31. budući da je u istom članu Prednacrta to jasno definisano.

Nije prihvaćen prijedlog Inženjerske komore Federacije BiH za izmjenu člana 32. iz razloga što su za obavljanje navedenih poslova utvrđeno i odgovarajuće stručno obrazovanje.

Nije prihvaćen prijedlog RUDEX d.o.o. Sarajevo za član 32. s obzirom da navedena problematika nije predmet ovog Zakona nego fakulteta i studijskih programa.

Nije prihvaćen prijedlog Udruženja inženjera sigurnosti i pomoći za izmjenu člana 32. iz razloga što su za obavljanje navedenih poslova utvrđeno i odgovarajuće stručno obrazovanje.

Nije prihvaćen prijedlog Rudnika soli „Tuzla“ d.d. Tuzla za izmjenu člana 32. dodavanjem nove tačke iz razloga što je Prednactrom utvrđeno organiziranje obaveznih službi, a poslodavcu je ostavljena mogućnost osnivanja i drugih službi ovisno od potrebe tehnološkog procesa i organizacije rada.

Nije prihvaćen prijedlog Zapadnohercegovačkog kantona i Kantona 10 da se u članu 33. stav 2. Prednacrta Zakona uz priznavanje ispita iz Republike Srpske priznaju i stručni ispit položen prema odredbama Zakona o rudarstvu Kantona u Federaciji BiH iz razloga što je u članu 33. stav (1) Zakona o rudarstvu Federacije Bosne i Hercegovine („Službene novine Federacije BiH“, broj 26/10) utvrđeno da je polaganje stručnog ispita u nadležnosti Federalnog ministarstva energije, rudarstva i industrije, a u Republici Srpskoj u nadležnosti entitetskog ministarstva nadležnog za rudarstvo.

Također nije prihvaćen prijedlog JP Elektroprivreda Bosne i Hercegovine d.d. Sarajevo i Inženjerske komore Matična sekcija rudarske struke da se briše stav (2) člana 33. Prednacrta Zakona iz razloga što bi došli u praksu da oni koji su položili stručni ispit, a žele raditi u drugom entitetu morali bi ponovno polagati stručni ispit u skladu sa zakonom tog entiteta.

Nije prihvaćen prijedlog Ministarstva privrede Kantona Sarajevo da se priznaju i ispiti za nadzor nad rudarskim radovima i samostalno obavljanje rudarskih mjerenja iz Republike Srpske budući da to nije predviđeno međusobno potpisanim sporazumom između Federalnog ministarstva energije, rudarstva i industrije i nadležnog ministarstva za rudarstvo RS.

Nije prihvaćen prijedlog JP Elektroprivreda Bosne i Hercegovine d.d. Sarajevo za izmjenu člana 35. Prednacrta koji se odnosi na pripravnički staž budući da je to uređeno posebnim propisom i općim aktom poslodavca.

Nije prihvaćen prijedlog JP Elektroprivreda Bosne i Hercegovine d.d. Sarajevo da se doda novi član 37a iz razloga što nije opravdano uvođenje još jednog administrativnog postupka niti ima svrhe, budući da je to uređeno u članu 39. Prednacrta.

Nije prihvaćen prijedlog dr.sc.Halid Čičkušić, dipl. inž. rud. na član 38. stav (1) iz razloga što se bezpotrebno povećava broj dozvola.

Nije prihvaćen prijedlog Inženjerske komore Matična sekcija rudarske struke da se u članu u 38. (Dozvole), poslije stava (2) dodaju dva nova stava (3) i (4) iz razloga što je praksa do 2010. godine pokazala da to nije dobro rješenje.

Nije prihvaćen prijedlog Ministarstva privrede Kantona Sarajevo na član 38. da se u stavu (2) briše tačka d) i u stavu (3) briše tačka d) jer se radi o dozvoli za upotrebu.

Nije prihvaćen prijedlog Ministarstva privrede Kantona Sarajevo za izmjenu člana 38. da se doda novi stav (7) jer je bezpotreban.

Nisu prihvaćeni prijedlozi Posavskog kantona za izmjenu člana 39. iz razloga što ovaj član uređuje šta sadrži dozvola za eksploataciju. Postupak izdavanja urbanističke saglasnosti i okolišne dozvole propisan je posebnim zakonima.

Nisu prihvaćeni prijedlozi Ministarstva privrede Kantona Sarajevo za izmjenu člana 39. stav (1) tačka b) jer je uređeno Zakonom o geološkim istraživanjima Federacije Bosne i Hercegovine, stav (1) tačka d) jasno je definisano u Prednacrtu, stav (1) tačka e) uređeno u Pravilnika o uslovima za obavljanje rudarske djelatnosti („Službene novine Federacije BiH“, broj 13/21).

Nije prihvaćen prijedlog JP Elektroprivreda Bosne i Hercegovine d.d. Sarajevo za izmjenu člana 39. stav (1) tačka c) jer navedenom formulacijom se ne osigurava pravo ulaska u posjed, nego namjena prostora u plansko-prostornoj dokumentaciji.

Nije prihvaćen prijedlog Ministarstva privrede Hercegovačko-neretvanskog kantona i Uprave za inspekcijske poslove Kantona 10 za izmjenu člana 41. stav (1) da se iza tačke e) dodaje nova tačka f) budući da stečaj ne znači i prestanak rada privrednog društva.

Nije prihvaćen prijedlog Ministarstva privrede Kantona Sarajevo da se u članu 41. stav (1) doda nova tačka f) jer je to uređeno u članu 61. Prednacrta.

Nije prihvaćen prijedlog Ministarstva privrede Kantona Sarajevo da se u članu 42. briše stav (2) iz razloga što privredno društvo ne mora produžiti dozvolu ako nema interesa.

Nije prihvaćen prijedlog Ministarstva privrede Kantona Sarajevo za izmjenu člana 44. budući da je to uređeno u čl. 62. i 63. Prednacrta.

Nije prihvaćen prijedlog Ministarstva privrede Kantona Sarajevo za izmjenu člana 43. jer se odnosi na važeću okolišnu dozvolu.

Nije prihvaćen prijedlog Ministarstva privrede Srednjobosanskog kantona za izmjenu člana 44. stav (2) tačka h) jer nije opravdan.

Nije prihvaćen prijedlog Ministarstva privrede Kantona Sarajevo za izmjenu člana 44. stav (2) tačka b) jer su dovoljna dva primjerka projekta.

Nije prihvaćen prijedlog Ministarstva privrede Kantona Sarajevo za izmjenu člana 44. stav (2) tačka c) jer je riješeno u članu 17. i Pravilniku o uslovima za obavljanje rudarske djelatnosti („Službene novine Federacije BiH“, broj 13/21).

Nije prihvaćen prijedlog Ministarstva privrede Kantona Sarajevo za izmjenu člana 44. dodavanje novog stava (5) jer nije jasan prijedlog stava.

Nije prihvaćen prijedlog JP Elektroprivreda Bosne i Hercegovine d.d. Sarajevo za izmjenu člana 44. stav (2) tačka e) jer se ne može dopustiti ulazak u posjed bez riješenih imovinsko-pravnih odnosa, jer navedenom formulacijom se ne osigurava pravo ulaska u posjed, nego namjena prostora u plansko-prostornoj dokumentaciji.

Nije prihvaćen prijedlog Ministarstva privrede Kantona Sarajevo za izmjenu člana 46. stav (2) koji se odnosi na propisivanje roka za propisivanje postupka ispitivanja ispravnosti otkopne metode šest mjeseci od dana donošenja Zakona iz razloga što je procedura ispitivanja utvrđena u Pravilniku o postupku ispitivanja ispravnosti otkopne metode, tehnologije i postrojenja („Službene novine Federacije BiH“, broj 80/11).

Nije prihvaćen prijedlog Federalne uprave za inspekcijske poslove za izmjenu člana 48. stav (7) riječ „može da“ zamjeniti sa „obavezno“ iz razloga što bi „obavezno“ moglo dovesti usporavanja provođenja tog upravnog postupka, a isti efekt kad je u pitanju prisutnost inspektora postiže se i sa „može da“. Tehnički pregled obavlja stručna komisija u skladu sa članom 48. stav (2) Prednacrta.

Nije prihvaćen prijedlog Ministarstva privrede Kantona Sarajevo za izmjenu člana 48. stav (11) budući da je to utvrđeno u Pravilniku o uslovim za obavljanje rudarske djelatnosti („Službene novine Federacije BiH“, broj 13/21).

Nije prihvaćen prijedlog JP Elektroprivreda Bosne i Hercegovine d.d. Sarajevo za izmjenu člana 48. budući da je praksa pokazala da nije bilo problema u provedbi upravnog postupka koji je utvrđen ovim članom, a koji se puno ne razlikuje od istog člana u važećem Zakonu o rudarstvu Federacije Bosne i Hercegovine.

Nije prihvaćen prijedlog Ministarstva privrede Srednjobosanskog kantona za izmjenu čl. 48., 77. i 81. da se uslovi za obavljanje određenih poslova urede u podzakonskom aktu budući da je dosadašnja praksa pokazala opravdanost normiranja tih uslova u Zakonu.

Nije prihvaćen prijedlog Federalne uprave za inspekcijske poslove i prijedlog Inženjerske komore Matična sekcija rudarske struke za izmjenu člana 50. da se briše stav (6) iz razloga što su u posebnim zakonima detaljnije normirane mjere zaštite za pojedine oblasti na koje se odnose.

Nije prihvaćen prijedlog JP Elektroprivreda Bosne i Hercegovine d.d. Sarajevo za izmjenu člana 51. budući da nije predloženo ništa novo što već nije obrađeno u članu 51. Prednacrta.

Nije upotpunosti prihvaćen prijedlog JP Elektroprivreda Bosne i Hercegovine d.d. Sarajevo za izmjenu člana 55. i novi stav (5) jer se prijedlog odnosi na stručno osposobljavanje-obrazovanje što nije predmet ovog Zakona.

Nije prihvaćen prijedlog JP Elektroprivreda Bosne i Hercegovine d.d. Sarajevo za izmjenu člana 59. jer je to uređeno u Pravilniku o tehničkim normativima pri rukovanju eksplozivnim sredstvima i miniranju u rudarstvu („Službeni list SFRJ“, br. 26/88 i 63/88).

Nije prihvaćen prijedlog Inženjerske komore Matična sekcija rudarske struke za izmjenu člana 62. da se doda novi stav (3) iz razloga navedenih u stavu (2) tog člana.

Nije prihvaćen prijedlog Ministarstva privrede Kantona Sarajevo za izmjenu člana 63. koji se odnosi na izmjenu stava (1) budući da su u stavu (2) istog člana definisane nadležnosti.

Nije prihvaćen prijedlog Federalne uprave za inspekcijske poslove i prijedlog Inženjerske komore Matična sekcija rudarske struke da se u članu 72. doda novi stav (2) iz razloga što je tehnički projekat sastavni dio glavnog rudarskog projekta za koji dozvolu izdaje federalno ministarstvo odnosno kantonalno ministarstvo nadležno za rudarstvo.

Nije prihvaćen prijedlog Ministarstva privrede Kantona Sarajevo za izmjenu člana 76. s obzirom da je u članu jasno propisan uslov ponovne eksploatacije.

Nije prihvaćen prijedlog Rudarskog instituta da se izvrši izmjena u stavu (1) člana 78. iz razloga što je u navedenom stavu utvrđen minimalno potreban broj izvršioca-projektanata.

Nije prihvaćen prijedlog Ministarstva privrede Tuzlanskog kantona da se izvrši izmjena u stavu (1) člana 78. jer se izradom dokumentacije mogu baviti samo privredna društva.

Nije prihvaćen prijedlog Rudarskog instituta da se izvrši izmjena u stavu (1) člana 79. iz razloga što prijedlog zanemaruje praktično iskustvo u eksploataciji mineralnih sirovina.

Nije prihvaćen prijedlog Rudarskog instituta Tuzla da se briše član 81. iz razloga što se davanjem „pisane izjave“ projektant potvrđuje primjenu člana 67. Prednacrta, a to je obaveza i prema članu 10. stav (2) Zakona o zaštiti na radu („Službene novine Federacije BiH“, broj 79/20).

Nije prihvaćen prijedlog Rudarskog instituta Tuzla da se u članu 81. doda novi stav (6) iz razloga što to nije predmet ovog Zakona nego ugovora između naručitelja i izvršitelja usluge.

Nije prihvaćen prijedlog Rudarskog instituta Tuzla i Ministarstva privrede Kantona Sarajevo za izmjenu člana 86. budući da izmjene u projektu kakve god bile nije korektno vršiti bez saglasnosti i projektanta.

Nije prihvaćen prijedlog Zapadnohercegovačkog kantona i Ministarstva privrede Kantona 10 za izmjene stava (1) člana 100. jer inspekcijski nadzor ne vrši samo rudarski inspektor, nego i inspektori za elektro-mašinska postrojenja, uređaje i instalacije.

Nije prihvaćen prijedlog Ministarstva privrede Kantona Sarajevo za izmjenu člana 101. stav (1) dodavanjem nove tačke k) budući da se predloženo uređuje Zakonom o koncesijama.

Nije prihvaćen prijedlog Ministarstva privrede Kantona Sarajevo za izmjenu člana 108. stav (1) dodavanjem nove tačke f) budući da se predloženo uređuje Zakonom o koncesijama i ugovorom o koncesiji.

Nije prihvaćen prijedlog Ministarstva privrede Kantona Sarajevo za izmjenu člana 108. stav (1) dodavanjem nove tačke g) jer stečaj ne mora značiti i prestanak obavljanja djelatnosti.

Nije prihvaćen prijedlog JP Elektroprivreda Bosne i Hercegovine d.d. Sarajevo za izmjenu člana 109. dodavanjem novog stava (2) iz razloga što je to zakašnjela intervencija, druge općinske inspekcije bi morale prve reagirati kod bilo kakvih intervencija u prostoru.

Nije prihvaćen prijedlog Ministarstva privrede Kantona Sarajevo za izmjenu člana 118. stav (1) dodavanjem nove tačke v) budući da se prijedlog odnosi na provođenje Zakona o koncesijama.

Nije prihvaćen prijedlog JP Elektroprivreda Bosne i Hercegovine d.d. Sarajevo za izmjenu člana 118. stav (2) dodavanjem nove tačke v) iz razloga što nije prihvaćen prijedlog da se doda novi član 60a.

Nije prihvaćen prijedlog Ministarstva privrede Kantona Sarajevo za izmjenu člana 108. stav (1) dodavanjem nove tačke f) budući da se predloženo uređuje Zakonom o koncesijama i ugovorom o koncesiji

Nije prihvaćen prijedlog Ministarstva privrede Srednjobosanskog kantona za izmjenu čl. 119. i 120. stav (1), na smanjenje visine kazne za prekršaje iz razloga što su visine kazni preuzete iz važećeg Zakona o rudarstvu Federacije Bosne i Hercegovine.

Nije prihvaćen prijedlog JP Elektroprivreda Bosne i Hercegovine d.d. Sarajevo za izmjenu člana 124. koji se odnosi na skraćivanje roka izrade podzakonskih akata iz razloga što realno nije moguće donijeti navedene podzakonske akte u tom roku.

Nije prihvaćen prijedlog Ministarstva privrede Tuzlanskog kantona da se u članu 125. doda nova tačka iii) budući da je navedeni pravilnik stavljen van snage.

VII - PROCJENA EKONOMSKE OPRAVDANOSTI DONOŠENJA PROPISA

Donošenjem ovog Zakona uređuje se oblast rudarstva u Federaciji Bosne i Hercegovine u smislu zaštite prirodnog bogatstva i korištenje mineralnih sirovina u komercijalne svrhe odnosno privredni razvoj.

Socijalni uticaji bi se trebali ogledati u smislu intenzivnijeg privrednog razvoja i povećanjem opšte zaposlenosti.

VIII - RASPORED EVENTUALNOG PONOVOG PREISPITIVANJA DONESENOG PROPISA


Procjenu nakon stupanja na snagu Zakona izvršit će Federalno ministarstvo energije, rudarstva i industrije, godinu dana nakon objave u "Službenim novinama Federacije BiH".

IX - OBRAZLOŽENJE FINANSIJSKIH SREDSTAVA ZA PROVOĐENJE PROPISA I FINANSIJSKE EFEKTE PROPISA

Za provođenje Zakona nisu potrebna druga finansijska sredstva u budžetu Federacije Bosne i Hercegovine odnosno kantona, budući da su budžetom osigurana sredstva za plaće državnih službenika i inspektora koji će raditi na provođenju zakona.

OBRAZAC IZJAVA O FISKALNOJ PROCJENI

Obrazac IFP NE

Naziv propisa		KOD		NAZIV			
Razdjel		1701		Federalno ministarstvo energije, rudarstva i industrije			
B.2. Osnovni podaci o prijedlogu propisa							
Vrsta propisa/akta	Zakon	DA	Odluka	NE	Strategija	NE	
	Uredba	NE	Drugi akti	NE	Drugi akti planiranja	NE	
Naziv propisa/akta		Prednacrt Zakona o rudarstvu Federacije Bosne i Hercegovine					
C.3. Izjava o nepostojanju fiskalnih efekata predloženog propisa							
Prednacrt Zakona o rudarstvu Federacije Bosne i Hercegovine nema i neće rezultirati fiskalnim učinkom.							
Mjesto i datum		06-07-2021					
Podpis odgovornog lica							

Mimiotar / g. Halilčević

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
URED ZA ZAKONODAVSTVO I USKLAĐENOST SA
PROPISIMA EUROPSKE UNIJE

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА ФЕДЕРАЦИЈЕ БОСНЕ И ХЕРЦЕГОВИНЕ
УРЕД ЗА ЗАКОНОДАВСТВО И УСКЛАЂЕНОСТ СА
ПРОПИСИМА ЕВРОПСКЕ УНИЈЕ

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT OF FEDERATION OF BOSNIA AND HERZEGOVINA
OFFICE FOR LEGISLATION AND HARMONIZATION
WITH EUROPEAN-UNION REGULATIONS

Bosnia and Herzegovina
Federalna Vlada

FEDERALNO MINISTARSTVO ENERGIJE
RUDARSTVA I INDUSTRIJE
MOSTAR

Broj: 01-03-02/1-14-676-2/21
Sarajevo, 12.08.2021. godine

FEDERALNO MINISTARSTVO ENERGIJE,
RUDARSTVA I INDUSTRIJE

Primljeno	12-08-2021
Broj	06-30-02-1480/20
Prilog	
Vrijednost	

M O S T A R

PREDMET: Mišljenje o Prednacrtu Zakona o rudarstvu Federacije Bosne i Hercegovine

VEZA: Vaš akt broj: 06-30-02-1480/20 od 04.08.2021. godine

Ured Vlade Federacije Bosne i Hercegovine za zakonodavstvo i usklađenost sa propisima Europske unije razmotrio je Prednacrt navedenog zakona i na temelju članka 5. točka a) alineja 1. i članka 6. točka b) Uredbe o Uredu Vlade Federacije Bosne i Hercegovine za zakonodavstvo i usklađenost sa propisima Europske unije ("Službene novine Federacije BiH", br. 26/20 i 76/20) u svezi s čl. 27. i 28. Poslovnika o radu Vlade Federacije Bosne i Hercegovine – Pročišćeni tekst ("Službene novine Federacije BiH", br. 6/10, 37/10, 62/10 i 39/20), daje sljedeće

M I Š L J E N J E

U odnosu na primjedbe date u Mišljenju Ureda, broj: 01-03-02/1-14-676/21 od 15.07.2021. godine, obrađivač propisa je postupio sukladno Uredbi o procjeni utjecaja propisa ("Službene novine Federacije BiH", broj 67/20), te dostavio pravilno popunjen Obrazac za skraćenu procjenu utjecaja propisa.

S tim u svezi, Ured u privitku ovog akta dostavlja potpisanu i ovjerenu Kontrolnu izjavu o provednoj procjeni utjecaja propisa (Obrazac broj 2).

PRIVITAK:


- Kontrolna izjava



1308.01
1308.01

KONTROLNA IZJAVA O PROVEDENOJ PROCJENI UTJECAJA PROPISA

Kontrolna Izjava o provedenoj procjeni utjecaja propisa		
Naziv prednacrt/nacrta zakona	Prednacrt Zakona o rudarstvu Federacije Bosne i Hercegovine	
Datum	12.08.2021. godine	
Kontrolno područje	DA	Obrazloženje Ureda
AKTIVNOST		
Naziv prednacrt/nacrta zakona je naveden i razumljiv	DA	
Naveden je naziv i kontakti obrađivača	DA	
Naveden je datum	DA	
DEFINIRANJE PROBLEMA		
Problem je jasno i sažeto objašnjen	DA	
Ciljevi su jasno i sažeto objašnjeni	DA	
Očekivani rezultati su jasno i sažeto objašnjeni	DA	
KONZULTACIJE		
Zainteresirane strane su jasno definirane	DA	
Proces konzultacija je jasno i sažeto objašnjen	DA	
PREDLOŽENA RJEŠENJA		
Predložena su normativna i nenormativna rješenja	DA	
Definirani su rizici predloženog rješenja	DA	
Definiran je utjecaj rješenja na proračun	DA	
Definiran je utjecaj rješenja na gospodarstvo, društvo, okoliš, te održivi razvoj i zdravlje ljudi	DA	
Definiran je način primjene i usuglašenost s ostalim propisima	DA	
Definirano je prelazno razdoblje	DA	
PROCJENA PROVEDENA SUKLADNO UREDBI	DA	



UREDA VLADE FBiH ZA ZAKONODAVSTVO I USKLADENOST
SA PROPISIMA EUROPSKE UNIJE
Zeljko Stokich, Direktor Ureda

OVLASTENA OSOBA
Andrija Hercegovac

12-08-2021

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy, Infrastructure,
Physical Planning Construction and
Environmental Protection

**FEDERALNO MINISTARSTVO ENERGIJE,
RUDARSTVA I INDUSTRIJE**
MOSTAR

Broj: 05/02-02-978/20 VI
Sarajevo, 02.03.2021. godine

Prilazno	15 - 03 - 2021
Broj	Vrijednost
06 30-1	1480/20

Federalno ministarstvo energije, rudarstva i industrije
ul. Alekse Šantića bb
88000 Mostar

PREDMET: Prednacrt Zakona o rudarstvu Federacije BiH – mišljenje, dostavlja se

Dana 18.01.2021. godine Kabinet premijera Kantona Sarajevo je dostavio ovom Ministarstvu Prednacrt Zakona o rudarstvu Federacije BiH na mišljenje. Nakon pregleda istog, obavještavamo vas o slijedećem:

Budući da se uz zahtjev za izdavanje/produženje dozvole za eksploataciju, između ostalog, prilaže i okolinska dozvola, skrećemo pažnju, da je donesen novi Zakon o zaštiti okoliša („Službene novine Federacije BiH“ broj 15/21), te da slijedi izmjena podzakonskih akata, koji regulišu i oblast izdavanja okolinske dozvole. S obzirom na to, da smo davali mišljenje na iste, želimo napomenuti, da se za podzemno rudarstvo i kamenolome čije je eksploataciono polje preko 5 ha predviđa obavezna procjena uticaja na okoliš, a za duboke bušotine preko 500 m i za kamenolome čije je eksploataciono polje veće od 2,5 ha, a manje od 5 ha u postupku prethodne procjene uticaja na okoliš će se utvrditi potreba provođenja procjene uticaja na okoliš. Procjena uticaja na okoliš je u isključivoj nadležnosti Federalnog ministarstva okoliša i turizma. Izdavanje okolinske dozvole za navedene vrste projekata nije predviđeno.

U tom smislu, biće potrebna korekcija čl. 39 stav 1 tačke f, 42. stav 1 tačke e, 43. stav 1 tačke d, 44. stav 2 tačke f, 48. stava 6 i 62. stava 4. Član 50. neće biti potreban (mišljenja smo da i inače nije trebalo definiciju okolinske dozvole davati kao poseban član, nego sve potrebne definicije dati u članu 2.). U članu 48. stav 12 tačka e alineja 3 nema određenja prema okolišnom aspektu, samo prema urbanističkoj saglasnosti.


S poštovanjem,

Dostaviti:

- ☉ Naslovu
- Evidenciji
- a/a

MINISTAR

Enver Hadžiahmetović, dipl.ing.maš.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1



AMIR H.
16.03.2021. god.
[Signature]



Bosna i Hercegovina
Federacija Bosne i Hercegovina
ŽUPANIJA ZAPADNOHERCEGOVAČKA
VLADA

05-03-2021

06-30-2-1480/20

(210)

Broj: 01-31-5/21-82
Široki Brijeg, 18. veljače 2021. godine

Ministarstvo energije, rudarstva i industrije Federacije BiH,
Ul. Alekse Šantića b.b.,
88 104 Mostar

Veza Vaš akt broj: 06-30-2-1480/20 od 07. siječnja 2021. godine

PREDMET: Dostava Primjedbi

U prilogu ovog akta dostavljamo Vam primjedbe resornog Ministarstva gospodarstva Županije Zapadnohercegovačke na Prednacrt Zakona o rudarstvu Federacije Bosne i Hercegovine, dostavljene aktom broj: 05-03-02-116/21 od 15. veljače 2021. godine, a koje primjedbe je Vlada Županije Zapadnohercegovačke prihvatila svojim Zaključkom broj: 01-31-3/21-82 od 18. veljače 2021. godine, na 82. sjednici održanoj dana 18. veljače 2021. godine.

S poštovanjem,

Po ovlaštenju Vlade

Marko Galić, mag.iur.



AMIR H.

08.03.2021. god.

Na temelju članka 19. stavka (4) Zakona o Vladi Županije Zapadnohercegovačke („Narodne novine Županije Zapadnohercegovačke”, broj: 10/04), Vlada Županije Zapadnohercegovačke na 82. sjednici održanoj 18. veljače 2021. godine donijela je:

Zaključak

Članak 1.

Prihvaćaju se Primjedbe Ministarstva gospodarstva Županije Zapadnohercegovačke na Prednacrt Zakona o rudarstvu Federacije Bosne i Hercegovine, dostavljene aktom broj:05-03-02-116/21 od 15. veljače 2021. godine.

Članak 2.

Primjedbe iz članka 1. ovog Zaključka proslijedit će se Federalnom ministarstvu energije, rudarstva i industrije, kao odgovor na njihov akt broj:06-30-2-1480/20 od 07.01.2021.

Članak 3.

Imajući u vidu prihvaćene primjedbe, Vlada Županije Zapadnohercegovačke ističe da je spremna na suradnju sa drugim razinama vlasti, kako bi se postigao visoki stupanj suglasnosti po pojedinim zakonskim rješenjima, shodno Ustavu Federacije Bosne i Hercegovine, s tim da će isto tako nastaviti procese donošenja vlastitog zakonodavstva u svim segmentima društva koja su sukladno Ustavu Federacije Bosne i Hercegovine, u isključivoj nadležnosti županija.

Članak 4.

Ovaj Zaključak stupa na snagu danom donošenja.

Bosna i Hercegovina
Federacija Bosne i Hercegovine
ŽUPANIJA ZAPADNOHERCEGOVAČKA
VLADA
Broj:01-31-3/21-82
Široki Brijeg, 18. veljače 2021.



Predsjednik
Zdenko Čosić

Zdenko Čosić



Bosna i Hercegovina
Federacija Bosne i Hercegovine
ŽUPANIJA ZAPADNOHERCEGOVAČKA
MINISTARSTVO GOSPODARSTVA
Sektor energetike, industrije i rudarstva

Bosna i Hercegovina
FEDERACIJA BOSNE I HERCEGOVINE
ŽUPANIJA ZAPADNOHERCEGOVAČKA
VLADA

ŠIFRA PRIJEMA

Primljeno:	17.02.2021.		
Org. jkt.	Broj	Priloga	Vrijednost
01-	31-2/21		

Broj: 05-03-02-116/21
Posušje, 15.2.2021. godine

VLADA
ŽUPANIJE ZAPADNOHERCEGOVČKE

Predmet: Mišljenje na Prednacrt Zakona o rudarstvu Federacije Bosne i Hercegovine, dostavlja se

Vezano za akt Vlade Županije Zapadnohercegovačke broj: 01-31-1/21 od 18.1.2021. godine, a koji se odnosi na akt Federalnog ministarstva energije, rudarstva i industrije, broj: 06 30 2 1180/20 od 7.1.2021. godine, kojim se traži mišljenje na Prednacrt Zakona o rudarstvu Federacije BiH, dostavljamo Vam naše mišljenje.

Napomena: Rok za dostavljanje mišljenja je do 1.3.2021. godine, te ukoliko se u navedenom roku ne dostavi traženo mišljenje smatrat će se da smo suglasni sa predloženim tekstom zakona.

S poštovanjem!



Dostaviti:

- ① Naslovu
2. Pismohrana

PRIMJEDBE NA PREDNACRT ZAKONA O RUDARSTVU FEDERACIJE BOSNE I HERCEGOVINE

Temeljem članka III. 2. i 3. Ustava Federacije Bosne i Hercegovine utvrđene su zajedničke nadležnosti Federacije Bosne i Hercegovine i županija za oblast korištenja prirodnih bogatstava, što znači da zajedničke nadležnosti mogu biti ostvarene zajednički ili odvojeno ili od strane županija koordinirano od federalne vlasti ali uvijek dogovorom na trajnoj osnovi.

Županija Zapadnohercegovačka je donijela Zakon o rudarstvu („Narodne novine Županije Zapadnohercegovačke“, broj: 2/99 i 7/14), kojim je uređen način i postupak eksploatacije mineralnih sirovina na području Županije Zapadnohercegovačke, kao i većinu Pravilnika koji proizlaze iz navedenog zakona, a Zakon o rudarstvu Federacije Bosne i Hercegovine je donesen 13.5.2010. godine.

Analizirajući predloženi Prednacrt Zakona o rudarstvu Federacije Bosne i Hercegovine, dajemo svoje primjedbe i prijedloge u obliku amandmana sa obrazloženjem.

Amandman I.

Primjedba na stavak (2) i (3) članka 7.

Prijedlog:

(2) Upravljanje mineralnim sirovinama iz člana 7. stavak (1) točka a) ovog zakona vrši Federalno ministarstvo energije, rudarstva i industrije (u daljnjem tekstu: Federalno ministarstvo).

(3) Upravljanje mineralnim sirovinama iz člana 7. stavak (1) točka b), c), d), e), f) i g) ovog zakona vrše županijska ministarstva nadležna za rudarstvo.

Obrazloženje:

Smatramo da sve energetske mineralne sirovine treba da su u nadležnosti Federacije, a sve ostale mineralne sirovine trebaju biti u nadležnost županija.

Razlog je spomenut tj. problematika zajedničke nadležnosti ovim zakonom oduzet je dio prava županijske nadležnosti.

Amandman II.

Primjedba na članak 13.

Prijedlog:

- (1) Strategiju upravljanja mineralnim sirovinama iz članka 7. stavak (1) točka a) ovog zakona priprema Federalno ministarstvo, a za mineralne sirovine iz člana 7. stavak (1) točke b),c),d), c),f) i g) ovog zakona priprema županijsko ministarstvo.
- (2) Strategije upravljanja mineralnim sirovinama iz stavka (1) ovog člana na prijedlog nadležnih ministarstava usvajaju Vlada Federacije Bosne i Hercegovine i Vlade Županija.
- (3) Detaljan sadržaj i način izrade strategije upravljanja mineralnim sirovinama propisuju federalni odnosno županijski ministri nadležni za rudarstvo prema odredbama člana 7. stavka (2) i (3) ovog Zakona.

Obrazloženje:

Ako je zakonom utvrđeno upravljanje mineralnim sirovinama, te nadležnost upravljanja istim, onda je Prijedlog zakona nadležnosti izrade strategije upravljanja i pratećih propisa dana federalnoj vlasti što je u suprotnosti sa člancima 4. i 7. stav (3) Zakona, gdje je utvrđena nadležnost županija za upravljanje određenih mineralnih sirovina.

Amandman III.

Primjedba na stavak (3) i (4) članka 13.

Prijedlog:

- (3) Na prijedlog Federalnog zavoda, plan upravljanja mineralnim sirovinama usvajaju Vlada Federacije Bosne i Hercegovine i Vlade županija u skladu sa nadležnostima iz članka 7. stavka (2) i (3) ovog zakona.
- (4) Detaljan sadržaj i način izrade plana upravljanja mineralnim sirovinama propisat će federalni i županijski ministri nadležni za rudarstvo prema odredbama članka 7. stavka (2) i (3) ovog zakona.

Obrazloženje:

Isto kao i za članak 13.

Amandman IV.

Primjedba na stavak (1) i članka 16.

Prijedlog:

- (1) Rudarsku djelatnost može obavljati gospodarsko društvo upisano u registar društava i koje ima akt nadležnog organa o ispunjavanju uvjeta za obavljanje rudarske djelatnosti. Akt o

- ispunjavanju uslova za obavljanje djelatnosti izdaje Federalno ministarstvo i županijska ministarstva u skladu sa nadležnosti iz članka 7. stavka (2) i (3) ovog Zakona.»
- (2) Propis o uvjetima za obavljanje rudarske djelatnosti donijet će Federalno ministarstvo i županijska ministarstva nadležna za rudarstvo prema odredbama članka 7. stavka (2) i (3) ovog zakona.»

Obrazloženje:

Člankom 6. stavkom (2) Zakona o gospodarskim društvima Federacije BiH („Službene novine Federacije BiH“, broj: 74/15) propisano je da „djelatnosti za koje je zakonom utvrđeno da se mogu obavljati samo na osnovu suglasnosti, dozvole ili drugog akta nadležnog organa mogu se obavljati nakon dobivanja dozvole, suglasnosti ili drugog akta nadležnog organa“, a stavkom (3) je propisano da „ukoliko zakonom ili drugim propisom nisu utvrđeni uvjeti za dobivanje suglasnosti, dozvole ili drugog akta nadležnog organa iz stava (2) ovog člana, federalna ministarstva će u skladu s ovim zakonom, svako u okviru svoje nadležnosti, utvrditi te uvjete.“.

Temeljem gore navedenog smatramo da stavak (1) članka 16. nije usklađen sa Zakonom o gospodarskim društvima F BiH.

Amandman V.

Primjedba na članak 23.

Nedostaje naziv članka.

Amandman VI.

Primjedba na članke 23., 25., 26., 27. i 32.

Prijedlog:

U svim člancima iza riječi diplomirani inženjer rudarstva izbrisati smjerove. ✓

Obrazloženje:

Smatramo da nema potrebe precizirati smjerove rudarstva iz razloga što neki fakulteti nemaju smjerove takve vrste, neki imaju samo opći smjer rudarstvo, a diplomiranih inženjera rudarstva na tržištu rada fali, te sve manje studenata upisuje rudarski fakultet.

Amandman VII.

Primjedba na stavak (2) članka 33.

Prijedlog:

(2) Stručni ispit položen prema odredbama Zakona o rudarstvu Županija u Federaciji BiH, te stručni ispit položen prema odredbama Zakona o rudarstvu Republike Srpske za koji je ministarstvo nadležno za rudarstvo izdalo odgovarajuće uvjerenje, priznaje se u Federaciji Bosne i Hercegovine kao ispit za tehničko rukovođenje u oblasti rudarstva.“

Obrazloženje:

Ako se prizna položen stručni ispit u Republici Srpskoj zašto ne priznati i stručne ispite položene u Županijama Federacije BiH.

Amandman VIII.

Primjedba na stavak (1) i (2) članka 34.

Prijedlog:

(1) Stručni ispit iz članka 3. polaže se pred komisijom koju mogu imenovati federalni ministar i županijski ministri.

(2) Program stručnog ispita, te uvjete, način i troškove polaganja stručnog ispita provedbenim propisom utvrdit će federalni ministar i županijski ministri.

Obrazloženje:

Županijskim Zakonom o rudarstvu određeni su i pravilnici koji proizlaze iz navedenog zakona, koji su urađeni i u kojima stoji da se stručni ispit polaže pred županijskom stručnim povjerenstvom.

Amandman IX.

Primjedba na stavak (2) i (3) članka 38.

Prijedlog:

(2) Dozvole iz stavka (1) ovog članka tačke a), b), c), d), f) i g). za mineralne sirovine iz članka 7. stavka (1) točka a) ovog Zakona izdaje Federalno ministarstvo.

(3) Dozvole iz stavka (1) ovog članka tačke a), b), c), d), f) i g). za mineralne sirovine iz članka 7. stavka (1) točke b), c), d), e), f) i g) ovog Zakona izdaju županijska ministarstva nadležna za rudarstvo.

Obrazloženje:

Kao kod članka 7.

Amandman X.

Primjedba na stavak (7) članka 48.

Prijedlog:

Ispred riječi „rudarske inspekcije“ staviti riječ „nadležne“

Amandman XI.

Primjedba na članak 97.

Prijedlog:

(1) Nadzor nad provođenjem ovog Zakona i propisa donesenih na osnovu ovog Zakona vrši Federalno ministarstvo i županijska ministarstva prema nadležnostima utvrđenim u članu 7. stav 2. i 3. ovog Zakona.

(2) Inspekcijski nadzor iz nadležnosti Federacije BiH iz člana 7. stav 2. ovog Zakona vrše federalni rudarski inspektori na osnovu ovog i posebnog zakona, a iz nadležnosti županija iz člana 7. stav 3. ovog Zakona vrše županijski rudarski inspektori na osnovu Županijskog zakona o rudarstvu i posebnog zakona.

Obrazloženje:

Precizirati da ne dolazi do preklapanja nadležnosti.

Amandman XII.

Primjedba na stavak (1) članka 99.

Prijedlog:

(1) Poslove rudarskog inspektora (u daljnjem tekstu: inspektor) može obavljati osoba koja ima visoku stručnu spremu rudarskog smjera ili visoko obrazovanje prvog ciklusa Bolonjskog sistema studiranja (koji se vrednuje sa 240 ECTS bodova) drugog ili trećeg ciklusa Bolonjskog sistema studiranja rudarskog smjera, najmanje tri godine radnog iskustva na poslovima tehničkog rukovođenja u gospodarskim društvima koja se bave eksploatacijom mineralnih sirovina, položen stručni ispit za tehničko rukovođenje u rudarstvu i koje ispunjava uvjete iz važećeg Zakona o inspekcijama.

Obrazloženje:

Smatramo da rudarski inspektor treba biti rudarske struke a ne neke druge struke. U nekim člancima se preciziraju smjerovi rudarski a u ovom članku se daje mogućnost da rudarski inspektor bude neke druge struke.


Iz naprijed navedenog predloženi tekst Zakona nije prihvatljiv, a razlog je problematika zajedničke nadležnosti između Federacije Bosne i Hercegovine i županija ili točnije podjela nadležnosti, jer naprosto ovim zakonom oduzet je dio prava županijske nadležnosti.



Broj: 01-02-68-1/21
Orašje, 11.2.2021. godine

FEDERALNO MINISTARSTVO ENERGIJE,
RUDARSTVA I INDUSTRIJE,
A. Santica bb. 88 000 Mostar

17-02-2021



(141)

PREDMET: Mišljenje na Prednacrt Zakona o rudarstvu Federacije Bosne i Hercegovine dostavlja se-

Poštovani,

Vašim aktom broj: 06-30-2-1480/20 od 7.1.2021.godine dostavili ste nam Prednacrt Zakona o rudarstvu Federacije Bosne i Hercegovine, radi razmatranja te dostavljanja mišljenja o istom.


Navedeni Prednacrt je proslijeđen resornom Ministarstvu gospodarstva, rada i prostornog uređenja, koje je izvršilo uvid u dostavljeni materijal te sačinilo Mišljenje o Prednacrtu Zakona o rudarstvu Federacije Bosne i Hercegovine.


Budući da je Mišljenje resornog Ministarstva prihvaćeno na sjednici Vlade Županije Posavske, održanoj dana 11.2.2021.godine, u prilogu ovog akta Vam dostavljamo sljedeće:

1. Zaključak Vlade Županije Posavske, broj: 01-02-68/20 od 11.2.2021.godine i
2. Mišljenje Ministarstva gospodarstva, rada i prostornog uređenja, broj: 09-02-12-1/21 od 10.2.2021.godine.



Predsjednik Vlade


Đuro Topić

17.02.2021. g.


Na temelju članka 18. Zakona o Vladi Županije Posavske („Narodne novine Županije Posavske“, broj: 1/96, 4/96, 8/00 i 2/07) Vlada Županije Posavske, na prijedlog Ministarstva gospodarstva, rada i prostornog uređenja, 77. sjednici održanoj dana 11. 02.2021. godine, donosi:

ZAKLJUČAK

o prihvatanju mišljenja na Prednacrt Zakona o rudarstvu Federacije Bosne i Hercegovine

I

Prihvaća se mišljenje Ministarstva gospodarstva, rada i prostornog uređenja, broj: 09 - 02 - 12-1/21 od 10.02.2021. godine na Prednacrt Zakona o rudarstvu Federacije BiH, te se upućuje Federalnom ministarstvu energije, rudarstva i industrije.

II


Ovaj Zaključak stupa na snagu danom donošenja.

Bosna i Hercegovina
Federacija Bosne i Hercegovine
Županija Posavska
V l a d a

Broj:01 - 02 - 68 /21
Orašje, 11 .02.2021. godine



PREDSJEDNIK VLADE


Đuro Topić

Bosna i Hercegovina
FEDERACIJA BOSNE I HERCEGOVINE
ŽUPANIJA POSAVSKA
Ministarstvo gospodarstva, rada i prostornog uređenja

Tel/fax: 031/762-701, tel. 031/763-439

Broj: 09 – 02- 12-1/21
Odžak, 10.02.2021. godine

VLADA ŽUPANIJE POSAVSKE

Predmet: Mišljenje na Prednacrt Zakona o rudarstvu Federacije BiH – d o s t a v l j a s e;

Povodom akta koji je upućen od strane Vlade Županije Posavske Ministarstvu gospodarstva, rada i prostornog uređenja, a kojim Federalno ministarstvo energije, rudarstva i industrije traži mišljenje na Prednacrt Zakona o rudarstvu Federacije BiH (u daljem tekstu: Prednacrt) izvršili smo uvid u dostavljeni Prednacrt.

Nakon uvida iznosimo svoje zaključke:

1. Ministarstvo gospodarstva, rada i prostornog uređenja (u daljem tekstu: Ministarstvo) pozdravlja opredjeljenje predlagača da predloži novi Zakon o rudarstvu Federacije BiH, što je bila temeljna preporuka Ministarstva u prethodnom očitovanju na Prednacrt Zakona o izmjenama i dopunama Zakona o rudarstvu Federacije BiH.
2. Ustrajavamo na mišljenju da je donošenje zakonske regulative iz oblasti rudarstva, geoloških istraživanja i oblasti dodjele koncesija nužno, u cilju uspostave efikasnog koordinacijskog mehanizma u oblasti korištenja prirodnih resursa i upravljanja razvojem, i da je nužno ove oblasti regulirati dosljednim i provodivim zakonima, a odredbama istih u značajnoj mjeri približiti se pravnim stečevinama EU.
3. Nije ponuđeno na web stranici obrazloženje uz predloženi Prednacrt, što bi značajno olakšalo razumijevanje predloženih rješenja, pa nije ni potvrđeno da su u Prednacrtu ugrađene odredbe direktiva i uredbi Europskog Parlamenta što imamo obvezu na putu ka pristupanju EU.
4. Ministarstvo, ističe konkretne primjedbe na tekst Prednacrt, i to:
 - U članku 2. nejasno je zašto se dva puta (u točki r. i točki lll) na različit način definira geotermalni energetski izvor, a točke f) i ggg) se ponavljaju.
 - U istom članku u točki e) predlažemo da se dopuni riječima: „ i kao takvo predloženo planskim dokumentom“.
 - Članak 7. definira predmete oko kojih tek treba postići koncezus i, opetovano iznosimo svoje mišljenje koje smo dostavili i na nacrt važećeg Zakona o rudarstvu u postupcima davanja mišljenja u vrijeme kad su tražena mišljenja županijskih/ kantonalnih ministarstva, na odredbu da Vlada Federacije ima pravo donijeti odluku za eksploataciju mineralne sirovine od posebnog interesa. Ova odredba nije precizna, jer ostavlja puno prostora u opredjeljenju što može predstavljati mineralnu sirovinu od posebnog interesa. Ta odredba kako vidimo nije mijenjana ni Prednacrtom.
 - Polazeći od uvida u sadržaj u članku 7. stav Ministarstva je da zakonski okvir nije usuglašen oko podjele nadležnosti upravljanja mineralnim sirovinama između županija i Federacije. Za dobivanje dozvole za eksploataciju za većinu ovih sirovina nije poznat

put kojim investitor treba proći da bi krenuo u eksploataciju. Nisu uvezani propisi, a pokušaj predlagača da se odredbama iz članka 5. uredi ta materija smatramo ne dostatnim.

- Odredbe članka 8. su prema našem mišljenju sporne, jer je mehanizam prijenosa prava na eksploataciju iznesen vrlo neprecizno i ostavlja prostora za mnogo dilema, što nadamo se nije namjera predlagača da donese rješenja koja će u fazi realizacije donijeti i mnogo nedoumica.
- U članku 11. označen u naslovu kao „Eksploatacijsko polje“ nije uopće dat značaj tijelima federalne, županijske niti općinske razine vlasti koja su nadležna za oblast prostornog uređenja. Ipak je trebalo naznačiti da eksploatacijsko polje sa obilježjima koje se navode u članku, kao takvo mora biti prepoznato u planskom dokumentu i to u prostornim planovima županija/kantona i općina, a i u planovima Federacije.
- U članku 14. nije jasno zašto se u Zakonu daje ekskluzivno pravo Federalnom zavodu za geologiju da izrađuje Plan upravljanja mineralnim sirovinama i nema naznaka da županije/kantoni učestvuju u izradi istog, kao ni u izradi Strategije upravljanja sirovinama, jer predlagač na neki način isključuje niže razina vlasti kad je u pitanju upravljanje sirovinama iz nadležnosti Federacije BiH, sa čime se ne slažemo.
- U članku 16. nije u potpunosti definiran pojam rudarskih djelatnosti što će otežati kategoriziranje gospodarskih društava kao i utvrđivanje uvjeta za obavljanje djelatnosti (je li to i prerada i oplemenjivanje mineralnih sirovina), a predlažemo predlagaču da razmotri mogućnost da umjesto propisa predviđenog u stavku 4) istog članka, odredbe o uvjetima za obavljanje rudarske djelatnosti ugradi u Prednacrt, odnosno u novi zakon;
- Kad su u pitanju odredbe o od članka 24 do članka 28. predlažemo da predlagač razmotri ponovo uvjete o radnom iskustvu potrebnom za tehničko rukovođenje. Smatramo da je za obavljanje najsloženijih poslova tehničkog rukovođenja potrebno minimalno pet godina radnog iskustva. Ako predlagač ustrajava na predloženim rješenjima, neophodno je treba napraviti razliku između rukovođenja u različitim vrstama eksploatacije i njihovoj složenosti, o čemu struka treba da iznese svoje mišljenje.
- Primjedbe se odnose i na odredbe članka 39. Prednacrta, o zahtjevu za izdavanje i sadržaj dozvole za eksploataciju, posebice u stavku 1) gdje se tek pod točkom f) navodi okolinska dozvola i urbanistička suglasnost. Poučeni iskustvom, smatramo da mehanizam ishodovanja dozvola ove naravi nije dobro uspostavljen. Bez obzira na nadležnosti županije ili Federacije, općina je ta kojoj se treba obratiti svaki investitor, bez obzira da li urbanističku dozvolu izdaje federalna, kantonalna / županijska ili općinska razina vlasti. Od Prostornih planova kantona/županija i općina sve polazi. Ne može nitko krenuti u poslove izvođenja rudarskih radova bez obraćanja općini ili županiji/ kantonu, u ovisnosti tko izdaje dokumentaciju potrebnu za građenje i izvođenje zahtvata u prostoru. Treba imati na umu da Federacija još nema Prostorni plan, pa i njene nadležnosti u upravljanju, odnosno eksploataciji mineralnih sirovina, dolaze pod upitnu realizaciju. Dozvola za eksploataciju treba prvo da sadrži položaj i točne granice eksploatacijskog polja, i kojim planskim dokumentom prostornog uređenja je potvrđen te dalje podatke o mineralnoj sirovini i ostalo pobrojano u članku 39.(2).
- Predlagač bi trebao da sveobuhvatnije riješi pitanje sanacije prostora odnosno eksploatacijskog polja i čime te potrebne radnje garantira gospodarsko društvo koje eksploatira mineralnu sirovinu (članak 39.(2) točka g. i članak 63. Prednacrta). Provođenje potrebnih mjera sigurnosti na trošak gospodarskog društva u članku 63. (6) nije dovoljno pojašnjen.
- U odredbama članka 40. do članka 44. mehanizam ukidanja dozvole za eksploataciju ne podrazumijeva podnošenje dokaza niti izravnog uvida u eksploatacijsko polje o izvršenoj rekultivaciji i sanaciji područja oštećenog eksploatacijom mineralne sirovine.

- Polazeći od definicije rudarskih radova, te potom definicije rudarskih objekata, predlagač nije učinio dobru poveznicu između članka 44. i članka 8. i 9. i predlažemo da se jasnije definira dozvola za izvođenje radova prema rudarskom projektu.
 - Odredbe članka 45. su u potpunosti sporne, tim još više jer nemamo obrazloženje predloženih odredbi.
5. Ministarstvo i dalje smatra, kao što smo iznijeli u prethodnim obraćanjima da nije zagarantirana sigurnost poslovnim subjektima da ukoliko dobiju koncesiju nad istraživanjem mineralnih sirovina, da će za istu dobiti i koncesiju nad eksploatacijom iste. Ako je takvih slučajeva i bilo do sada, teško je garantirati transparentnost takvih provedenih postupaka. Jasno rečeno, nije uvezano pravo na istraživanje radi ostvarivanja prava na eksploataciju mineralne sirovine.
6. Ministarstvo predlaže predlagaču da razmotri iznesene primjedbe i sugestije a sve u cilju postizanja napretka u predmetnoj oblasti, a predloženi Prednacrt može biti dobra osnova za izradu Nacrta Zakona o rudarstvu Federacije BiH.

S obzirom da se radi o radnoj verziji prednacrta Zakona, te podjeljenoj nadležnosti između Federacije i Županije, te dostavljenog zaključka smatramo da je neophodno nadležna tijela sa razine Županije uključiti u daljnju proceduru usvajanja Zakona o rudarstvu Federacije BiH.

S poštovanjem,



MINISTAR

agutin Živković, dipl.ing.stroj

Ministar/g. Halilčević

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo privrede



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
Министарство привреде

BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
Ministry of Economy

Tuzla, Rudarska br 57. tel: +387 35 369-327, fax: +387 369-332, e-mail: mp@tk.kim.ba, web: mrp.tk.gov.ba, www.vladatk.gov.ba

Broj: 0319-14-2547/19
Tuzla, 12.02.2021. **MINISTARSTVO ENERGIJE, RUDARSTVA I INDUSTRIJE**

154

16-02-2021

06-30-2-1480/20

FEDERALNO MINISTARSTVO ENERGIJE, RUDARSTVA I INDUSTRIJE

Ul. Alekse Šantića
88104 Mostar
Sektor rudarstva

PREDMET: Mišljenje u vezi Prednacrt Zakona o rudarstvu FBiH

Poštovani,

Ministarstvo privrede Tuzlanskog kantona, zaprimilo je Vaš dopis broj: 06-30-2-1480/19 od 07.01.2021. godine, u vezi davanja mišljenja na Prednacrt Zakona o rudarstvu FBiH a koji se odnosi i na Zakon o rudarstvu Tuzlanskog kantona („Službene novine Tuzlanskog kantona“, broj: 14/11 i 8/13).

Nakon izvršene analize navedenog Prednacrt, ovim putem Vam dostavljamo mišljenje za izmjene u obliku „amandmana“ sa obrazloženjem.

Shodno navedenom dostavljamo Vam slijedeće prijedloge i to:

A M A N D M A N A

Amandman I.

U članu 77. (Izrada rudarski projekata) stav (1) iza riječi „privredno društvo“ dodaju se riječi „ili javna ustanova“.

Obrazloženje:

Navedenu izmjenu je potrebno izvršiti radi prijedloga koje su ovom Ministarstvu uputile javne ustanove sa konstatacijom da su diskriminirane, zbog nemogućnosti izrade rudarskih projekata iako ispunjavaju sve uslove za izradu istih, a koji su predviđeni zakonom.

Amandman II.

U članu 123. (Primjena postojećih propisa) poslije tačke „hhhh“ dodaje se nova tačka „iiii“ koja glasi:

HAIR H.

19.02.2021. god.

[Signature]

„liii. Pravilnik o tehničko – zaštitnim merama pri radu na površinskim otkopima uglja, metalnih i nemetalnih mineralnih sirovina („Službeni list FNRJ“, br. 18/61) sa propisima koji su njegov sastavni dio.“

Obrazloženje:

Budući da ni u zadnjem Prednacrtu Zakona o rudarstvu FBiH nije predviđen navedeni Pravilnik i to u članu 123. (Primjena postojećih propisa), ovim putem predlažemo da se razmotri mogućnost primjene Pravilnika o tehničko – zaštitnim merama pri radu na površinskim otkopima uglja, metalnih i nemetalnih mineralnih sirovina koji je objavljen u „Službenom listu FNRJ“, br. 18/61, a u kojem se nalaze propisi za viseće žičane željeznice. stoga Vam isti dostavljamo u prilogu kao kopiju.

Naime, Zakonom o rudarstvu Tuzlanskog kantona („Službene novine Tuzlanskog kantona“ broj: 14/11 i 8/13) određen je inspekcijski nadzor nad provođenjem navedenog zakona, za koji je u nadležan Kantonalni rudarski inspektor.

Ministarstvo privrede Tuzlanskog kantona, je svojim Rješenjem od 26.01.2018. godine, obrazovalo stručnu Komisiju koja je uvidom na licu mjesta dana 01.02.2018. godine, izvršila tehnički pregled: opće i tehničke dokumentacije, stručnih kadrova i rudarskog postrojenja – industrijske, dvoužetne, teretne žičare od RK „VIJENAC“ D.O.O. do Lukavca tj. verifikaciju postojećeg stanja, na Općini Lukavac i o tome sačinila Zapisnik o tehničkom pregledu (rudarskog postrojenja) u privrednom društvu RK „VIJENAC“ D.O.O. Lukavac.

Postupajući po podnesenom zahtjevu, stručna Komisija za tehnički pregled nije utvrdila nedostatke koji bi mogli uticati na odobravanje upotrebe rudarskog postrojenja i verifikaciju postojećeg stanja, te je ovo Ministarstvo utvrdilo da podnosilac zahtjeva ispunio uslove za izdavanje dozvole za upotrebu rudarskog postrojenja – industrijske, dvoužetne, teretne žičare od RK „VIJENAC“ D.O.O. do Lukavca - upotrebna dozvola, u skladu sa članom 34. Zakona o rudarstvu Tuzlanskog kantona.

Kantonalni rudarski inspektor u slučaju navedene dozvole ne može vršiti svoju nadležnost zbog nedostatka u Zakonu u dijelu primjene postojećih propisa tj. nepostojanje Pravilnika o tehničko – zaštitnim mjerama pri radu navedenog rudarskog postrojenja. Sastavni dio navedenog pravilnika čine Propisi o tehničko-zaštitnim merama pri radu na površinskim otkopima uglja, metalnih i nemetalnih mineralnih sirovina („Službeni list FNRJ“, br. 18/61), obzirom da se u istim u dijelu 3. Viseće žičane željeznice, nalaze članovi koji regulišu datu oblast.

Sa ostalim predvidnim izmjena u navedenom Prednacrtu smo saglasni i nemamo dodatnih komentara.

S poštovanjem,

Prilog:

- Kopija Pravilnika o tehničko – zaštitnim merama pri radu na površinskim otkopima uglja, metalnih i nemetalnih mineralnih sirovina „Službeni list FNRJ“, br. 18/61.

DOSTAVITI:

- 1 x Naslovu,
- 1 x Evidencija,
- 1 x a/a.

MINISTAR
Mevludin Hodžić, dipl. ing. maš.



Broj: 06-18-3266-4/21
Bihać, 03.02.2021. godine

FEDERALNO MINISTARSTVO ENERGIJE
RUDARSTVA INDUSTRIJE MOSTAR
Alekse Šantić b.b.
88104 Mostar

Bosna i Hercegovina
Federacija Bosne i Hercegovine
FEDERALNO MINISTARSTVO ENERGIJE
RUDARSTVA INDUSTRIJE MOSTAR

PROJEKAT NO: 08-02-2021

06-30-2-1480/20

PREDMET: Prednacrt Zakona o rudarstvu Federacije Bosne i
Hercegovine – mišljenje, dostavlja se,-
Veza: Vaš akt broj:06-30-2-1480/20 od 07.01.2021. godine

Poštovani,

Sagledali smo tekst predmetnog propisa i Vaš akt, broj i datum gornji, i dajemo slijedeće mišljenje u vidu konstatacija kako slijedi:

- zbog obima izmjena i dopuna, stoga smatramo da je dobro rješenje da se donese novi propis;
- predloženim prednacrtom Zakona preciznije se definišu odredbe koje su na snazi i olakšava se rad nadležnog organa uprave i nadležnih inspeksijskih organa;
- budući da ogroman broj lica koja u pogledu stručne spreme ispunjavaju uslove za poslove rukovodećih tehničkih lica i da imaju radna iskustva u površinskoj eksploataciji a nisu ili ne žele raditi u jamskoj eksploataciji mineralnih sirovina, da im je onemogućena izrada i revizija rudarskih projekata u površinskoj eksploataciji što je vidljivo iz tačaka (3) i (4) prednacrt Zakona o rudarstvu FBiH, te bi to trebalo normirati i razdvojiti kao što je urađeno u članu 25. prednacrt Zakona za površinsku i jamsku eksploataciju (Glavno tehničko rukovođenje u jamskoj i površinskoj eksploataciji);
- iz navedenih razloga iz predhodne alineje predlažemo da se u članu 24. prednacrt Zakona doda tačka (5) koja glasi :“ Poslove i zadatke stručnog rukovođenja pri izradi i reviziji projekata, projektne i druge dokumentacije u površinskoj eksploataciji mogu obavljati lica koja imaju završen VII- stepen stručne spreme, diplomirani inženjer rudarstva – smjer eksploatacioni ili rudarski odnosno visoko obrazovanje prvog ciklusa Bolonjskog sistema studiranja (koje se vrednuje sa 240 ECTS bodova) drugog ili trećeg ciklusa Bolonjskog sistema studiranja – rudarske struke koji imaju najmanje tri godine radnog iskustva na poslovima tehničkog rukovođenja u površinskoj eksploataciji“;

- u članu 25. prednacrtu Zakona u tačkama (1) i (2) normirano je koja lica mogu vršiti poslove glavnog tehničkog rukovodioca i koje uslove za to trebaju ispunjavati u podzemnoj odnosno površinskoj eksploataciji, te tačka (3) je u suprotnosti sa tačkom (2) istog člana i treba je brisati;

- tražimo da sagledate mogućnosti ugradnje, navedenih, naših primjedbi u predloženi tekst prednacrtu Zakona o rudarstvu FBiH;

- saglasni smo sa predloženim tekstom radne verzije prednacrtu Zakona o rudarstvu FBiH i da se pokrene procedura usvajanja istog.

S poštovanjem!



Emir Mujković dipl. pravnik

Dostavljeno:

1. Naslovu

2. Arhiva (registar koncesionara)

3. a/a

Bosna i Hercegovina
Federacija Bosne i Hercegovine
Hercegovačko-neretvanski kanton / županija
Ministarstvo privrede/gospodarstva



126.
Bosnia i Hercegovina
Federacija Bosne i Hercegovine
Hercegovačko-neretvanski županija-kanton

Ministarstvo gospodarstva
Bosna i Hercegovina,

Federacija Bosne i Hercegovine,
**FEDERALNO MINISTARSTVO ENERGIJE,
RUDARSTVA I INDUSTRIJE**
MOSTAR

Broj: 07-02a)-14-1-16- / 21

Mostar, 21. 02. 2021. godine

Dostavljeno		26-02-2021
Preporučeno		
06-30-2-1480/20		

Bosna i Hercegovina
Federacija Bosna i Hercegovina
Federalno ministarstvo energije, rudarstva i industrije
Alekse Šantića bb, Mostar

Predmet: Prednacrt Zakona o rudarstvu Federacije BiH- dostava mišljenja.

Poštovani,

dana 18.01. 2021. godine, ovaj organ zaprimio je dopis, broj: 06-30-2-1480/20 od 07.01.2021. godine, kojem nas pozivate da u ostavljenom roku dostavimo primjedbe, sugestije i prijedloge na Prednacrt Zakona o rudarstvu Federacije Bosne i Hercegovine.

S tim u vezi, u prilogu akta dostavljamo van kopiju mišljenja Inspektorata ovog organa na Prednacrt Zakona o rudarstvu Federacije Bosne i Hercegovine.

S poštovanjem,

Prilog: 1)



Dostavljeno:

☉ Naslovu
- a/a

BiH Mostar, Husnije Repca bb
Tel/Fax: +387 36 551 069

E-mail: minprivrede@gmail.com
www.privredahnk.gov.ba



Broj:07-06-14-25/21
Mostar, 23.2. 2021.godine

Tajništvo
Odjel za pravne poslove

Predmet: Mišljenje na Prednacrt Zakona o rudarstvu F BiH, dostavlja se

1. U članku 2.stavak (1) točka d) riječ rudnik zamijeniti riječju " rudarsko poduzeće,
2. U članku 5. stavak (6) iz riječi na razini Federacije, dodaju se riječi "i odredbe zakona i propisa kojima se uređuje prostorno planiranje i korištenje zemljišta na razini županija- kantona,

Obrazloženje; Za Prostorno planiranje i uređenje zemljišta na prostoru HNŽ-K primjenjuju se Zakon o prostornom planiranju i Zakon o gradnji HNŽ-K.(članak 4. točka f) Poglavlje III Ustava Federacije)

3. U članku 7. stavak (4) brisati jer se ista oblast uređuje Zakonom o koncesijama, a ista odredba je u suprotnosti sa odredbama članka 1.,2., 3. i 4. Poglavlja III Ustava F BiH, te Uredbe o određivanju zahvata u prostoru i građevina za koje Federalno Ministarstvo prostornog uređenja izdaje urbanistiku suglasnosti/ili lokacijsku informaciju,
4. U članku 13. stavak (1) iz riječi sirovinama, dodaje se riječ " iz svoje mjerodavnosti",
U članku 13. stavak (2) iz riječi sirovinama, dodaje se riječ " iz svoje mjerodavnosti"

Obrazloženje; Temeljem odredbi članka 4. Poglavlja III Ustava F BiH, županije- kantoni imaju sve mjerodavnosti koje nisu izričito povjerene federalnoj vlasti pa samim time i donošenje strategije upravljanja mineralnih sirovina iz svoje mjerodavnosti, s time da svoje strategije moraju uskladiti sa strategijom i planom upravljanja višeg reda.

5. U članku 41. stavak (1) iza točke e) dodaje se nova točka f) koja glasi "Kada gospodarsko društvo ode u stečaj"

Obrazloženje; u praksi mammo slučajeva da nositelji eksploatacijskog prava odu u stečaj nakon čaga prave velike probleme, a inspekcija nema mehanizam za poduzimanje mjera.

6. U Poglavlju X (kaznene odredbe) propisati kazne i za fizičke osobe, što ovim Prednacrtom nije učinjeno.

Obrazloženje: U praksi imamo dosta primjera povrede Zakona iz ove oblasti od strane fizičkih osoba, stoga i za iste treba propisati sankciju.


Dostaviti:

1. Naslovu

2 a/a

Glavni županijski inspektor

Dragan Obradović





Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Stamp: FEDERALNO MINISTARSTVO ENERGIJE, RUDARSTVA I INDUSTRIJE
Stamp: 04-03-2021

(185)

Broj: 07-05-14-978-1/21
Sarajevo, 26.02.2021. godine

**FEDERALNO MINISTARSTVO ENERGIJE,
RUDARSTVA I INDUSTRIJE**
A. ŠANTIĆA B.B.
88000 MOSTAR

06-30-2-1480/20

Predmet: Mišljenje, dostavlja se

Aktom, broj: 06-30-2-1480/20 od 07.01.2021. godine, Ministarstvu privrede Kantona Sarajevo ste dostavili radnu verziju Prednacrt zakona o rudarstvu Federacije BiH, te zahtijevali mišljenje nadležnog organa kantona na dostavljeni predloženi tekst radne verzije Prednacrt zakona o rudarstvu Federacije BiH (u daljem tekstu: Prednacrt).

Shodno navedenom, Ministarstvo privrede Kantona Sarajevo se izjašnjava kako slijedi:

U članu 2. stav (1) tačka o) potrebno je interpunkcijski znak: “;” zamijeniti tekстом: “, a za koje je nadležno Ministarstvo izdalo rješenje kojim se odobrava eksploatacija;”.

U članu 2. stav (1) u tački dd) potrebno je interpunkcijski znak: “;” zamijeniti tekстом: “u skladu sa važećim zakonskim propisima iz geologije.”.

U članu 2. stav (1) u tački ee) potrebno je interpunkcijski znak: “;” zamijeniti tekстом: “rješenjem nadležnog Ministarstva, a u skladu sa važećim zakonskim propisima koji regulišu oblast geologije.”.

U članu 2. stav (1) tačka r) i III) je propisano šta je geotermalni energetska izvor. S obzirom da je riječ o jednom pojmu, isti treba biti propisan u jednoj tački člana 2. stava (1) Prednacrt, a ne u dvije, te predlažemo da se koristi definicija iz člana 2. stav (1) tačka III).

U članu 2. stav (1) tačka hhh) propisano je da je privremena obustava rudarskih radova obustava koja traje od trideset dana do jedne godine, a nije propisano šta je obustava rudarskih radova duža od jedne godine. Potrebno je decidno propisati u nastavku predmetne tačke da je obustava rudarskih radova duža od jedne godine konstatovana od strane nadležnog rudarskog inspektora federalne uprave za inspeksijske poslove ili Kantonalne uprave za inspeksijske poslove trajna obustava



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



radova i da je za otpočinjanje rudarskih radova nakon takve obustave privredno društvo obavezno podnijeti zahtjev u skladu sa članom 39. Prednacrta.

U članu 5. stav (6) potrebno je na kraju stava interpunkcijski znak: "." zamijeniti sa: "i kantona na području kojih se planira koristiti ili koristi zemljište za eksploataciju mineralnih sirovina."

U članu 7. stav (1) tačka d) treba da glasi: "geotermalne vode koje se koriste u energetske svrhe;"

U članu 10. stav (2) potrebno je propisati koja dokumenta je potrebno da dostavi podnosilac zahtjeva da bi se pravo na eksploataciju mineralnih sirovina prenijelo sa jednog na drugo pravno lice.

U naslovu člana 11. potrebno je "(Eksplotacionio polje)" zamijeniti "(Eksplotaciono polje)".

Član 14. stav (1) treba izmijeniti da glasi:

"(1) Plan upravljanja mineralnim sirovinama se donosi na osnovu Strategije upravljanja mineralnim sirovinama i njime se određuje način provođenja strategije upravljanja mineralnim sirovinama.

Član 14. stav (2) brisati ".", te zamijeniti tekstem: ". u roku od 12 (dvanaest) mjeseci od donošenja propisa iz člana 14. stav (4)."

Član 14. stav (4) na kraju dodati riječi: ", u roku od šest mjeseci od dana stupanja na snagu ovog Zakona."

Član 16. treba da glasi:

"(1) Rudarsku djelatnost može obavljati privredno društvo upisano u registar društva, koje je organu nadležnom za inspekcijski nadzor dostavilo obavještenje o početku obavljanja djelatnosti i ispunjavanju uvjeta tehničke opremljenosti, zaštite na radu, zaštite i unapređenje životne sredine i drugih uvjeta propisanih za obavljanje te ili tih djelatnosti.

(2) Kada privredno društvo izvođenje radova povjerava drugom privrednom društvu tada je obavezno zaključiti odgovarajući ugovor sa izvođačem radova koji ispunjava propisane uvjete iz stave 1. Ovog člana.

(3) Izvođač radova iz stava 2) može početi sa izvođenjem radova tek kada izvrši obaveze iz stava 1) ovog člana.

(4) Izvođači radova dužni su postupati po odredbama ovog Zakona i provedbenim propisima donesenim na osnovu njega.

(5) Kada privredno društvo povjerava izvođenje radova drugom privrednom društvu oba privredna društva su odgovorna za provođenje svih mjera zaštite na radu, zaštite zdravlja uposlenika, te zaštite od požara i eksplozije.

(6) Propis o uvjetima za obavljanje rudarske djelatnosti donijet će Federalno ministarstvo."

Potrebno je objasniti šta znači član 26. i član 27. stav (4) Prednacrta, tj. da li ovo znači da se za poslove glavnog tehničkog rukovođenja i tehničkog rukovođenja u privrednom društvu koje se bavi bušotinskom eksploatacijom vode mora zaposliti dipl. ing. rudarstva. Smatramo da je nepotrebno privredno društvo opterećavati zapošljavanjem dipl. ing. rudarstva za poslove u ovakvim privrednim društvima, ili je Prednactrom potrebno propisati koliko vremena je obavezan glavni



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



tehnički rukovodilac dnevno provoditi vremena na tom poslu, te je isto potrebno propisati za tehničko rukovođenje.

Član 33. stav (2) iza riječi "ministarstvo" dodati riječi: "tog entiteta Bosne i Hercegovine", a iza riječi: "rudarstva", briše se tačka i dodaje tekst: "i nadzor nad rudarskim radovima i samostalno obavljanje rudarskih mjerenja."

U članu 34. stav (1) iza riječi: "člana 33." dodati se riječi: "stav (1)".

U članu 36. stav (1) iza riječi: "zaposlenika" dodati riječi: "zaštite okoliša, te zaštite imovine i zdravlja trećih lica";

U članu 38. stav (1) potrebno je brisati tačku e).

U članu 38. iza stava (5) potrebno je dodati novi stav (6) koji glasi:

"(6) Federalno ministarstvo izdaje dozvolu za vršenje periodičnih pregleda, mjerenja i ispitivanja oruđa za rad i uređaja, fizičkih, hemijskih i bioloških uticaja i izdavanje odgovarajućih isprava u rudarstvu.", a stav (6) postao bi stav (7).

U članu 38. stav 2) treba brisati tačku: "d)".

U članu 38. stav 3) treba brisati tačku: "d)".

U članu 38. dodati novi stav (7) koji glasi:

"(7) Dozvole iz stava (1) ovog člana i rokovi iz dozvola iz stava (1) ovog člana, u slučaju postojanja više sile (zemljotres, poplava, epidemija, pandemija i sl.) proglašene od strane nadležnog organa uprave, na zahtjev privrednog društva nadležnom ministarstvu mogu se produžiti na rok koji nadležno ministarstvo ocijeni opravdanim."

Član 39. stav 1) tačka b) promijeniti da glasi: "rješenje nadležnog organa kojim se potvrđuju rezerve u skladu sa zakonskim propisima koji regulišu oblast geologije."

Član 39. stav 1) tačka d) dodati tekst: "uključujući ažurirani geodetski snimak prostora za koji se traži dozvola za eksploataciju."

U članu 39. stav (1) tačka e) treba tačno propisati koji su minimalni uslovi koje privredno društvo mora ispunjavati u pogledu tehničke opremljenosti privrednog društva ili izvođača radova kao i stručnoj osposobljenosti zaposlenika za eksploataciju mineralnih sirovina. Predloženom tačkom e) Prednacrt to nije propisano.

U članu 39. stav (1) tačka e) riječ "podatke" potrebno je zamijeniti riječju: "dokaze".

U članu 39. stav 2) tačku e) potrebno je izmijeniti tako da glasi: "e) rok važnosti dozvole u skladu sa važećim zakonskim propisima koji regulišu oblast koncesija, te zaključenim ugovorom o koncesiji";

Član 40. potrebno je izmijeniti tako da glasi: "Nadležno ministarstvo za rudarstvo će rješenjem ukinuti dozvolu ..."

Član 40. tačka e) potrebno je izmijeniti tako da glasi: "e) prestao je da važi ili je iz bilo kojeg razloga raskinut ugovor o koncesiji".

U članu 40. dodati novu tačku f) koja treba da glasi: "f) ukoliko nadležni inspektor utvrdi da je privredno društvo vršilo eksploataciju mineralne sirovine van odobrenog eksploatacionog polja."



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



U članu 41. stav (1) potrebno je dodati novu tačku f) koja glasi: "f) obustavom rudarskih radova dužim od jedne godine, konstatovanim od strane nadležnog rudarskog inspektora federalne uprave za inspeksijske poslove ili Kantonalne uprave za inspeksijske poslove".

U članu 42. potrebno je izbrisati stav (2)

Razloga za brisanje član 42. stav (2) - ukoliko se isti ne bi izbrisao, a privredno društvo podnese zahtjev za produženje dozvole za eksploataciju npr. osamdeset dana prije isteka roka važnosti postojeće dozvole (da li to značilo da će zahtjev privrednog društva biti odbijen i da privredno društvo neće dobiti dozvolu kojom se produžava dozvola za eksploataciju?). U tom slučaju potrebno bi bilo propisati postupak koji će se provesti ukoliko privredno društvo ne postupi po stavu 2) ovog člana Prednacrta.

U članu 43. Prednacrta Zakona o rudarstvu Federacije Bosne i Hercegovine navedeno je da je uz zahtjev za dobijanje dozvole za potpunu i trajnu obustavu eksploatacije privredno društvo obavezno dostaviti potvrdu o revidovanim preostalim rezervama mineralne sirovine, koje je revidovalo privredno društvo ovlašteno od Federalnog ministarstva energije, rudarstva i industrije da može vršiti reviziju geološke dokumentacije u skladu sa važećim zakonskim propisima iz oblasti geologije. Smatramo da je potrebno u konkretnom slučaju navesti da li se misli na revidovane preostale rezerve mineralne sirovine na dan obustave eksploatacije. Također, smatramo da treba propisati koji postupak privredno društvo mora da provodi nakon što donese odluku o potpunoj i trajnoj obustavi eksploatacije, tj. propisati obaveze privrednog društva od dana donošenja odluke o potpunoj i trajnoj obustavi eksploatacije do dana dobijanja dozvole nadležnog organa za potpunu i trajnu obustavu eksploatacije, kao i propisati sadržaj odluke privrednog društva o potpunoj i trajnoj obustavi eksploatacije.

U članu 43. stav (2) tačka f) potrebno je propisati tačan naziv projekta po kojem se vrši sanacija i rekultivacija eksploatacionog područja, da se ne bi pojavila različita tumačenja zakona da li je riječ o glavnom rudarskom projektu ili o projektu sanacije i rekultivacije eksploatacionog područja ili o rudarskom projektu.

Članom 43. Prednacrta Zakona o rudarstvu Federacije Bosne i Hercegovine je propisano da se za dozvolu za potpunu i trajnu obustavu eksploatacije prilaže između ostalog okolinska dozvola. Također, članom 39. je propisano da se uz zahtjev za izdavanje dozvole za eksploataciju prilaže okolinska dozvola. Potrebno je razjasniti da li je riječ o istoj okolinskoj dozvoli. Navedenu dilemu treba razriješiti jer okolinskom dozvolom izdatom u svrhu dobijanja odobrenja za eksploataciju ne propisuju se uslovi u kojima eksploataciono polje mora biti ostavljeno nakon završetka eksploatacije, sanacije i rekultivacije.

Član 44. stav (2) tačka b) propisao je uz zahtjev za dobijanje dozvole za rad po rudarskom projektu potrebno priložiti revidovan rudarski projekt u dva primjerka. Smatramo da je potrebno predmetni projekt dostaviti u tri primjerka, od kojih jedan projekat trajno čuva nadležno ministarstvo, a dva primjerka zadržava privredno društvo.

Član 44. stav (2) tačka c) propisao je da se uz zahtjev za dobijanje dozvole za rad po rudarskom projektu prilaže dokaz o ispunjavanju uslova za izvođenje rudarskih radova. Potrebno je propisati je li predmetni dokaz o ispunjavanju uslova za izvođenje rudarskih radova isti dokaz kao u članu 39. Prednacrta Zakona o rudarstvu Federacije Bosne i Hercegovine, tj. treba tačno propisati koji su minimalni uslovi koje privredno društvo mora ispunjavati u pogledu tehničke opremljenosti



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



privrednog društva ili izvođača radova kao i stručnoj osposobljenosti zaposlenika za eksploataciju mineralnih sirovina, te ko je nadležan da sve navedeno utvrdi.

U članu 44. potrebno je dodati novi stav (5) koji treba da glasi:

“(5) Dozvola za rad po rudarskom projektu se može produžiti na zahtjev privrednog društva uz uslov da privredno društvo dostavi dokumenta iz stava (2) ovog člana, tačke a), b), c), d), e), f), g) i h). Privredno društvo nije obavezno dostaviti dokumente koji su prethodno dostavljeni nadležnom ministarstvu, a isti su još uvijek na snazi i nisu se promijenile okolnosti pod kojima su isti izdati.

U članu 45. potrebno je dodati novi stav (5) koji treba da glasi:

“(5) Privremena dozvola iz st. (1) ili (4) ovog člana može se izdati samo privrednom društvu kojem je već izdato odobrenje za eksploataciju i to na rok koji ne može biti duži od roka do kojeg važi odobrenje za eksploataciju.”

U članu 46. potrebno je propisati sadržaj konačne dozvole, analogno onome što je učinjeno u čl. 39. i 43. ovog Prednacrta Zakona o rudarstvu Federacije Bosne i Hercegovine.

U članu 46. potrebno je u stavu (2) propisati da je rok za propisivanje postupka ispitivanja ispravnosti otkopne metode šest mjeseci od dana donošenja Zakona.

Član 48. stav (6) potrebno je izmijeniti tako da glasi: “(6) Članovi Stručne komisije su i predstavnici organa koji je izdao urbanističku saglasnost i okolinsku dozvolu za vršenje eksploatacije.”

U članu 48. stav (11) tačka a) propisano je da se uz zahtjev za tehnički pregled za dobijanje dozvole za upotrebu rudarskih objekata i postrojenja prilaže rješenje o ispunjavanju uslova za obavljanje registrovane djelatnosti. Smatramo da je potrebno predmetno definisati kao u članu 44. stav (2) tačka c), te kao u članu 39. ovog Prednacrta Zakona o rudarstvu Federacije Bosne i Hercegovine, tj. potrebno je tačno propisati koji su minimalni uslovi koje privredno društvo mora ispunjavati u pogledu tehničke opremljenosti privrednog društva ili izvođača radova kao i stručnoj osposobljenosti zaposlenika za eksploataciju mineralnih sirovina, te ko je nadležan da sve navedeno utvrdi.

Član 48. stav (13). potrebno je izmijeniti tako da glasi: “(13) Način imenovanja članova komisije, obavljanje tehničkog pregleda, sadržaj zapisnika o izvršenom tehničkom pregledu, te naknadu za rad osobama iz st. (5) i (6) uredit će se posebnim pravilnikom koji donosi federalni ministar.

(Član 49. stav (2) Zahtjev za izdavanje dozvole za obavljanje periodičnih pregleda se podnosi Federalnom ministarstvu energije, rudarstva i industrije.) brisati

Član 49. stav (7) potrebno je izmijeniti tako da glasi: “(7) Rješenje kojim se izdaje dozvola za obavljanje periodičnih pregleda donosi Federalno ministarstvo energije, rudarstva i industrije i rješenje je konačno u upravnom postupku i protiv njega se može pokrenuti upravni spor.”

Član 50. potrebno je izmijeniti tako da glasi:

“(1) Okolinska dozvola je upravni akt koji izdaje nadležni organ u skladu sa propisom koji uređuje zaštitu okoliša u Federaciji i kantonu na čijem području se nalazi eksploataciono polje.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



(2) Urbanistička saglasnost je upravni akt koji izdaje nadležni organ u skladu sa propisom koji uređuje prostorno planiranje i korištenje zemljišta u Federaciji i kantonu na čijem području se nalazi eksploataciono polje."

Član 51. stav (1) potrebno je izmijeniti tako da glasi:

„(1) Privredno društvo dužno je provoditi sve mjere zaštite, uključujući mjere zaštite zdravlja na radu, zaštite voda, zaštite okoliša, zaštite imovine i drugih lica (u daljem tekstu: mjere zaštite) u skladu sa odredbama ovoga zakona i propisa donesenih na osnovu njega."

Član 61. stav (1) potrebno je izmijeniti tako da glasi:

„(1) Obustavu rudarskih radova, koja je iznenada nastupila na eksploataciji mineralnih sirovina zbog rudarskih ili privrednih razloga privredno društvo ili izvođač rudarskih radova mora prijaviti Federalnom ministarstvu, odnosno kantonalnom ministarstvu nadležnom za rudarstvo i nadležnoj rudarskoj inspekciji u roku od 24 sata nakon obustave radova, a o datumu ponovnog pokretanja rudarskih radova mora pisanim putem obavijestiti Federalno ministarstvo, odnosno kantonalno ministarstvo nadležno za rudarstvo i nadležnu rudarsku inspekciju najmanje osam dana prije ponovnog otpočinjanja radova."

Smatramo da je potrebno ovaj slučaj obustave razlučiti od privremene obustave iz člana 2. stav (1) tačka hhh) jer se bez obzira što će obustava eventualno trajati kraće od trideset dana ista obustava mora biti prijavljena Federalnom ministarstvu, odnosno kantonalnom ministarstvu nadležnom za rudarstvo i nadležnoj rudarskoj inspekciji. Ukoliko se zadrži propisivanje člana 61. stav (1) kao što je predloženo u Prednacrtu Zakona o rudarstvu Federacije Bosne i Hercegovine privredno društvo neće prijavljivati obustavu rudarskih radova pod izgovorom da u momentu obustave nisu znali da će ista trajati duže od trideset dana ili pod izgovorom da su u momentu obustave smatrali da će obustava trajati duže od jedne godine.

Član 61. stav (4) potrebno je izmijeniti tako da glasi:

„(4) Ako obustava iz st. (1) ili (3) ovog člana traje duže od trideset dana, privredno društvo ili izvođač rudarskih radova dužan je najkasnije u roku od šezdeset dana od početka obustave:

- a) izvršiti mjerenja stanja i dopuniti rudarske planove - karte;
- b) sačiniti zapisnik sa obrazloženjem o uzrocima obustave radova i opasnostima koje su uzrokovale obustavu i
- c) pripremiti plan mjera i aktivnosti radi sprečavanja nastajanja opasnosti koje se mogu pojaviti kod ponovnog otpočinjanja radova."

U članu 61. st. (7) i (8) nisu usaglašeni jer je u stavu (7) propisano da je privremeni prekid izvođenja radova prekid koji ne traje duže od godinu dana, a u stavu (8) stoji da može biti duži od godinu dana. Stav (7) istog člana nije usaglašen sa članom 2. stav (1) tačka hhh).

U članu 61. stav (8) potrebno je propisati ko sačinjava Plan sanacije obzirom da isto Prednacrtom Zakona o rudarstvu Federacije Bosne i Hercegovine nije propisano.

Član 62. stav (3) potrebno je izmijeniti tako da glasi:

„(3) Federalno ministarstvo, odnosno kantonalno ministarstvo nadležno za rudarstvo će imenovati komisiju koja će na licu mjesta provjeriti razloge obustave radova. Privredno društvo mora komisiji



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



predočiti dokumentaciju na osnovu koje je izvodilo radove na eksploataciji mineralnih sirovina i donijelo odluku o potpunoj i trajnoj obustavi izvođenja radova, kao i revidirani rudarski projekt zatvaranja rudarskog objekta na kojem prestaje eksploatacija.”.

U članu 63. stav (1) navedeno je da privredno društvo mora izvršiti konačnu sanaciju zemljišta i rekultivaciju okoliša i otkloniti posljedice nastale pri izvođenju rudarskih radova, a na osnovu projekta sanacije i rekultivacije. Potrebno je propisati da li je predmetni projekt sanacije i rekultivacije zapravo projekt iz člana 43. stav (1) tačka b) Prednacrtu Zakona o rudarstvu Federacije Bosne i Hercegovine, te ako jeste potrebno je taj projekt i u članu 63. stav (1) nazvati onako kako je nazvan u članu 43. stav (1) tačka b) Prednacrtu Zakona o rudarstvu Federacije Bosne i Hercegovine.

Iz razloga nedosljednosti u terminologiji koje će onemogućiti primjenu zakona u praksi, potrebno je izvršiti ispravku u članu 63. stav (5) Prednacrtu Zakona o rudarstvu Federacije Bosne i Hercegovine. Član 63. stav (5) potrebno je izmijeniti tako da glasi:

“(5) Federalno ministarstvo, odnosno kantonalno ministarstvo nadležno za rudarstvo na osnovu obavještenja iz stava 4. ovog člana izvršit će tehnički pregled kojim će se utvrditi da li je sanacija i rekultivacija okoliša izvedena u saglasnosti sa revidovanim rudarskim projektom za obustavu eksploatacije i da li su provedene mjere iz stava 3. ovog člana dovoljne. Federalno ministarstvo, odnosno kantonalno ministarstvo nadležno za rudarstvo će u slučaju ispunjenosti mjera iz stava 3) ovog člana i ispunjenosti uslova propisanih dozvolom iz člana 43. stav (2) Prednacrtu izdati potvrdu privrednom društvu o ispunjenosti uslova propisanih dozvolom iz člana 43. stav (2) Prednacrtu. Ako provedene mjere nisu dovoljne naredit će se privrednom društvu da u određenom roku otkloni utvrđene nedostatke.”.

Član 64. stav (1) potrebno je izmijeniti tako da glasi:

“(1) Prava i obaveze iz dozvola utvrđenih članom 38. ovog Zakona prestaju donošenjem odluke o prestanku prava i obaveza iz člana 38. Zakona koju izdaje isti organ koji je izdao navedene dozvole.

Članu 64. stav (3) potrebno je izmijeniti tako da glasi:

“(3) Rudarski planovi, mjeračke knjige i druga dokumentacija o stanju rudarskih radova nakon donošenja odluke o obustavi eksploatacije moraju se deponovati u arhiv Federacije odnosno arhive kantona, a potvrdu o predaji dokumentacije u nadležni arhiv privredno društvo mora dostaviti Federalnom ministarstvu, odnosno kantonalnom ministarstvu nadležnom za rudarstvo, što je uslov za donošenje odluke iz stava (1) ovog člana.”

Član 75. potrebno je izmijeniti tako da glasi:

“U rudnicima, rudarskim objektima, jamama i površinskim kopovima u kojima je potpuno ili trajno obustavljena eksploatacija mineralnih sirovina može se ponovno pristupiti eksploataciji samo na osnovu postupaka propisanih čl. 39., 44. i 48. Zakona.”.

Smatramo da je potrebno st. (4) i (5) člana 85. spojiti, a sa ciljem da je jasno - da se sa izvođenjem radova može početi (za manje izmjene u projektu za izvođenje radova) - nakon dobijene pisane saglasnosti službe zaštite na radu.

U članu 88. stav (6) potrebno je riječ “federalnog” zamijeniti riječju: “nadležnog”.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



U članu 97. potrebno je brisati stav (2), jer je u članu 98. propisan inspekcijski nadzor nad provođenjem zakona.

U članu 100. stav (1) potrebno je dodati tačku k) koja glasi:

“k) korištenje mineralnih sirovina uz poštivanje važećih zakonskih propisa iz oblasti koncesija.”.

U članu 103. stav (3) iza riječi “Službe mjereništva” treba stajati tekst: “(ukoliko je Služba mjereništva formirana u privrednom društvu), u skladu sa ovim zakonom i opštim aktima privrednog društva odnosno izvođača radova.”.

U članu 107. stav (1) potrebno je dodati tačku f) koja glasi:

“f) privredno društvo vrši eksploataciju mineralne sirovine ili vode suprotno važećim zakonskim odredbama koje tretiraju oblast koncesija ili privredno društvo nije tri uzastopna kvartala uplatilo koncesionu naknadu propisanu ugovorom o koncesiji.”.

U članu 107. stav (1) potrebno je dodati tačku g) koja glasi:

“g) Vršiti eksploataciju mineralne sirovine, a nad istim se provodi stečajni ili likvidacioni postupak.”

U članu 107. stav (1) tačku e) brisati.

U član 108. stav (1) dodati tačku d) koja glasi:

“d) privredno društvo, odnosno izvođač rudarskih radova nije postupio u skladu sa usmeno izrečenim naređenjem inspektora.”.

U članu 112. stav (2) potrebno je riječi: “i 107.” zamijeniti riječima: “, 107. i 108.”.

U članu 114. stav (2) potrebno je riječi: “dozvolom za obustavu eksploatacije” zamijeniti riječima: “dozvolom za potpunu i trajnu obustavu eksploatacije”.

U članu 117. stav (1) tačka m) potrebno je brisati riječi: “ili trajne obustave”.

U članu 117. stav (1) tačka m) potrebno je izbrisati riječi: “u roku utvrđenom u projektu”.

Također član 117. je nedorečen. te se postavlja pitanje - da li u projektu (kako je to predloženo u Prednacrtu Zakona o rudarstvu Federacije Bosne i Hercegovine), treba da bude propisan rok do kada se mora izvršiti konačna sanacija devastiranog zemljišta i rekultivacija devastiranih površina i okoliša nastalih uticajem rudarskih radova, zatim do kada se moraju otkloniti posljedice rudarskih radova i preduzeti potrebne mjere osiguranja za zaštitu života i zdravlja ljudi i imovine, kao i koje se mjere preduzimaju ako se u toku izvođenja rudarskih radova kontinuirano ne vrši sanacija i rekultivacija devastiranog zemljišta. Ako su navedene obaveze privrednog društva određene projektom onda to treba tačno propisati u tački m) stava (1) člana 117. Prednacrtu Zakona o rudarstvu Federacije Bosne i Hercegovine, tj. propisati tačan naziv projekta kojim se propisuje rok za izvršenje konačne sanacije devastiranog zemljišta i propisati tačan naziv projekta kojim se propisuje rok za rekultivaciju devastiranih površina i okoliša nastalih uticajem rudarskih radova.

U članu 117. stav (1) potrebno je dodati novu tačku n) koja glasi:

“n) u roku od četiri mjeseca od obustave radova ne započne sa sanacijom i rekultivacijom devastiranog zemljišta i rekultivacijom devastiranih površina i okoliša nastalom uticajem rudarskih radova ili ne preduzmu potrebne mjere osiguranja i zaštite života i zdravlja ljudi i imovine.”, a tačke n). o). p). q). r). s). t). u) postale bi tačke o). p). q). r). s). t). u). v).



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121. + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



U članu 117. stav (1) potrebno je dodati tačku v) koja glasi:

“v) privredno društvo vrši eksploataciju mineralne sirovine ili vode suprotno važećim zakonskim odredbama koje tretiraju oblast koncesija.”.

U članu 117. stav (1) potrebno je dodati tačku z) koja glasi:

“z) Vršiti eksploataciju mineralne sirovine, a nad istim se provodi stečajni ili likvidacioni postupak.”.

Član 117. stav (2) potrebno je da glasi:

“(2) Odgovorna osoba u pravnoj osobi biće kažnjena za svaki prekršaj iz stava (1) pojedinačno, a kumulativno u maksimalnom iznosu od **12.000 KM.**”

Član 118. stav (1) tačka a) je neusklađena sa članom 61. Prednacrtu Zakona o rudarstvu Federacije Bosne i Hercegovine vezano za rokove prijave obustave, te je navedeno potrebno uskladiti.

Potrebno je dodati član 124. koji glasi:

“Član 124.


(Rodna neutralnost izraza)

Odredbe ovog zakona odnose se podjednako na lica muškog i ženskog pola, bez obzira na rod imenice upotrijebljene u tekstu Zakona.”, a član 124. postao bi član 125.

Smatramo da je potrebno da Prednacrt Zakona o rudarstvu Federacije Bosne i Hercegovine mora detaljnije da propiše postupak sanacije i rekultivacije prostora obuhvaćenog radovima eksploatacije mineralnih sirovina. Postupak sanacije i rekultivacije mora biti propisan za svaku vrstu obustave radova eksploatacije mineralnih sirovina, tj. mora biti propisano za koje vrste obustave se ne vrši sanacija i rekultivacija, za koje vrste obustave se vrši sanacija i rekultivacija, koji su rokovi za izradu projekata sanacije i rekultivacije, koji su rokovi za početak radova sanacije i rekultivacije i koji su rokovi za završetak poslova sanacije i rekultivacije.

Dalje, smatramo da je Prednacrt Zakona o rudarstvu Federacije Bosne i Hercegovine, koji ste nam dostavili uz Vaš akt. broj: 06-30-2-1480/20 od 07.01.2021. godine, odličan osnov za dalju pripremu Zakona o rudarstvu, a za koju pripremu će i Kanton Sarajevo dati svoj doprinos.

S poštovanjem.



Dostaviti:

1. Naslovu
2. Evidencija
3. a/a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1






Broj: 05-04-02-360/21
Travnik, 19.02.2021.god.

Ministar/g. Halilović

Bosna i Hercegovina
Federacija Bosne i Hercegovine
FEDERALNO MINISTARSTVO ENERGIJE,
RUDARSTVA I INDUSTRIJE



Federalno ministarstvo energije, rudarstva i industrije
A.Šantića b.b.
88 000 Mostar

Predmet: Dostava mišljenja na Prednacrt Zakon o rudarstvu F BiH

U prilogu akta dostavljamo vam mišljenje na Prednacrt Zakon o rudarstvu F BiH koje je Vlada Srednjobosanskog kantona, na prijedlog Ministarstva privrede, usvojila na 73. sjednici održanoj 18.02.2021.god.

Prilog:

- Zaključak Vlade Srednjobosanskog kantona br: 01-04.1-1110/2021-2 od 18.02.2021.

S poštovanjem,



Na osnovi članka 31. Zakona o Vladi Kantona Središnja Bosna (Službene novine Kantona Središnja Bosna, broj 5/03- prečišćeni tekst i 14/03), Vlada Kantona Središnja Bosna, na 73. sjednici, održanoj 18. 2. 2021. godine, razmatrajući Ad.2.Mišljenje na Prednacrt zakona o rudarstvu Federacije Bosne i Hercegovine, donosi

ZAKLJUČAK

I.

Vlada Kantona prihvata prijedloge, sugestije i primjedbe Ministarstva gospodarstva izrađene u formi Amandmana na Prednacrt zakona o rudarstvu Federacije Bosne i Hercegovine izrađen od strane Federalnog ministarstva energije, rudarstva i industrije:

Amandman I.

U članu 7. stavovi 2. i 3. Zakona mijenjaju se i glase:

« Upravljanje mineralnim sirovinama iz člana 7. stav 1. tačka c). i d). ovog Zakona vrši Federalno ministarstvo nadležno za rudarstvo (u daljnjem tekstu: Federalno ministarstvo).

Upravljanje mineralnim sirovinama iz člana 7. stav 1. tačke a)., b)., e)., f). i g). ovog Zakona vrše kantonalna ministarstva nadležna za rudarstvo (u daljnjem tekstu: Kantonalno ministarstvo).»

Obrazloženje:

Držimo da sve vrste soli i solnih voda, podzemne vode i gasovi koji se s njima javljaju te mineralne i geotermalne vode iz kojih se mogu pridobivati mineralne sirovine ili koristiti akumulirana toplina u energetske svrhe, osim mineralnih i geotermalnih voda koji se koriste u ljekovite, balneološke i rekreativne svrhe ili kao voda za piće i druge namjere, na koje se primjenjuju propisi o vodama treba da su u nadležnosti Federacije, a sve ostale mineralne sirovine trebaju biti u nadležnost kantona uključujući energetske mineralne sirovine kao i mineralne sirovine iz kojih se mogu proizvoditi metali i njihova jedinjenja.

Amandman II.

U članu 11. stav 2. Zakona mijenja se i glasi:

« Eksploatacijsko polje nalazi se unutar granica utvrđenih ugovorom o koncesiji.»

Obrazloženje:

Potrebno je da eksploatacijsko polje bude usklađeno sa ugovorom o koncesiji, a ne sa istražnim prostorom jer može se desiti da potreban prostor za rudarske objekte i infrastrukturu budu izvan istražnog prostora.

Amandman III.

Član 13. Zakona mijenja se i glasi:

«Strategiju upravljanja mineralnim sirovinama iz člana 7. stav 1. tačka c). i d). ovog Zakona priprema Federalno ministarstvo, a za mineralne sirovine iz člana 7. stav 1. tačke a)., b)., e)., f). i g). ovog Zakona priprema Kantonalno ministarstvo.

Strategije upravljanja mineralnim sirovinama iz stava 1. ovog člana na prijedlog nadležnog ministarstva usvajaju Vlada FBiH i Vlade Kantona.

Detaljan sadržaj i način izrade strategije upravljanja mineralnim sirovinama propisuju federalni odnosno kantonalni ministri nadležni za rudarstvo prema odredbama člana 7. stavovi 2. i 3. ovog Zakona.»

Obrazloženje:

Članovima 4. i 7. stav (2) i (3) ovog Zakona je utvrđeno upravljanje mineralnim sirovinama, definicija mineralnih sirovina te nadležnost upravljanja istim.

Članom 13. Prijedloga Zakona nadležnost izrade strategije upravljanja i pratećih propisa dana je federalnoj vlasti što je u suprotnosti sa članovima 4. i 7. stav (3) Zakona gdje je utvrđena nadležnost kantona za upravljanje za određene mineralne sirovine.

Amandman IV.

U član 14. stavovi 3. i 4. Zakona mijenjaju se i glase:

«Na prijedlog Federalnog zavoda, plan upravljanja mineralnim sirovinama usvajaju Vlada FBiH i Vlade Kantona u skladu sa nadležnostima iz člana 7. stav 2. i 3. ovog Zakona.

Detaljan sadržaj i način izrade plana upravljanja mineralnim sirovinama propisat će federalni i kantonalni ministri nadležni za rudarstvo prema odredbama člana 7. stav 2. i 3. ovog Zakona.»

Obrazloženje:

Isto kao i za član 13. jer strategija i planovi upravljanja moraju da budu osnova za izradu dokumenta Politike dodjele koncesija.

Amandman V.

U članu 16. stav 1. Zakona mijenja se:

«Rudarsku djelatnost može obavljati privredno društvo upisano u registar društava i koje ima akt o ispunjavanju uvjeta za obavljanje rudarske djelatnosti. Akt o ispunjavanju uvjeta za obavljanje djelatnosti izdaje Federalno ili

Kantonalno ministarstvo u skladu sa nadležnosti iza člana 7. stav 2. i 3. ovog Zakona.»

Obrazloženje:

Stav (1) član 16. Zakona nije usuglašen sa članom 6. Zakona o gospodarskim društvima (Sl. novine FBiH, broj 81/15). Predložena odrednica Zakona da se nadležnom organu za inspekcijski nadzor dostavi obavještenje o početku obavljanja djelatnosti u novom Zakonu o privrednim društvima nije utvrđena. Ovim članom se zakonski utvrđuje da će federalni ministar kod izrade propisa o uvjetima za obavljanje rudarske djelatnosti utvrditi da akt o ispunjavanju uvjeta društvima izdaju federacija i kantoni u skladu sa članom 7. stav 2. i 3.

Amandman VI.

U stavovima 5. i 6. člana 21. Zakona ispred riječi: «rudarski inspektor» dodaje se riječ: «nadležni».

Obrazloženje:

Ispravlja se tehnička greška u Zakonu, a precizira se nadležni inspektor u skladu sa članom 7. stav 2. i 3.

Amandman VII.

U članu 38. stavovi 2. i 3. Zakona mijenjaju se i glase:

«Dozvole iz stava 1. ovog člana tačke a)., b)., c)., d)., f). i g). za mineralne sirovine iz člana 7. stav 1. tačka c). i d). ovog Zakona izdaje Federalno ministarstvo.

Dozvole iz stava 1. ovog člana tačke a)., b)., c)., d)., f). i g). za mineralne sirovine iz člana 7. stav 1. tačke a)., b)., e)., f). i g). ovog Zakona izdaje Kantonalno ministarstvo.»

U stavu 5. iza riječi «Federalno ministarstvo» dodaju se riječi: «uz suglasnost kantona na čijem području se nalazi eksploatacijsko polje.»

Obrazloženje:

Isto kao i za član 7.

Amandman VIII.

U Članu 44. stav 2. tačku h). Zakona treba brisati.

Obrazloženje:

Predložena tačka h). vodna suglasnost je već sastavni dio urbanističke suglasnosti te je nije potrebno posebno isticati.

Amandman IX.

U članu 48. u stavu 7. Zakona ispred riječi: «rudarske inspekcije» dodaje se riječ: «nadležne»

Obrazloženje:

Isto kao i za član 21.

Amandman X.

U članu 49., 78. i 82. Zakona treba brisati uvjete koje treba da ispunjavaju društva za obavljanje periodičnih pregleda, izradu rudarskih projekata i reviziju rudarskih projekata već ti uvjeti treba da budu u propisu o uvjetima za obavljanje rudarske djelatnosti iz člana 16. ovog Zakona.

Obrazloženje:

U pravilniku o uvjetima za obavljanje rudarske djelatnosti koji u skladu sa Zakonom o privrednim društvima donosi Federalno ministarstvo treba definirati sve uvjete za društva koja se bave rudarskim djelatnostima

Amandman XI.

Član 97. Zakona mijenja se i glasi:

«Nadzor nad provođenjem ovog Zakona i propisa donesenih na osnovu ovog Zakona vrše Federalno i kantonalna ministarstva prema nadležnostima utvrđenim u članu 7. stav 2. i 3. ovog Zakona.

Inspekcijski nadzor iz nadležnosti Federacije iz člana 7. stav 2. ovog Zakona vrše federalni rudarski inspektori na osnovu ovog i posebnog zakona, a iz nadležnosti Kantona iz člana 7. stav 3. ovog Zakona vrše kantonalni rudarski inspektori na osnovu Kantonalnog zakona o rudarstvu i posebnog zakona.»

Obrazloženje:

Nadzor i inspekcijski nadzor treba da obavljaju federacija i kantoni u okviru svojih nadležnosti te ne treba da dolazi do preklapanja istih. Izbjegavanjem korištenja termina «uprava za inspekcije» izbjegava se nužnost mijenjanja ovog zakona mijenjanjem organizacije inspekcija u federaciji i kantonima.

Amandman XII.

Članovi 117., 118. i 119. ovog Zakona u stavovima 1. predviđaju visinu kazne za prekršaje koje su ne srazmjerno visoke. Predlažemo da kazna:


- u stavu 1. člana 117. bude od 5.000,00 do 10.000,00 KM.
- u stavu 1. člana 118. bude od 2.500,00 do 5.000,00 KM
- u stavu 1. člana 119. bude od 1.000,00 do 5.000,00 KM.

Predlažemo da kazna za odgovorna lica u pravnom licu u članovima 117., 118. i 119. bude od 200,00 do 500,00 KM.

II.

Zadužuje se Ministarstvo gospodarstva da ovaj Zaključak dostavi Federalnom ministarstvu energije, rudarstva i industrije.

Broj: 01-04.1-1110/2021-2
Travnik: 18.2.2021.




PREDSJEDNIK VLADE KANTONA

Tahir Lendo, dipl.ing.



Bosna i Hercegovina
FEDERACIJA BOSNE I HERCEGOVINE
HERCEGBOSANSKA ŽUPANIJA
V L A D A
URED PREDSEDNIKA VLADE
L I V N O

Broj: 16-01-02±6/21
Datum: 30.ožujak 2021. godine



**Federalno ministarstvo energije,
rudarstva i industrije**

Predmet: Mišljenje na Prednacrt zakona o rudarstvu Federacije BiH – dostavlja se
Veza: Vaš dopis broj: 06-30-2-1480/20 od 08.03.2021.godine.

Poštovani,

U privitku akta dostavljamo Vam Mišljenja Ministarstva gospodarstva Hercegbosanske županije i Uprave za inspekcijske poslove Hercegbosanske županije na Prednacrt zakona o rudarstvu Federacije Bosne i Hercegovine.


S poštovanjem,

Privitak: kao u tekstu

Dostaviti:

- naslovu
- a/a

AMIR H.
01.04.2021. god.
[Signature]





Bosna i Hercegovina
FEDERACIJA BOSNE I HERCEGOVINE
HERCEGBOSANSKA ŽUPANIJA
MINISTARSTVO GOSPODARSTVA
LIVNO

24. 3. 2021
16-01-02-6/21

Broj:

05-01-02-4/21

Dana:

22.03.2021. godine

URED PREDSEDNIKA
VLADE

PREDMET : Mišljenje na Prednacrt zakona o rudarstvu Federacije BiH, dostavlja se

Veza : Vaš akt , broj 16-01-02-6/21 od 13.02.2021.

Poštovani,

U privitku akta dostavljamo Vam Prednacrt Zakona o rudarstvu Federaciju BiH, broj:06-30-2-1480/20 od 07.01.2021. ,mišljenja i primjedbe Ministarstva gospodarstva Hercegbosanske županije.

Privitak: kao u tekstu

Dostaviti:

- 1 Imenovani
- 2 Ministarstvo gospodarstva
- 3.Pismohrana



MINISTRICA GOSPODARSTVA

Dijana Puzigaća

Zyckera

PRIMJEDBE NA PREDNACRT ZAKONA O RUDARSTVU FEDERACIJE BOSNE I HERCEGOVINE

Temeljem članka III. 2. i 3. Ustava Federacije Bosne i Hercegovine utvrđene su zajedničke nadležnosti Federacije Bosne i Hercegovine i županija za oblast korištenja prirodnih bogatstava, što znači da zajedničke nadležnosti mogu biti ostvarene zajednički ili odvojeno ili od strane županija koordinirano od federalne vlasti ali uvijek dogovorom na trajnoj osnovi.

Hercegbosanska županija je donijela Zakon o rudarstvu („Narodne novine HBŽ-je“, broj: 12/01), kojim je uređen način i postupak eksploatacije mineralnih sirovina na području hercegbosanske županije kao i Pravilnike koji proizlaze iz navedenog zakona, a Zakon o rudarstvu Federacije Bosne i Hercegovine je donesen značajno kasnije 13.5.2010. godine.

Analizirajući predloženi Prednacrt Zakona o rudarstvu Federacije Bosne i Hercegovine, dajemo svoje primjedbe i prijedloge u obliku amandmana sa obrazloženjem.

Amandman I.

Primjedbe na članak 7 stavak (2),(3),(4)

Prijedlog:

(2) Upravljanje mineralnim sirovinama iz člana 7. stavak (1) ovog zakona vrši Federalno ministarstvo energije, rudarstva i industrije i županijska ministarstva nadležna za rudarstvo.

Stavak (3) se briše

Stavak (4) se briše

Obrazloženje:

Smatramo da sve mineralne sirovine trebaju biti i u nadležnost županija.

Razlog je spomenut tj. problematika zajedničke nadležnosti. Ovim prednacrtom zakona oduzet je dio postojeće županijske nadležnosti nad mineralnim sirovinama.

Amandman II.

Primjedba na članak 13.

Prijedlog:

(1) Strategiju upravljanja mineralnim sirovinama iz članka 7. ovog zakona priprema Federalno ministarstvo zajedno županijsko ministarstvo.

- (2) Strategije upravljanja mineralnim sirovinama iz stavka (1) ovog člana na prijedlog nadležnih ministarstava usvajaju Vlada Federacije Bosne i Hercegovine i Vlade Županija.
- (3) Detaljan sadržaj i način izrade strategije upravljanja mineralnim sirovinama propisuju federalni odnosno županijski ministri nadležni za rudarstvo prema odredbama člana 7. ovog Zakona.

Obrazloženje:

Ako je zakonom čl 7. utvrđeno upravljanje mineralnim sirovinama, onda je i nadležnost izrade strategije upravljanja i pratećih propisa dana istima

Amandman III.

Primjedba na stavak (3) i (4) članka 14.

Prijedlog:

- (3) Na prijedlog Federalnog zavoda, plan upravljanja mineralnim sirovinama usvajaju Vlada Federacije Bosne i Hercegovine i Vlade županija u skladu sa nadležnostima iz članka 7. ovog zakona.
- (4) Detaljan sadržaj i način izrade plana upravljanja mineralnim sirovinama propisat će federalni i županijski ministri nadležni za rudarstvo prema odredbama članka 7.

Obrazloženje:

Isto kao i za članak 13.

Amandman IV.

Primjedba na stavak (1) i (4) članka 16.

Prijedlog:

- (1) Rudarsku djelatnost može obavljati gospodarsko društvo upisano u registar društava i koje ima akt nadležnog organa o ispunjavanju uvjeta za obavljanje rudarske djelatnosti. Akt o ispunjavanju uslova za obavljanje djelatnosti izdaje Federalno ministarstvo i županijska ministarstva u skladu sa nadležnosti iz članka 7. ovog Zakona.»
- (2) Propis o uvjetima za obavljanje rudarske djelatnosti donijet će Federalno ministarstvo i županijska ministarstva nadležna za rudarstvo prema odredbama članka 7.

Amandman V.

Primjedba na članak 23.

Nedostaje naziv članka.

Amandman VI.

Primjedba na članke 23., 25., 26., 27. i 32.

Prijedlog:

U svim člancima iza riječi diplomirani inženjer rudarstva izbrisati smjerove.

Obrazloženje:

Smatramo da nema potrebe precizirati smjerove rudarstva iz razloga što neki fakulteti nemaju smjerove takve vrste, neki imaju samo opći smjer rudarstvo, a diplomiranih inženjera rudarstva na tržištu rada fali, te sve manje studenata upisuje rudarski fakultet.

Amandman VII.

Primjedba na stavak (2) članka 33.

Prijedlog:

(2) Stručni ispit položen prema odredbama Zakona o rudarstvu Županija u Federaciji BiH, te stručni ispit položen prema odredbama Zakona o rudarstvu Republike Srpske za koji je ministarstvo nadležno za rudarstvo izdalo odgovarajuće uvjerenje, priznaje se u Federaciji Bosne i Hercegovine kao ispit za tehničko rukovođenje u oblasti rudarstva.“

Obrazloženje:

Ako se prizna položen stručni ispit u Republici Srpskoj zašto ne priznati i stručne ispite položene u Županijama Federacije BiH.

Amandman VIII.

Primjedba na stavak (1) i (2) članka 34.

Prijedlog:

(1) Stručni ispit iz članka 33. polaže se pred komisijom koju mogu imenovati federalni ministar i županijski ministri.

(2) Program stručnog ispita, te uvjete, način i troškove polaganja stručnog ispita provedbenim propisom utvrdit će federalni ministar i županijski ministri.

Obrazloženje:

Županijskim Zakonom o rudarstvu određeni su i pravilnici koji proizlaze iz navedenog zakona, koji su urađeni i u kojima stoji da se stručni ispit polaže pred županijskom stručnim povjerenstvom.

Amandman IX.

Primjedba na stavak (2) i (3) članka 38.

Prijedlog:

- (2) Dozvole iz stavka (1) ovog članka tačke a),b),c),d),e),f).i g). za mineralne sirovine iz članka 7. ovog Zakona izdaje Federalno ministarstvo i županijska ministarstva
(3) ,(4) Brišu se

Obrazloženje:

Kao kod članka 7.

Amandman X.

Primjedba na članak 97.

Prijedlog:

- (1)Nadzor nad provođenjem ovog Zakona i propisa donesenih na osnovu ovog Zakona vrši Federalno ministarstvo i županijska ministarstva
(2)Inspekcijski nadzor vrše Federalne i Županijske uprave za inspekcijske poslove temeljem ovog zakona i Zakona o inspekcijama u Federaciji BiH

Amandman XI.

Primjedba na stavak (1) članka 99.

Prijedlog:

- (1)Poslove rudarskog inspektora (u daljnjem tekstu: inspektor) može obavljati osoba koja ima visoku stručnu spremu rudarskog smjera ili visoko obrazovanje prvog ciklusa Bolonjskog sistema studiranja (koji se vrednuje sa 240 ECTS bodova) drugog ili trećeg ciklusa Bolonjskog sistema studiranja rudarskog smjera, najmanje tri godine radnog iskustva na poslovima tehničkog rukovođenja u gospodarskim društvima koja se bave eksploatacijom mineralnih sirovina, položen stručni ispit za tehničko rukovođenje u rudarstvu i koje ispunjava uvjete iz važećeg Zakona o inspekcijama.

Obrazloženje:

Smatramo da rudarski inspektor treba biti rudarske struke a ne neke druge struke.
U nekim člancima se preciziraju smjerovi rudarski a u ovom članku se daje mogućnost da rudarski inspektor bude neke druge struke.

Iz naprijed navedenog predloženi tekst Zakona nije prihvatljiv, a razlog je problematika zajedničke nadležnosti između Federacije Bosne i Hercegovine i županija ili točnije podjela nadležnosti, jer naprosto ovim predloženim prednacrtom zakona oduzet je dio nadležnosti Hercegbosanske županije.Ponavljamo da Hercegbosanska županija ima svoj zakon o rudarstvu po kojem radi.



Bosna i Hercegovina
FEDERACIJA BOSNE I HERCEGOVINE
HERCEGBOSANSKA ŽUPANIJA
UPRAVA ZA INSPEKCIJSKE POSLOVE
LIVNO

50

19 3 2021

16 01 02 - 6 / 21

Broj: 19-03-14-1-0065/21-002
Datum, 17. 3. 2021. godine

VLADA HERCEGBOSANSKE ŽUPANIJE
Ured Predsjednika Vlade
PREDSTOJNIK UREDA

PREDMET: Mišljenje na Prednacrt Zakona o rudarstvu F BiH, dostavlja se

Prijedlozi na Prednacrt Zakona o rudarstvu F BiH:

1. U članku 5. Stavak (6) iz riječi na razini Federacije, dodaju se riječi „i odredbe zakona i propisa kojima se uređuje prostorno planiranje i korištenje zemljišta na razini županija-kantona“
Obrazloženje: Za prostorno planiranje i uređenje zemljišta na prostoru HBŽ primjenjuju se Zakon o prostornom uređenju HBŽ („Narodne novine HBŽ“ br.12/04 (članak 4,5,6)).
2. U članku 7. stavak (4) brisati jer se ista oblast uređuje Zakonom o koncesijama, a ista odredba je u suprotnosti sa odredbama članka 1,2,3 i 4 Poglavlja III Ustava F BiH, te Uredbe o određivanju zahvata u prostoru i građevina za koje Federalno Ministarstvo prostornog uređenja izdaje urbanističku suglasnost/ili lokacijsku informaciju.
3. U članku 13. Stavak (1) iza riječi sirovinama, dodaje se riječ „iz svoje mjerodavnosti“, U članku 13. Stavak (2) iza riječi sirovinama, dodaje se riječ „iz svoje mjerodavnosti“,
Obrazloženje: Temeljem odredbi članka 4. Poglavlja III Ustava F BiH, županije-kantoni imaju sve mjerodavnosti koje nisu izričito povjerene Federalnoj vlasti pa samim time i donošenje strategije upravljanja mineralnim sirovinama iz svoje mjerodavnosti, s tim da svoje strategije moraju uskladiti sa strategijom i planom upravljanja višeg reda.
4. U članku 41. Stavak (1) iza točke e) dodaje se nova točka f) koja glasi „kada gospodarsko društvo ode u stečaj“.

Na području Hercegbosanske županije na snazi je Zakon geološkim istraživanjima Hercegbosanske županije i Zakon o rudarstvu Hercegbosanske županije („Narodne novine HBŽ“ br. 12/01, 20.11.2001).

Na području Federacije BiH na snazi je Zakon geološkim istraživanjima Federacije BiH („Službene novine F BiH“ br.9/10, 26.02.2010., Ispravak br.14/10, 22.03.2010. godine), te Zakon o rudarstvu Federacije BiH („Službene novine F BiH“ br.26/10, 05.05.2010.godine)

U cilju što efikasnijeg provođenja inspeksijskog nadzora, a uzimajući u obzir interese Županije, trebalo je ove Zakone uskladiti (niža razina sa višom):

A. Zakon o geološkim istraživanjima HBŽ ("Narodne novine HBŽ" br. 12/01) sa Zakonom o geološkim istraživanjima u Federaciji BiH („Službene novine F BiH“ br.9/10, 26.02.2010., Ispravak br.14/10, 22.03.2010. godine)

B. Zakon o rudarstvu HBŽ ("Narodne novine HBŽ" br. 12/01) sa Zakonom o rudarstvu u Federaciji BiH („Službene novine F BiH“ br.26/10, 05.05.2010.) odnosno sa novim Zakonom

Budući da to nije urađeno u zakonski predviđenom roku unatoč dopisima od strane Uprave za inspeksijske poslove, molimo Vas da to uradite po donošenju predloženog Zakona o rudarstvu FBiH.

S poštovanjem,

1. Naslovu,
2. Evidencija,
3. a/a



Županijski rudarsko-geološki inspektor


Zoran Brešić, dipl.ing.rud.



Bosnia and Herzegovina
Federation of Bosnia and Herzegovina
Bosnian - podrinje canton Goražde
GOVERNMENT OF CANTON

Broj: 03-02-239-1/21
Goražde, 16.02.2021. godine

FEDERALNO MINISTARSTVO ENERGIJE,
RUDARSTVA I INDUSTRIJE
Ul. Alekse Šantića,
Mostar 88104

1910
FEDERALNO MINISTARSTVO ENERGIJE,
RUDARSTVA I INDUSTRIJE

17-02-2021

06-30-2-1480/20

PREDMET: Dostavlja se ; -

Poštovani,

U prilogu akta dostavljamo Vam Zaključak Vlade Bosansko-podrinjskog kantona Goražde broj: 03-02-239/21 od 12.02.2021. godine i Mišljene Ministarstva za privredu Bosansko-podrinjskog kantona Goražde na Prednacrt Zakona o rudarstvu FBiH, u kojem nema primjedbi na isti.

S poštovanjem!

DOSTAVLJENO:

1. Naslovu,
2. Evidenciji,
3. a/a

SEKRETAR

Enir Sijerčić dipl.iur.

17.02.2021. g.s.
[Signature]

Bosna i Hercegovina
Federacija Bosne i Hercegovine
Bosansko-podrinjski kanton Goražde
VLADA KANTONA

Broj: 03 - 02-239 /21
Goražde, 12.02.2021.godine

Na osnovu člana 23. Zakona o Vladi Bosansko-podrinjskog kantona Goražde («Službene novine Bosansko-podrinjskog kantona Goražde», broj: 8/15), Vlada Bosansko-podrinjskog kantona Goražde na 78. redovnoj sjednici, održanoj dana 12.02.2021.godine, **donosi:**


ZAKLJUČAK

1. Vlada Bosansko – podrinjskog kantona Goražde razmatrala je Mišljenje Ministarstva za privredu Bosansko – podrinjskog kantona Goražde na Prednacrt Zakona o rudarstvu Federacije Bosne i Hercegovine, na isti nema primjedbi i upućuje ga Federalnom Ministarstvu energije, rudarstva i industrije.

2. Zaključak stupa na snagu danom donošenja.

DOSTAVLJENO:

1. Premijeru BPK-a Goražde;
2. Ministarstvima – svim;
3. Evidenciji i
4. a/a.





Broj: 04-22-88-1 21
Goražde, 09.02.2021. godine

VLADA BPK GORAŽDE
n/r Sekretara

PREDMET: Mišljenje, d o s t a v l j a s e - ,

Vašim aktom broj: 03-22-49-1/20 od 18.01.2021.godine, dostavljen je ovom organu Prednacrt Zakona o rudarstvu FBiH na mišljenje. U vezi sa naprijed navedenim, dostavljamo Vam slijedeće mišljenje:

Predloženi tekst Prednacrta Zakona o rudarstvu FBiH predstavlja dobru polaznu osnovu za njegovo donošenje u daljoj proceduri, a u cilju što kvalitetnije pripreme ovog propisa, imali bi par sugestija za koje smatramo da su opravdane i da bi trebale biti unesene u ovaj propis.

Konkretno, smatramo da bi se u člamu 53. (Okolinska dozvola i urbanistička saglasnost) trebao dodati stav 3. koji bi glasio „U postupku izdavanja urbanističke saglasnosti nadležni organ treba pribaviti i druge saglasnosti koje se tiču propisa iz oblasti voda i vodnih akata, akata koji regulišu korištenje šume i šumskog zemljišta i akata koji regulišu korištenje poljoprivrednog zemljišta“.

Naime, smatramo da bi predložena odredba stava 3. imala svoju opravdanost kroz izdavanje urbanističke saglasnosti na način da se u postupku izdavanja urbanističke saglasnosti obavezno pribave vodni akti koji proizilaze iz Zakona o vodama, akti propisani Zakonom o šumama i akti koji se odnose na korištenje poljoprivrednog zemljišta. Ovo sve govorimo u cilju potpunijeg definisanja pravne norme kako se ne bi došlo u situaciju da nadležni organi za izdavanje urbanističke saglasnosti zanemare postojanje propisa koji regulišu pitanje vodnih akata, pretvorbe šumskog zemljišta, te korištenja i pretvorbe poljoprivrednog zemljišta.

Takođe, smatramo da treba izmijeniti predloženi član 126. (Kantonalni propisi) na način da se kantonima ostavi mogućnost donošenja kantonalnog Zakona o rudarstvu bez da se donošenje istog propisuje kao dužnost i obaveza, jer smatramo da svaki kanton u odnosu na svoju specifičnost može donijeti kantonalni zakon ili primjenjivati federalni Zakon. Obaveza donošenja kantonalnog zakona sama po sebi iziskuje dodatne troškove za budžete kantona, a ostavljanjem mogućnosti donošenja kantonalog zakona ili primjena federalnog bi bila pogodnija za kantone.

S poštovanjem!

DOSTAVLJENO:

1. Naslovu,
2. Evidenciji,
3. a/a

MINISTAR

mr.sc. Adnan Arnaut



BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ENERGIJE,
RUDARSTVA I INDUSTRIJE
Alekse Šantića bb
88 000 MOSTAR

Zenica, 30.08.2021. godine

Vaš znak: 06-30-2-1480/20

Naš znak: 04-02-762-2/21

PREDMET: Odgovor, *dostavlja se*

Poštovani,

Vašim aktima-“Prednacrt Zakona o rudarstvu Federacije Bosne i Hercegovine”, broj: 06-30-2-1480/20 od 07.01.2021. godine i “Dopis-urgencija”, broj: 06-30-2-1480/20 od 08.03.2021. godine koje je Ministarstvo za privredu Zeničko-dobojskog kantona zaprimilo od strane Stručne službe Vlade Zeničko-dobojskog kantona traži se dostavljanje primjedbi, sugestija i prijedloga na Prednacrt Zakona o rudarstvu Federacije Bosne i Hercegovine od strane nadležnog kantonalnog organa.

Ministarstvo za privredu Zeničko-dobojskog kantona je izvršilo uvid u dostavljeni tekst Prednacrt Zakona o rudarstvu Federacije Bosne i Hercegovine te ovim putem ističe da na isti nema primjedbi jer predmetni Prednacrt ne mijenja nadležnost Ministarstva za privredu, zatim ne sadrži značajnije izmjene u odnosu na važeći Zakon o rudarstvu Federacije Bosne i Hercegovine (“Službene novine FBiH”, broj: 26/10), predložene dopune pojedinih članova Prednacrt detaljnije uređuju određene situacije, a evidentno je i detaljnije regulisanje mjera zaštite na radu zbog stupanja na snagu novog Zakona o zaštiti na radu.

Zvaničan stav koji potvrđuje naše mišljenje bit će Vam dostavljen nakon usvajanja na sjednici Vlade Zeničko-dobojskog kantona.

S poštovanjem,

Dostavljeno
1 x Naslov
1 x a/a

